

ੴ ਸ੍ਰੀ ਵਾਹਿਗੁਰੂ ਜੀ ਕੀ ਫਤਿਹ॥ ਸ੍ਰੀ ਭਵਾਨੀ ਜੀ ਸਹਾਇ॥ ਸ੍ਰੀ ਮਾਯਾ ਲਛਮੀ ਜੀ ਸਹਾਇ॥ ਉਸਤਤਿ ਸ੍ਰੀ ਮਾਯਾ ਲਛਮੀ ਜੀ ਕੀ॥ ਸ੍ਰੀ ਮੁਖਿਵਾਕਯ ਪਾਤਿਸ਼ਾਹੀ ੧੦॥ ਦੋਹਿਰਾ॥ ਛਾਯਾ ਰੂਪੀ ਹੋਇ ਕੈ ਬਿਚਰਤ ਸ੍ਰੀ ਗੋਪਾਲ॥ ਆਪਹਿ ਲਛਮੀ ਬਪੁ ਧਰੇ ਜੀਉ ਜੰਤੁ ਪ੍ਰਤਿਪਾਲ॥੧॥ ਚੌਪਈ॥ ਸ੍ਰੀ ਮਾਯਾ ਮੁਖਿ ਕਰੇ ਉਚਾਰ॥ ਦਰਿਦ੍ਰ ਸਾਗਰ ਤੇ ਲੇਹੁ ਉਬਾਰਿ॥੧॥ ਰਹਾਉ॥ ਦੋਹਿਰਾ॥ ਆਦਿ ਭਵਾਨੀ ਈਸੁਰੀ ਮਾਯਾ ਜਾ ਕੇ ਨਾਮ॥ ਇਨ ਬਿਨ ਸਰੈ ਨ ਏਕ ਛਿਨ ਪੂਰਨ ਹੋਤ ਨ ਕਾਮ॥੨॥ ਸੁਖਦਾਇਕ ਮੰਗਲ ਕਰਨ ਪ੍ਰਤਿਪਾਲੇ ਬਹੁ ਭਾਂਤਿ॥ ਸੁਬੁਧਿ ਦੈਨ ਜੈ ਜੈ ਕਰਨਿ ਮਾਯਾ ਸ੍ਰੀ ਜਗਮਾਤਿ॥੩॥ ਬਿਸਨੁਪਦ ਸਾਰੰਗ ਛਪਯ॥ ਜਗਬੰਦਨਿ ਜਗਨਾਥ ਜਗਤਪਾਲਕ ਹਰਿ ਅੰਬੈ॥ ਪ੍ਰਜਾਨਾਥ ਜਗਨਾਥ ਸੇਵਕ ਰੱਛਕ ਜਗਦੰਬੈ॥ ਜਗਤਾਰਨਿ ਭਯ ਹਰਨਿ ਪ੍ਰਜਾਪਤਿ ਆਦਿ ਭਵਾਨੀ॥ ਮਾਯਾ ਕੇ ਬਪੁ ਧਾਰਿ ਜਗਤ ਮਹਿ ਅਲਖ ਲਖਾਨੀ॥ ਅਪਦ ਬਿਨਾਸਨਿ ਸੁਖ ਕਰਨ ਦਾਸ ਰੱਛਕ ਹਰਿ ਮਾਯਾ॥ ਤੀਨ ਲੋਕ ਸਭਿ ਬਸਿ ਕਰਨਿ ਅਮਿਤਿ ਗਤਿ ਪ੍ਰਗਟ ਸੁਭਾਯਾ ॥੪॥ ਦੋਹਿਰਾ॥ ਤੁਮ ਬਿਨੁ ਸਰੇ ਨ ਏਕ ਛਿਨ ਕਾਰਜ ਹੋਤ ਨ ਸਿੱਧਿ ॥ ਜਿਨ ਕੋ ਤੁਮ ਕਿਰਪਾ ਕਰੀ ਤਿਨ ਕੇ ਗ੍ਰਿਹ ਨਵਨਿੱਧਿ॥੫॥ ਅਘਰਾ ਦਰਿਦ੍ਰ ਨਿਵਾਰਨੀ ਭਵਹਾ ਜਾ ਕੇ ਨਾਮ॥ ਸ਼ਤ੍ਰੁਘਾਤਨੀ ਅਮਿਤਿਗਤਿ ਮਿਤ੍ਰਪਾਲ ਸੁਖਧਾਮ॥੬॥ ਮਨ ਬਾਂਛਤਿ ਫਲ ਦੇਤ ਹਰਿ ਭਗਤ ਆਪੁਨੇ ਜਾਨੁ॥ ਸੁਜਸਿ ਦੇਤਿ ਮੰਗਲ ਕਰਨ ਸਭ ਕੇ ਕਰੇ ਕਲਜਾਨ॥੭॥ ਦੀਨਬੰਧੁ ਜਗ ਤਾਰਨੀ ਮਾਯਾ ਬਪੁ ਹਰਿ ਰਾਇ॥ ਜੂਲ ਬਿਸਾਲ ਮੁਖ ਤੇ ਜੂਲਿਤ ਸੰਕਟ ਕਰੇ ਸਹਾਇ॥੮॥ ਮਹਿ ਪਾਲਿਨ ਜਗ ਮੰਡਨੀ ਖਲ ਖੰਡਨਿ ਜਗਮਾਤ॥ ਅਚਲ ਸ੍ਵਰੂਪ ਅਨੂ ਪਗਤਿ ਮਾਯਾ ਸ੍ਰੀ ਜਗਨਾਥ॥੯॥ ਦਾਸ ਨਿਵਾਜਨ ਭਗਤ ਹਿਤੁ ਸਿਖਜਨ ਕੇ ਪ੍ਰਤਿਪਾਲ॥ ਮੁਕਤ ਦੈਨ ਰੱਛਕਾ ਕਰਨ ਮਾਯਾ ਸ੍ਰੀ ਗੋਪਾਲ॥੧੦॥ ਦਾਨ ਦੇਨ ਬਹੁ ਜਗਤ ਕੋ ਪ੍ਰਤਿਪਾਲੇ ਬਹੁ ਭਾਂਤਿ॥ ਕਾਲਰਫ ਜਗ ਪਾਲਨੀ ਬਿਧਨਾ ਸ੍ਰੀ ਪ੍ਰਭੁ ਨਾਥ॥੧੧॥ ਦਯਾ ਕਰਨ ਕਿਲਬਿਖ ਹਰਨ ਮਾਯਾ ਅਛਲ ਸਰੂਪ॥ ਬਯਾਧਿ ਹਰਨ ਸੰਕਟ ਦਰਨ ਖਲ ਖੰਡਨ ਜਗ ਭੂਪ॥੧੨॥ ਭਗਤ ਦਾਯਨੀ ਦਾਸ ਹਿਤੁ ਰੱਛ ਕਰਨ ਸਭ ਜਾਨ॥ ਦੀਨ ਨਿਵਾਜਨ ਭਯ ਹਰਨ ਕਰੁਨਾ ਨਿਧਿ ਭਗਵਾਨ॥੧੩॥ ਸਿਧਿ ਕਰਨ ਮੰਗਲ ਸਭਨ ਬਯਾਪਕ ਸਕਲ ਸੰਸਾਰ॥ ਚੌਰਾਸੀ ਜੋਇਨ ਕਟਤਿ ਸਿਮ੍ਰਿਤਿ ਸ੍ਰੀ ਸੁ ਮੁਰਾਰਿ॥੧੪॥ ਸੋਰਠਾ॥ ਧਨ ਦਾਯਕ ਦ੍ਰਬਜ ਦੇਨ ਪ੍ਰਜਾ ਪਾਲਨੀ ਪ੍ਰਜਾਪਤਿ॥ ਕੁਮਤਿਨਾਸ ਮਤਿਦੇਨ ਅਮਿਤ ਤੇਜ ਅਮਿਤੋਜ ਗਤਿ॥੧੫॥ ਬਿਸਨੁਪਦ ਸਾਰੰਗ ਛਪਯ ਛੰਦ॥ ਨਵਲਨਾਥ ਨਿਰਬਾਨ ਸੁਬੁਧਿ ਦਾਇਕ ਮੰਗਲ ਕਰ॥ ਕਾਲ ਬਿਨਾਸਨ ਰਹਿਤ ਕਾਲ ਸੁਤ ਦਾਇਕ ਨਰ ਹਰਿ॥ ਕਰੁਨਾਨਿਧਿ ਕ੍ਰਿਪਾਲੁ ਕਲਪਬ੍ਰਿਛ ਜਾ ਕੀ ਛਾਯਾ॥ ਸੁ ਨਾਥ ਨਿਰੰਜਨ ਨਰ ਹਰੀ ਸਭ ਜਗਤ ਸਹਾਯਾ॥ ਮਾਯਾ ਬਪੁ ਜਗ ਮਾਹਿ ਦੁਖ ਹਰਤਾ ਸਭ ਜਗਤ ਕੀ॥ ਜਿਸੁ ਸੁਨਿਯਤ ਦੁਖ ਜਾਂਹਿ ਜਸੁ ਪੂਰਨ ਹਰਿ ਲੱਛਮੀ॥੧੬॥ ਦੋਹਿਰਾ॥ ਨਰਕ ਨਿਵਾਰਨ ਜਗਤ ਗੁਰ ਮੋਹਨ ਸਕਲ ਸੰਸਾਰ॥ ਰਿਜਕ ਦੇਨ ਸਭ ਜਗਤ ਕੋ ਜਸ ਪੂਰਨ ਭੰਡਾਰ॥੧੭॥ ਛਪਯ ਛੰਦ॥ ਅਘ ਕੰਦਨ ਭਵਹਰਨ ਜੋਗ ਜੂਲਾ ਛਤ੍ਰੀ ਬ੍ਰਿਤ॥ ਧਰਮ ਧੁਜਾ ਫਰਹਰਤ ਧਰਮ ਮੂਰਤਿ ਧਰਮਾਕ੍ਰਿਤਿ॥ ਅਸੀਪਾਨ ਅਸਿਕੇਤੁ ਖੜਗਧੁਜ ਧਰਮ ਧਨੁਰਧਰ॥ ਅਕਾਲ ਮੂਰਤਿ ਅਨੁਭਉ ਪ੍ਰਕਾਸ ਅਮਿਤੋਜ ਅਟਲ ਬਰ॥ ਨਿਹਕਲੰਕ ਨਿਰਬਾਨ ਅਬਿਚਲ ਸ੍ਵਰੂਪ ਅਨੁਭਵ ਜੁਗਤ॥ ਨਿਰਾਕਾਰ ਨਿਰਬਯਾਧਿ ਮਦਨਮੂਰਤਿ ਬਿਦਯਾ ਸੁ ਪਤਿ॥ ੧੮॥ ਛਪਯ ਛੰਦ॥ ਨਵਤਨ ਨਵਲ ਕਿਸੋਰ ਅਮਰਗਤਿ ਜਾ ਕੀ ਬਾਨੀ॥ ਅਤਿ ਸੁੰਦਰਿ ਛਬਿ ਧਰੇ ਪ੍ਰਜਾਪਤਿ ਜੂਲਾ ਰਾਨੀ॥ ਧਰਮ ਸਿੰਧੁ ਕਲਜਾਨ ਸੁਧਾ ਗਤਿ ਮਾਯਾ ਕਰਨੀ॥ ਏਕ ਦ੍ਰਿਸਟਿ ਭਵ ਤਰਤਿ ਜਾਸ ਗਤਿ ਊਨਵ ਤਰਨੀ॥ ਕਲਾ ਧਾਰਿ ਸਭ ਮਧਜ ਰਾਜਤ ਗਾਜਤ ਕੇਹਰਿ ਸਮ॥ ਨੂਪਰ ਚਰਨ ਅਪਾਰ ਧੁਨਿ ਸੁਨਿਅਤ ਭਾਜੈ ਸੁ ਜਮ ॥੧੯॥ ਦੋਹਾ ਸੋਰਠਾ॥ ਸਭ ਕਿਛੁ ਤੁਮਰੇ ਹਾਥ

ਸ਼੍ਰੋਮਣੀ ਪੰਥ ਖਾਲਸਾ ਅੰਕਾਲੀ ਬੁਢਾ ਵਲ ਨਿਹੰਗ ਸਿੰਘ ਪੰਜਵਾਂ ਤਖਤ ਚਕ੍ਰਵਰਤੀ ਚਲਦਾ ਵਾਹੀਰ ਵਿਸ਼ਵ

ਜਿਸ ਦੇਵੇ ਸੋ ਪਾਵਹੀ ॥ ਸ੍ਰੀ ਨਾਥਾਂ ਕੇ ਨਾਥ ਮਾਯਾ ਚਰਨ ਧਯਾਵਹੀ॥੨੦॥ ਦਯਾ ਰੂਪ ਭਗਵੰਤ ਦਰਿਦ੍ਰ ਨਿਵਾਰਨ ਸੁਖ ਕਰਨ॥ ਮੰਗਲ ਰੂਪ
 ਅਨੰਤ ਅਪਦ ਬਿਨਾਸਨ ਜੈ ਕਰਨ॥ ੨੧॥ ਲੋਕ ਚਤੁਰਦਸ ਨਾਥ ਰਮਾ ਰਾਵ ਸਭ ਜਗਤ ਕੀ॥ ਦੀਨਾ ਨਾਥ ਅਨਾਥ ਮਯਾ ਕਰੋ ਇਸ ਪਤਿਤ
 ਕੀ॥੨੨॥ ਮੈ ਧਰ ਓਟ ਨ ਅਉਰ ਢਹਿ ਪਏ ਦ੍ਵਾਰ ਮਾਯਾ ਹਰੀ॥ ਦੂਸਰ ਨਾਹੀ ਠਉਰ ਕਿਸ ਕੋ ਜਾਚੇ ਨਰਹਰੀ॥੨੩॥ ਹਰਹੁ ਦੀਨ ਅਪਦਾ ਹਰੀ
 ਮਿਹਰ ਉਪਾਵਹੁ ਦੁਖ ਹਰੇ॥ ਮਯਾ ਕਰੋ ਇਸ ਪਤਿਤ ਪਰ ਮੰਗਲ ਕਰ ਅਪਦਾ ਹਰੇ॥੨੪॥ ਦਰਿਦ੍ਰ ਸਾਗਰ ਮਹਿ ਡੂਬਤੇ ਹੇ ਮਾਯਾ ਜਗ ਤਾਤ॥
 ਤੁੱਛ ਬਾਤ ਤੁਮ ਨਿਕਟਿ ਹੈ ਗਹਿ ਭੁਜ ਲਿਹੁ ਰਘੁਨਾਥ॥੨੫॥ ਕਰਮ ਹੀਨ ਮਤ ਹੀਨ ਹੋਂ ਅਲਪ ਬੁਧਿ ਮਤਿ ਥੋਰ॥ ਮਹਾ ਪਤਿਤ ਦੁਖੀਆ ਅਧਿਕ
 ਚਿਤਵਉ ਅਪਨੀ ਓਰ॥੨੬॥ ਮਿਹਰ ਨਜ਼ਰ ਕੀ ਫਜ਼ਲ ਸੇ ਚਿਤਵਹੁ ਦੀਨ ਦਯਾਲ॥ ਮੀਨ ਤਪਤ ਜਲ ਦੇਹੁ ਹਰਿ ਕਰੁਨਾਨਿਧਿ ਗੋਪਾਲ॥੨੭॥
 ਕ੍ਰਿਪਾ ਸਿੰਧੁ ਸੰਕਟ ਹਰਨ ਕਲਪ ਬ੍ਰਿਛ ਜਿਹ ਛਾਹ॥ ਸਿਧਿ ਰੂਪ ਅਨਹਦ ਸ਼ਬਦ ਜਿਹ ਸਮ ਦੂਸਰ ਨਾਹ॥੨੮॥ ਚਾਰਨੀ ਦੋਹਰਾ॥ ਸ੍ਰੀ ਮਾਯਾ ਜਗ
 ਮੋਹਨੀ ਨਿਹਕਲੰਕ ਜਿਹ ਰੂਪ॥ ਤੀਨ ਲੋਕ ਬੰਦਤ ਚਰਨ ਬ੍ਰਹਮਾ ਬਿਸਨੁ ਅਨੂਪ॥੨੯॥ ਬਿਸਨੁਪਦ ਸਾਰੰਗ ਛਪਯ॥ ਸੇਸ ਸਹਸ ਫਨਿ ਰਟਤ
 ਤਦਯਪਿ ਤੁਮ ਅੰਤੁ ਨ ਪਾਵਤ॥ ਨੇਤ ਨੇਤ ਸਭ ਕਹਿਤ ਬੇਦ ਸੁਰ ਨਰ ਮੁਨਿ ਧਯਾਵਤ॥ ਚਿਤ ਚਿੰਤਾ ਨਰ ਹਰਤ ਮਾਯ ਇਛਯਾ ਪੂਰਨ ਜਗਿ॥
 ਕਲਿਮਲ ਅਘ ਸਭਿ ਹਰਤ ਮੁੱਖ ਮੰਡਲ ਨਵਤਨ ਛਬਿ॥ ਕਵਲ ਨਯਨ ਸੁ ਨ੍ਰਿਪਣ ਨ੍ਰਿਪਤਿ ਕਟ ਕੇਹਰਿ ਮ੍ਰਿਗ ਲੋਚਨੀ॥ ਕਦਲਿ ਸੁ ਜੰਘੁ ਆਜਾਨੁ
 ਬਾਹੁ ਪ੍ਰਜਾਪਾਲ ਦੁਖ ਮੋਚਨੀ॥੩੦॥ ਬਡਾ ਦੋਹਰਾ॥ ਹੈ ਚਤੁਰ ਬਾਹੁ ਅਸ਼ਟਾਕਰੀ ਨਾਰਸਿੰਗ ਜਹ ਕੇ ਭੇਸ॥ ਪ੍ਰਹਿਲਾਦ ਉਬਾਰਯੋ ਦੁਖ ਹਰਯੋ
 ਹਰਨਾਖਸ ਹਰਯੋ ਨਰੇਸ॥੩੧॥ ਇੰਦ੍ਰ ਦੋਹਰਾ॥ ਮੁਕਤਿ ਦੇਨ ਮੰਗਲਕਰਨ ਛੇਮ ਕਰਨ ਹਰਿ ਰਾਇ॥ ਸੂਤਿ ਬਚਨੀ ਸੂਤਿ ਕਰਨ ਹਰਿ ਸਭ ਕੋ ਕਰੋ
 ਸਹਾਇ॥੩੨॥ ਬਿਸਨੁਪਦ ਗਉਰੀ॥ ਛੇਮ ਕਰਨ ਇਛ ਪੁਜਨ ਅਮਰ ਧਨ ਬ੍ਰਿਤ ਮਹੀਧਰ ॥ ਰੱਛ ਕਰਨ ਭਯ ਹਰਨ ਸਦਾ ਜੈ ਧਰਮ ਧਨੁਰਧਰ॥
 ਮਾਯਾ ਨਾਮ ਅਪਾਰ ਜਗਤ ਮਹਿ ਪ੍ਰਗਟ ਭਵਾਨੀ॥ ਸੰਕਟ ਦਰਿਦ੍ਰ ਅਪਦਾ ਪੀਰ ਹਰਨ ਤ੍ਰੈਲੋਕ ਪਛਾਨੀ॥੩੩॥ ਦੀਨਾਨਾਥ ਸਨਾਥ ਸਭਨ
 ਪ੍ਰਤਿਪਾਲ ਕਰੱਯਾ॥ ਜਗਬੰਦਨ ਭਯ ਹਰਨ ਮਾਯ ਦੁਧ ਪੂਤ ਦਿਵੱਯਾ॥ ਮਨਿ ਬਾਂਛਤ ਫਲ ਦੇਤ ਬਿਰਦ ਕੀ ਲਾਜ ਰਖੱਯਾ॥ ਦੀਨਨ ਕੀ ਪ੍ਰਤਿਪਾਲ
 ਧਰਮ ਬ੍ਰਿਤ ਅਪਦ ਮਿਟੱਯਾ॥੩੪॥ ਇੰਦ੍ਰ ਸੋਰਠਾ॥ ਮਾਯਾ ਅਛਲ ਅਪਾਰ ਮੋਛ ਕਰਨ ਸੰਕਟ ਹਰਨ॥ ਬਿਧਨਾ ਸਕਲ ਸੰਸਾਰ ਰਿਜਕ ਦੇਨ
 ਇਛਯਾ ਪੁਜਨ॥੩੫॥ ਰਸਾਲ ਦੋਹਰਾ॥ ਸੁਖਦ ਦੇਨ ਅਨਹਦ ਕਰਨ ਜੈ ਜੈ ਮੰਗਲ ਰੂਪ॥ ਅਬਿਨਾਸੀ ਅਬਿਚਲ ਸਦਾ ਬਿਧਨਾ ਬ੍ਰਹਮ ਸਰੂਪ॥
 ੩੬॥ ਦ੍ਰਬਜ ਉਪਾਵਨ ਕੇ ਨਮਿੱਤ ਸਿਮਰੋ ਸ੍ਰੀ ਜਗਮਾਇ॥ ਆਦਿ ਅੰਤ ਰਛਯਾ ਕਰਨ ਸਭ ਕੋ ਕਰੋ ਸਹਾਇ॥੩੭॥ ਅਗਮ ਰੂਪ ਮਾਯਾ ਹਰੀ
 ਪਰਮ ਸਿਧਿ ਕੀ ਖਾਨਿ॥ ਕੁਮਤਿ ਬਿਨਾਸਨਿ ਜੈ ਕਰਨ ਦਾਤਾ ਸਗਲ ਜਹਾਨਿ॥੩੮॥ ਦੂਖ ਨਿਵਾਰਨਿ ਅਘ ਹਰਨਿ ਦੀਨ ਦਯਾਲ ਕ੍ਰਿਪਾਲ॥
 ਸਰਨਿ ਪਰੇ ਕੀ ਰਾਖਤੀ ਦਾਤਾ ਸਗਲ ਗੁਪਾਲ॥੩੯॥ ਸ੍ਰੀ ਨਾਰਾਇਣ ਜਗਤ ਪਿਤ ਭਵਖੰਡਨ ਜਗਮਾਤਿ॥ ਸ੍ਰਿਸ੍ਰਿ ਉਪਾਵਨ ਜਗ ਕਰਨ ਪ੍ਰਤਿਪਾਲੇ
 ਦਿਨ ਰਾਤਿ॥੪੦॥ ਕਿਰਤਾਰਥ ਮੰਗਲ ਕਰਨ ਕਰੁਨਾ ਨਿਧਿ ਕਰਤਾਰ॥ ਕਾਲ ਰੱਛ ਤਾਰਨ ਪ੍ਰਭੂ ਮਾਯਾ ਰੂਪ ਮੁਰਾਰਿ॥੪੧॥ ਮਧੁਰ ਧੁਨਿ ਛੰਦ
 ਦੋਹਰਾ॥ ਬਿਧਨਾ ਸਕਲ ਸੰਸਾਰ ਕੀ ਸਿਰਜਾ ਧਰਨਿ ਅਕਾਸ॥ ਚੰਦ ਸੂਰਜ ਦੁਇ ਦੀਵੜੈ ਕੀਨੇ ਬਿਬਿਧਿ ਪ੍ਰਕਾਸ॥੪੨॥ ਬ੍ਰਹਮਾ ਬਿਸਨੁ ਉਪਾਇ
 ਕੈ ਕੀਨੀ ਸਕਤਿ ਪਸਾਰ ॥ ਕੋਟਿ ਤੇਤੀਸਾ ਸੁਰ ਭਏ ਨਾਲੇ ਇੰਦ੍ਰ ਭੂਆਰ॥੪੩॥ ਸੁਰ ਨਰ ਮੁਨਿ ਗੰਧ੍ਰਬ ਰਚੇ ਜਖ ਕਿੰਨਰ ਗਨ ਪ੍ਰੇਤ ॥ ਅਸੁਰ
 ਪ੍ਰਬਲ ਦਾਨੋ ਬਿਕਟ ਰਾਹੁ ਨਿਛੜੁ ਗ੍ਰਿਹ ਹੇਤ॥੪੪॥ ਛਪਯ ਛੰਦ॥ ਸਪਤ ਸਿੰਧੁ ਸਪਤ ਦੀਪ ਖੰਡ ਨਵ ਖੰਡ ਬਨਾਯੋ॥ ਜਲ ਥਲ ਪਰਬਤ

ਕਨਕ ਮੇਰੁ ਹਿਮ ਭੂਮਿ ਰਚਾਯੋ॥ ਪਸੁ ਪੰਛੀ ਜਲ ਜੀਵ ਅਨਲ ਗਗਨੰਤਰਿ ਕੀਨਾ॥ ਅੰਡਜ ਜੇਰਜ ਸੇਤਜ ਉਤਭੁਜ ਪ੍ਰਗਟ ਸੁ ਕੀਨਾ॥ ਨਰਕ
 ਸੁਰਗ ਚਹੁ ਜੁਗ ਬਨੇ ਰਾਤ੍ਰਿ ਦਿਨਸੁ ਪਲ ਮਾਸ॥ ਪਵਨ ਪਾਨੀ ਬੈਸੰਤਰੇ ਠਾਕੁਰ ਚੇਰੇ ਦਾਸ॥੪੫॥ ਦੋਹਰਾ॥ ਦੁਖ ਸੁਖ ਦੁਇ ਕਪਰੇ ਬਨੇ ਮਾਨੁਖ
 ਕਾ ਬਿਵਹਾਰ॥ ਧਰਮ ਪਾਪ ਸਾਖੀ ਦੇਉ ਬਿਧਨਾ ਠਟਯੋ ਅਪਾਰ॥੪੬॥ ਕਨਕ ਦੋਹਰਾ॥ ਜਾਤ ਜਾਤ ਰਚਨਾ ਭਈ ਸਭ ਮਹਿ ਆਪ ਖਿਲੰਤ॥
 ਨੀਚ ਉਚ ਮਹਿ ਅਪ ਹਰਿ ਬਿਰਲਾ ਕੋਇ ਬੁਝੰਤ॥੪੭॥ ਰਾਵ ਰੰਕ ਪ੍ਰਜਾ ਭਈ ਗ੍ਰਾਮ ਨਗਰ ਸਭ ਦੇਸ॥ ਭੂਪ ਛਤ੍ਰਪਤਿ ਤੇਜਬਰ ਸੂਰੇ ਜੋਧ
 ਨਰੇਸ॥੪੮॥ ਖੜੀ ਬ੍ਰਹਮਨ ਸੂਦ ਵੈਸ ਚਾਰ ਵਰਨ ਕੀ ਖਾਨ॥ ਮਾਯਾ ਸੁਪਨ ਸੁਖੋਪਤੀ ਪੁਨਯ ਦਾਨ ਇਸਨਾਨ॥੪੯॥ ਬਲੀ ਤਪੀ ਜੋਗੀ ਕਿਯੋ
 ਜਟਾ ਜੂਟ ਨਖਧਾਰ॥ ਗ੍ਰਹੀ ਜਤੀ ਜਾਪੀ ਹੁਏ ਨਾਨਾ ਬਿਧਿ ਬੈਪਾਰ॥੫੦॥ ਸੁਰ ਨਰ ਮੁਨਿ ਦੇਵੀ ਬਨੇ ਆਪ ਬਨੇ ਅਵਤਾਰ॥ ਰਤਨ ਲਾਲ ਹੀਰਾ
 ਮੁਕਤ ਕੰਚਨ ਰੂਪ ਸੁਧਾਰ॥੫੧॥ ਸਭ ਮਹਿ ਤੁਹੀਂ ਨਿਰੰਜਨਾ ਊਨੀ ਠਉਰ ਨ ਕੋਇ॥ ਘਟਿ ਘਟਿ ਮਹਿ ਬਿਚਰੇ ਪ੍ਰਭੂ ਨ ਕੋਇ ਹੁਆ ਨ
 ਹੋਇ॥੫੨॥ ਰਹਾਉ॥ ਚਾਰ ਬੇਦ ਖਟ ਅਸਟ ਦਸ ਬਿਧਨਾ ਰਚਿ ਬਿਸਥਾਰ॥ ਤੀਨ ਲੋਕ ਰਚਨਾ ਭਈ ਕਰਤਾ ਸਿਰਜਨਹਾਰ॥੫੩॥ ਤੁਮ ਬਿਨ ਸਰੇ
 ਨ ਏਕ ਛਿਨ ਤੁਮ ਸਭ ਜੀਅਨ ਪ੍ਰਾਨ॥ ਤੁਮ ਕਰਤਾ ਸਭਿ ਜਗਤ ਕੀ ਤੁਮ ਹੀ ਤੇ ਸਭਿ ਮਾਨ॥੫੪॥ ਰਹਾਉ॥ ਕਰਮ ਧਰਮ ਸੁਚਿ ਨੇਮ ਜਪ ਖਟ
 ਕਰਮਨ ਕੀ ਰੀਤਿ॥ ਸੰਨਯਾਸੀ ਪੁਨਿ ਸ਼ੁਤਿ ਪੁਨਿ ਨਟ ਨਾਟਕ ਸੰਗੀਤ॥੫੫॥ ਜੰਤ੍ਰ ਮੰਤ੍ਰ ਤੰਤ੍ਰਨ ਭਈ ਬਿਤਿ ਵਾਰੁ ਰੁਤਿ ਮਾਸ॥ ਰਸ ਕਸ ਭੋਜਨ
 ਬਿੰਜਨਾ ਦੁਗਧ ਖੀਰ ਜਗਰਾਸ॥੫੬॥ ਨੇਕੀ ਬਦੀ ਖੁਸ਼ੀਆ ਘਨੀ ਜੋਗ ਭੋਗ ਕੀ ਖਾਨ॥ ਰਿਧਿ ਸਿਧਿ ਚਿੰਤਾ ਸਕਲ ਜੀਅ ਜੰਤ ਪ੍ਰਮਾਨ॥੫੭॥
 ਬਿਪਤਿ ਸਪਤਿ ਅਪਦਾ ਰਚੀ ਰਚਨਾ ਅਨਿਕ ਪ੍ਰਕਾਰ॥ ਬਨ ਤ੍ਰਿਨ ਪਰਬਤ ਭੂਮਿਧਰ ਉਡਗ ਨਛਤ੍ਰ ਗਨਾਰ॥੫੮॥ ਸਭ ਮਹਿ ਏਕ ਨਾਰਾਇਣਾ
 ਮਾਯਾ ਕੇ ਬਪੁ ਧਾਰ॥ ਪ੍ਰਤਿਪਾਲੇ ਬਹੁ ਜੀਅ ਜੰਤੁ ਸਭ ਕੇ ਦੇਤ ਅਹਾਰ॥੫੯॥ ਮਾਧੋ ਦੋਹਰਾ॥ ਫੁਲ ਫਲ ਬਿਰਖਾ ਤੁਹੀਂ ਤੁਹੀਂ ਸਭਨ ਕੀ ਸਾਰ॥
 ਤੁਮ ਸਭ ਕੇ ਪੈਦਾ ਕਰੇ ਤੁਮ ਹੀ ਕਰਹੁ ਸੰਘਾਰ॥੬੦॥ ਪੰਚਾਲ ਦੋਹਰਾ॥ ਜਬਿ ਮਾਯਾ ਹਰਿ ਬਪੁ ਧਰਯੋ ਤਬਿ ਸਭ ਹੀ ਬਿਵਹਾਰ॥ ਗੁਪਤਿ
 ਪ੍ਰਗਟਿ ਸਭ ਘਟਿ ਬਿਖੈ ਵਰਤੇ ਰੂਪ ਅਪਾਰ॥੬੧॥ ਜੁਗਿ ਜੁਗਾਂਤਿ ਸੁੰਨ ਪੁੰਧ ਤੇ ਏਕ ਅਲਖ ਕਰਤਾਰ॥ ਗੁਪਤਿ ਪ੍ਰਗਟਿ ਸਭ ਘਟਿ ਬਿਖੈ ਵਰਤੈ
 ਰੂਪ ਅਪਾਰ॥੬੨॥ ਅਨੰਦ ਦੋਹਰਾ॥ ਸਰਬਲੋਹ ਰਛਯਾ ਕਰਨ ਸੰਤਨ ਕੇ ਸੁਖ ਧਾਮ॥ ਸ੍ਰੀ ਮਾਯਾ ਜਗ ਬੰਦਨੀ ਲਛਮੀ ਜਾ ਕੇ ਨਾਮ॥੬੩॥ ਮੰਗਲ
 ਦੋਹਰਾ॥ ਕਰੁਨਾਕਰ ਸੁ ਕ੍ਰਿਪਾ ਕਰਹੁ ਹੋਂ ਮਤਿ ਮੰਦ ਅਭਾਗ॥ ਦੁ ਕਰ ਜੋਰ ਬਿਨਤੀ ਕਰਤਿ ਰਤੀ ਭਾਗ ਮੋਹਿ ਜਾਗ॥੬੪॥ ਕਰਮ ਰੇਖ ਮਾਯਾ
 ਤੁਹੀਂ ਤੁਹੀਂ ਸਭਨ ਕੀ ਸਾਰ॥ ਜਬਿ ਤੁਮਰੀ ਕਿਰਪਾ ਭਈ ਜਾਗਤਿ ਭਾਗ ਲਿਲਾਰ॥੬੫॥ ਅਨੰਦ ਦੋਹਰਾ॥ ਅਨੰਦ ਰੂਪ ਅਨਹਦ ਸਦਾ ਅਨੁਦਿਨੁ
 ਅਨਦ ਅਨੰਦ॥ ਅਨਦ ਬਿਨੋਦ ਅਨੰਤ ਹਰਿ ਅਨਹਤ ਅਨਦ ਗੁਬਿੰਦ॥੬੬॥ ਜਯ ਦੋਹਰਾ॥ ਜਯਸ ਜਯਤੁ ਜਯਕਰ ਜਯੀ ਜੈ ਜੈ ਜੈ ਜਗਦੀਸ॥
 ਜਵਤ ਜਮੁਨ ਜਤ ਬ੍ਰਤ ਜਗਤ ਜਗਮਗ ਜਗ ਜਹਿਈਸ॥੬੭॥ ਪਵਿਤ੍ਰ ਦੋਹਰਾ॥ ਪਰਮ ਪਵਿਤ੍ਰ ਪੁਨੀਤਿ ਪਤਿ ਪੀਤੰਬਰ ਪ੍ਰਤਿਨਾਮ॥ ਪਾਪ ਪਰਨ
 ਪੂਰਨ ਪਿਤ੍ਰ ਪੀਰ ਪਰਾ ਪਰਧਾਮ॥੬੮॥ ਧਰਮ ਸੋਰਠਾ॥ ਧਰਮ ਧਾਰ ਧਨ ਧਾਨਯ ਧਨਯ ਧਨਯ ਧਰਨੀਧਰਾ॥ ਧੀਰਜ ਧਰਮ ਸੁ ਧਯਾਨ ਧੁੰਧ
 ਧੂਰਿ ਧੀਰਕ ਧਰਾ॥੬੯॥ ਮੋਹਨ ਸੋਰਠਾ॥ ਮਨ ਮੋਹਨ ਮਿਹਰਵਾਨ ਮੰਗਲ ਮਗਨ ਮਹਾਨ ਮਤਿ॥ ਮਾਧੋ ਮਦਨ ਮੁਰਾਰਿ ਮਧੂਸੂਦਨ ਮੋਹਕ
 ਮਹਤਿ॥੭੦॥ ਚਿਤਾਨੰਦ ਸੋਰਠਾ॥ ਚਿੰਤਾਮਨਿ ਚਿਰਕਾਲ ਚਿੰਤ ਚੀਰ ਚੈਤੰਨ ਚਿਤ॥ ਚੰਚਲ ਚਪਲ ਅਚਾਲ ਦ੍ਰਿਗ ਚਕੋਰ ਪੰਕਜ ਅਚੁਤ॥੭੧॥
 ਛਤ੍ਰੀ ਸੋਰਠਾ॥ ਛਤ੍ਰੀ ਛਿੱਤਿ ਛਿਤਾਰਿ ਛੀਰ ਛਮੋਹ ਛੇਤ੍ਰ ਛਕਤਿ॥ ਛਿਪ੍ਰ ਛੇਮ ਛੈ ਛਾਰਿ ਛਾਰ ਕਰਨ ਛੁਦ੍ਰਨ ਬਿਪਤਿ॥੭੨॥ ਭਾਵੀਉਦੋਤ ਸੋਰਠਾ॥

ਭਾਵੀ ਭੁਗਤ ਭੰਡਾਰ ਭੀਰ ਭੀਮ ਭੈਰਵ ਹਰਨ॥ ਭਵਹਾ ਭੂਤ ਭਵਾਨ ਭਗਤਿ ਭਾਵ ਭਵਜਲ ਤਰਨ॥੨੧॥ ਪਾਰਸ ਸੋਰਠਾ॥ ਪਾਰਸਿ ਪਿਤਾ ਪੁਰਾਨ
 ਪਰਮਾਨੰਦ ਪ੍ਰੀਤਮ ਪ੍ਰਭੂ॥ ਪੂਰਨ ਪੁਰਖ ਪੁਰਾਨ ਪਾਪ ਪੁੰਜ ਗਾਰਤ ਸਭੂ॥੨੨॥ ਨਾਰਾਇਨ ਸੋਰਠਾ॥ ਨਾਰਾਇਨ ਨਿਰੰਕਾਰ ਨਾਰਸਿੰਘ ਨਰਹਰਿ
 ਨਵਲ॥ ਨਿਰਬਿਕਾਰ ਨਿਰਹਾਰ ਨੰਦ ਨੰਦਨ ਨੇਤ੍ਰ ਕਵਲ॥੨੩॥ ਗਿਰਧਾਰ ਦੋਹਰਾ॥ ਗਿਰਧਾਰੀ ਗੋਬਿੰਦ ਗੁਰੂ ਗੋਵਰਧਨ ਗੋਪਾਲ॥ ਗੋਸਾਈਂ ਗੋਪੀ
 ਬਲਭ ਗੋਪਨਾਥ ਗੋਆਲ॥੨੪॥ ਕਵਲ ਸੋਰਠਾ॥ ਕਾਰਨ ਕਰਨ ਕਰੀਮ ਕੇਸਵ ਕਿਰਤਾਰਥਿ ਕਰਨ॥ ਕੋਮਲ ਕਮਲ ਨਵੀਨ ਕੋਟ ਕਲੰਕ ਕੰਟਕ
 ਹਰਨ॥੨੫॥ ਖਾਲਕ ਸੋਰਠਾ॥ ਖਾਲਕ ਖਲਕ ਖੁਦਾਇ ਖੈਰ ਖੂਬ ਖੁਸ਼ਹਾਲ ਖੁਸ਼ ॥ ਖਾਲਸ ਖਸਮ ਅਤਾਇ ਖਾਮੇ ਖੂਨ ਖਤਾ ਬਖਸ਼॥੨੬॥
 ਘਨਿਸ਼ਯਾਮ ਦੋਹਰਾ॥ ਘਟਿ ਘਟਿ ਮੈ ਘਨਿ ਸਯਾਮ ਜੂ ਘਹਰਤ ਘਨ ਘਨਘੋਰ ॥ ਜੀਅ ਜੰਤੁ ਚਾਤ੍ਰਿਕ ਮਯੂਰ ਚਿਤਵਤ ਕੋਕਲ ਮੋਰ॥੨੭॥ ਦਯਾ
 ਦੋਹਰਾ॥ ਦੀਨ ਦਯਾਲੁ ਦਾਤਾ ਦਯਾ ਦੁਖ ਦਲਿਦ੍ਰ ਦਲ ਦੁੰਦ ॥ ਦ੍ਰਿਗ ਬਿਸਾਲ ਦੁਤਿ ਅਦ੍ਰਯੰ ਦਿਨਕਰ ਸਮਰ ਮੁਕੰਦ॥੨੮॥ ਓਅੰ ਦੋਹਰਾ॥ ਓਅੰ
 ਵਾਸਦੇਵ ਵੇਦਨ ਵਿਦਤ ਵਾਰ ਵਾਰ ਲੱਖ ਵਾਰ ॥ ਓਰ ਨਿਬਾਹ ਵੈਰੀ ਨਹੀਂ ਵੈਰ ਹਰਨ ਕਰਤਾਰ॥੨੯॥ ਸਹੰਸਮੁਖੀ ਦੋਹਰਾ॥ ਸ਼ਹਨਸ਼ਾਹ ਸ਼ਹਪਤਿ
 ਸਗਲ ਸੰਸਯ ਸਿਹਰ ਸਿਰਾਇ॥ ਸਜਨ ਸਾਧੁ ਸੰਸਾ ਨਹੀਂ ਸੀਤਲ ਸਤ ਸੁਖਦਾਇ॥੩੦॥ ਇੰਦ੍ਰਾ ਦੋਹਰਾ॥ ਈਸਰ ਈਸ ਇਮਾਨ ਇਕ
 ਇਮਨਾਇਕ ਇਮਨਾਇ॥ ਇਕ ਇਕ ਈਕਾਨ ਇਸ ਇੰਦ੍ਰ ਲਾਇੰਤਹਾਇ॥੩੧॥ ਝਰਨ ਦੋਹਰਾ॥ ਝਰਨ ਝੋਰ ਝੰਕਤ ਝਪਟ ਝਿਮ ਝਿਮ ਝਿਮ
 ਝੁਨਕਾਰ ॥ ਝੀਨ ਸਬਦ ਝਾਂਜਨ ਝਰਨ ਝਗਰਾ ਝੂਠ ਝਿੰਕਾਰ॥੩੨॥ ਟੋਟਕ ਦੋਹਰਾ॥ ਟੋਟ ਟੂਟ ਟੰਟਾ ਟਰਨ ਟੀਕਾ ਸਗਲ ਸੰਸਾਰ॥ ਟਕ ਟਕ
 ਟਕ ਨਿਰਖੋਂ ਤੁਮਹਿ ਏਕ ਟਿਕਨ ਕਰਤਾਰ॥੩੩॥ ਠੌਰ ਠੌਰ ਠਾਕੁਰ ਠਟਯੋ ਬਿਨੁ ਠਾਕੁਰ ਨਹਿੰ ਠਾਟ॥ ਠਾਕ ਠੋਕ ਸੋਂ ਦੂਰ ਯਹ ਨਹਿੰ ਬਾਗਾ ਨਹਿੰ
 ਠਾਟ॥੩੪॥ ਨਿਡਰ ਦੋਹਰਾ॥ ਡਾਂਗਰ ਡੀਗਰ ਹੋਂ ਅਧਿਕ ਤੁਮ ਨਿਡਰ ਡਰ ਡਾਰ॥ ਬਾਰ ਬਾਰ ਡੰਡਉਤ ਤੁਮ ਤੁਹ ਜਸ ਡੰਕ ਅਪਾਰ॥੩੫॥ ਢੀਠ
 ਦੋਹਰਾ॥ ਢੋਰ ਢੀਮ ਢਾਢੀ ਢਿਮਕ ਹੋਂ ਤਰੁ ਢਾਕ ਪਲਾਸ॥ ਢੋਰ ਢੀਠ ਢੁਲਕਤ ਫਿਰਤ ਢਹਿ ਢਹਿ ਪਰਨ ਉਦਾਸ॥੩੬॥ ਛਪਯ॥ ਤਰੁਨ ਤਾਪ
 ਤਮ ਹਰਨ ਤਾਤ ਤਯਾਗੀ ਤੀਰਥਿ ਤਤਿ॥ ਤਿਮਰ ਤਪਤ ਤਿਖ ਟਰਨ ਤੋਖ ਤਪੀਅਨ ਅੰਤਰ ਗਤਿ॥ ਜੰਤ੍ਰ ਮੰਤ੍ਰ ਮਹਿ ਆਪ ਆਪ ਤੋਸਾ ਤਕਿਯਾ
 ਛਿਤਿ॥ ਤਟ ਤੀਰਥਿ ਤਿਟਕਾਟ ਆਪ ਆਪੇ ਤਪਸੀ ਬ੍ਰਿਤਿ॥ ਤਾਪ ਨਿਵਾਰਨ ਤਮ ਹਰਨ ਅਘ ਨਾਸਨ ਅਮਿਤੋਜ ਗਤਿ ॥ ਤਕੀਆ ਤਾਨ
 ਨਿਤਾਨ ਮਾਨ ਦਾਇਕ ਛਤ੍ਰੀਨ ਪਤਿ॥੩੭॥ ਬੀਰਕਤ ਦੋਹਰਾ॥ ਬਾਨ ਬਨੰਤਰਿ ਰਮਿ ਰਹੇ ਅਸਥਿਰ ਬੀਰ ਦਯਾਲ॥ ਥਕਤ ਥਕਤ ਆਏ ਪ੍ਰਭੂ
 ਕਰਿ ਗਹਿ ਲੇਹੁ ਗੁਪਾਲ॥੩੮॥ ਮੰਗਲ ਦੋਹਰਾ॥ ਮੰਗਲ ਨਿਤ ਮੰਗਲ ਸਦਾ ਮੰਗਲ ਮੰਗਲ ਭੂਪ॥ ਜੈ ਮੰਗਲ ਜੈ ਮੰਗਲਾ ਸੁਭ ਮੰਗਲ
 ਆਨੁਪ॥੩੯॥ ਫਿਰਤ ਫਿਰਤ ਬਹੁ ਬਿਧਿ ਫਿਰੇ ਫੇਰੀ ਚੁੱਕੀ ਨ ਫੇਰ॥ ਫਾਹ ਫਾਸ ਫਾਸੀ ਕਟਕ ਜਿਨਹਿ ਕਹਯੋ ਇਕ ਬੇਰ॥੪੦॥ ਬਿਸਨੁ
 ਦੋਹਰਾ॥ ਬਿਸਨੁ ਸੁ ਬਯਾਪਿਕ ਸਰਬ ਮੈ ਬਯਾਪਿ ਹਰਨ ਬਿਖ ਜਾਲ॥ ਬਾਰ ਬਾਰ ਬੰਦਤ ਚਰਨ ਬਿਪਤਿ ਬਿਘਨ ਰਛਪਾਲ॥੪੧॥ ਰਾਮ ਦੋਹਰਾ॥
 ਰਾਮ ਰਮਤ ਸਭ ਘਟ ਬਿਖੈ ਸਭ ਮਹਿ ਰਾਮ ਰਹੀਮ ॥ ਰਾਵ ਰੰਕ ਰਯੋਤ ਤੁਹੀਂ ਰਾਵਤ ਰਾਜ ਕਰੀਮ॥੪੨॥ ਲਲਿਤ ਦੋਹਰਾ॥ ਲਾਲ ਗੁਪਾਲ
 ਦਯਾਲ ਲਾਲਿ ਲਲਿਤ ਬਚਨ ਲਖ ਰੂਪ॥ ਲਲਿਤ ਰੰਗ ਲਲਿਤਾ ਲਲਾ ਲਾਲ ਖਿਆਲ ਅਨੂਪ॥੪੩॥ ਹਰਿਆਵਲ ਦੋਹਰਾ॥ ਹਰਿ ਹੀਰਾ
 ਹਰਿਆਵਲਾ ਹਰਿ ਹਰਿ ਕੀਨੋ ਜੰਗ॥ ਹਰਨ ਭਰਨ ਹਰਿ ਹਰਿ ਹਰੀ ਹੇਮੰਚਲ ਹਰਿ ਮੰਗ॥੪੪॥ ਛਿਆਨੀ ਵਤਨ ਬਿਹੀਨ ਛਿਆਤ ਰੂਪ ਅਨੁਭਉ
 ਸਦਾ॥ ਰਾਣਾ ਰਾਉ ਪ੍ਰਬੀਨ ਅਚਲ ਅਥਾਹ ਸਦ ਸਰਬਦਾ॥੪੫॥ ਆਦਿ ਅੰਤੁ ਜੁਗ ਜੁਗ ਅਟਲ ਸਰਬ ਸੁ ਬਯਾਪੀ ਦੇਵ॥ ਉਤਪਤਿ ਪਰਲਯ

ਕਰਨਹਾਰ ਮਾਯਾ ਅਲਖ ਅਭੇਵ **॥੯੬॥** ਜਲਿ ਥਲਿ ਮਹੀਅਲਿ ਜੀਅ ਜੰਤੁ ਨਭ ਮੰਡਲ ਪਾਤਾਲ॥ ਸ੍ਵਰਗ ਮ੍ਰਿਤੁ ਚਉਦਹ ਭਵਨ ਬਿਧਨਾ ਸ੍ਵਾਮਿ
 ਗੁਪਾਲ॥**੯੭॥** ਨਾਮ ਠਾਮ ਘਟਿ ਘਟਿ ਬਿਖੈ ਸਭ ਮਹਿ ਰਮਤ ਪ੍ਰਕਾਸ॥ ਅੱਖਰ ਬਾਨੀ ਸਭ ਤੁਹੀਂ ਸਭ ਮੁਖਿ ਦੇਤਿ ਗਿਰਾਸ॥**੯੮॥ ਚੋਰਾ॥**
 ਲਛਮੀ ਕੋ ਬਪੁ ਧਾਰ ਹਰਿ ਮਾਯਾ ਕਰਿ ਪ੍ਰਕਾਸਿ॥ ਹਰਨ ਭਰਨ ਸਭ ਜਗਤ ਕੀ ਸੰਤਨ ਕੀ ਸੁਖ ਰਾਸਿ॥**੯੯॥ ਨਰਾਜ ਛੰਦ॥** ਅਚੱਲ ਥਾਹ ਗਮਜ
 ਕਾ ਬਿਅੰਤ ਧ੍ਯਾਨ ਧਾਰਿਯੈ॥ ਜਗਤਮਾਤ ਅੰਬਿਕਾ ਸੁ ਨਿਤ੍ਯ ਨੇਮੁ ਚਾਰਿਯੈ॥ ਅਖੰਡ ਖਜਾਲ ਖੰਡ ਕਾ ਪ੍ਰਚੰਡ ਜਾਪ ਜਾਪਿਯੈ॥ ਅਕਾਲ ਕਾਲ ਕਾਲ
 ਕਾ ਬਿਅੰਤ ਥਾਪਿ ਥਾਪਿਯੈ॥**੧੦੦॥** ਜਗਤ੍ਰ ਮਾਤ ਜਾਲਪਾ ਸੁ ਨਿਤ੍ਯ ਪ੍ਰਤਿ ਗਾਇਯੈ॥ ਅਖੰਡ ਚੰਡ ਚੰਡਿਕਾ ਪ੍ਰਭਾਤਿ ਉਠ ਧ੍ਯਾਇਯੈ॥ ਸੁ
 ਅਸੂਬਾਹੁ ਈਸੁਰੀ ਕਲ੍ਯਾਨ ਰੂਪ ਪੇਖਿਯੈ॥ ਚਤੁਰਭੁਜਾ ਸਿੰਘਾਸਨੀ ਅਨੰਤ ਕੈ ਬਿਸੇਖਿਯੈ॥**੧੦੧॥** ਜਗਤਮਾਤ ਲੱਛਮੀ ਚਰੰਨ ਚਿੱਤ ਲਾਇਯੈ॥
 ਅਨੰਤ ਰੂਪ ਮੰਗਲਾ ਬਿਸੇਖ ਕੈ ਮਨਾਇਯੈ॥ ਜਯੰਤ ਜੈਤ੍ਰ ਜੈਕਰੀ ਸੁਧਾਗਤੀ ਬਖਾਨਿਯੈ॥ ਕਵਲ ਨੈਨਿ ਕੇਸਰੀ ਸੁ ਜਾਪ ਮੰਤ੍ਰ ਠਾਨਿਯੈ॥**੧੦੨॥**
 ਅਮਰ ਅਟਲ ਅਗਾਧ ਬੋਧ ਦਯਾਲ ਲਾਲ ਜਾਪਿਯੈ॥ ਸੁਸ਼ੀਲ ਸਤ੍ਯ ਧਰਮ ਬ੍ਰਿਤ ਪੇਖ ਪੇਖ ਧ੍ਯਾਪਿਯੈ॥ ਅਨਾਸ ਕਾਸ ਬ੍ਰਹਮ ਕੋ ਨਮਸਕਾਰ
 ਨਿੱਤਿਯੈ॥ ਅਦਾਗ ਅਦ੍ਵਯਾਤਮਾ ਸਦੀਵ ਸਤ੍ਯ ਚਿੱਤਿਯੈ॥**੧੦੩॥** ਮੁਰਾਰਿ ਮੰਗਲਾ ਹਰੀ ਬਕਤ੍ਰ ਤੇ ਉਚਾਰਿਯੈ॥ ਸੁ ਬਾਸੁਰੀ ਬਿੰਦੇਸੁਰੀ ਸੁ ਧ੍ਯਾਇ
 ਪਾਪ ਟਾਰਿਯੈ॥ ਜਯੰਤਿ ਜ੍ਵਾਲ ਜਾਲਪਾ ਰਿਦੈ ਮਝਾਰ ਧਾਰਿਯੈ॥ ਬ ਪੁੰਜ ਪਾਪ ਕੋਟ ਕੋਟ ਧ੍ਯਾਇ ਗਾਇ ਜਾਰਿਯੈ॥**੧੦੪॥** ਮੱਛ ਕੱਛ ਨਾਰਸਿੰਘ
 ਬ੍ਰਾਹ੍ਮਣ ਰੂਪ ਗਾਇਯੈ॥ ਪਰਸੁਰਾਮ ਰਾਮ ਕ੍ਰਿਸ਼ਨ ਬਾਵਨਾ ਧ੍ਯਾਇਯੈ॥ ਜਗਨਨਾਥ ਨਿਹਕਲੰਕ ਦੈਵ ਸੰਤ ਨਾਇਯੈ॥ ਅਕਾਲ ਮੂਰਤਿ ਸਤਿਨਾਮੁ ਨਾਮਿ
 ਕੋ ਰਿਝਾਇਯੈ॥**੧੦੫॥** ਜਲੰ ਥਲੰ ਗਿਰੰ ਨਭੰ ਸਮਸਤ ਰੂਪ ਜਾਨਿਯੈ॥ ਸੁਕੀਟ ਹਸਤਿ ਤ੍ਰਿਣ ਮੇਰ ਬ੍ਰਹਮ ਸਤ ਮਾਨਿਯੈ॥ ਅਨੰਤ ਨਾਮ ਬਜੰਤ ਕੇ
 ਬੈਰਾਟ ਕੋ ਪਛਾਨਿਯੈ॥ ਜਯੰ ਸਦੈਵ ਕਾਲ ਕਾ ਸੁਮੰਤ੍ਰ ਜਾਪ ਠਾਨਿਯੈ॥**੧੦੬॥ ਚੋਰਾ॥** ਸਤਿ ਸਤਿ ਅਨੁਭਉ ਸਦਾ ਕਹ ਲਗ ਕਰੋ ਬਖਾਨ॥ ਸ੍ਰੀ
 ਮਾਯਾ ਜਗਤਾਰਨੀ ਰਾਖਹੁ ਲਾਜ ਨਿਦਾਨ॥**੧੦੭॥ ਛੰਦ॥** ਕਹ ਲਗ ਕਰੋਂ ਬਖਾਨਾ॥ ਹੋਂ ਮੂਤ੍ਰ ਮੱਤਿ ਅਜਾਨ॥ ਤੁਅ ਜਸ ਅਗਾਹ ਸਮੁੰਦ॥ ਨਿਤ
 ਨੇਮ ਰਟਤ ਫਨਿੰਦ॥**੧੦੮॥** ਨਿਤ ਰਟਤ ਨਾਮ ਅਪਾਰ॥ ਤਦ੍ਯਪਿ ਨ ਪਾਵਤ ਪਾਰ॥ ਸਿਵ ਬਿਸਨੁ ਔ ਮੁਖ ਚਾਰਿ॥ ਨਿਤ ਭਜਤ ਮਾਇ
 ਮੁਰਾਰਿ॥**੧੦੯॥** ਸੁਕ ਬ੍ਯਾਸ ਨਾਰਦ ਦੇਵ॥ ਸਭ ਕਰਤ ਹਰਿ ਕੀ ਸੇਵ॥ ਸਸਿ ਸੂਰ ਉਡਗਨ ਜੇਤ॥ ਸਭ ਰਟਤ ਮਾਯਾ ਨੇਤ॥**੧੧੦॥** ਚਹੂੰ ਜੁਗ
 ਦਿਨਸ ਅਰੁ ਰਾਤਿ॥ ਸਭ ਜਜਤ ਸ੍ਰੀ ਜਗ ਮਾਤਿ॥**੧੧੧॥** ਕਈ ਕਲਪ ਜੁਗਹ ਜੁਗਾਤ॥ ਸਭ ਕਥਤ ਲੋਂ ਜਗਮਾਤ॥ ਤੁਅ ਨਾਮ ਕਾ ਬਿਸਥਾਰ॥
 ਕਿਨਹੂ ਨ ਪਾਯਾ ਪਾਰ॥**੧੧੨॥** ਅਬਿ ਰਾਖੀਏ ਗੁਰੁਦੇਵ॥ ਪ੍ਰਭੁ ਲਾਈਏ ਨਿਜ ਸੇਵ॥ ਮੋਹਿ ਅਵਰ ਨਾਹੀ ਜਾਇ॥ ਇਕ ਆਸ ਤੁਮ
 ਜਗਮਾਇ॥**੧੧੩॥** ਪੈ ਪਾਯ ਸਰਨੀ ਆਇ॥ ਮੁਰਿ ਲਾਜ ਰਾਖੇ ਰਾਇ॥ ਬਿਨ ਮਾਇ ਸਰਨੀ ਓਟ॥ ਕਤਹੂੰ ਨ ਪਾਏ ਛੋਟ॥**੧੧੪॥ ਚੋਰਾ॥** ਅਪਦ
 ਸਿੰਧੁ ਮਹਿ ਬੂਢਤੇ ਕਰਿ ਗਹਿ ਲੋਹੁ ਉਬਾਰਿ॥ ਤ੍ਰਾਹ ਤ੍ਰਾਹ ਅਪਦਾ ਹਰੇ ਮਾਯ ਦਰਿਦ੍ਰ ਨਿਵਾਰ॥**੧੧੫॥** ਕਰਮ ਰੇਖ ਮਾਯਾ ਹਰੀ ਤੁਹੀਂ ਸਭਨ ਕੀ
 ਸਾਰ॥ ਜਬਿ ਤੁਮਰੀ ਕਿਰਪਾ ਭਈ ਜਾਗਤ ਭਾਗ ਲਿਲਾਰ॥**੧੧੬॥** ਉਦਯ ਹੋਇ ਅੰਕੁਰ ਜਬਹਿ ਪਰਾ ਪੂਰਬਲਾ ਸੋਇ॥ ਪੂਰਨ ਬਿਧਿ ਬਿਧਿਨਾ
 ਸਕਲ ਜਿਸ ਸਿਮਰੇ ਗਤਿ ਹੋਇ॥**੧੧੭॥** ਨਵਲ ਨਿਰੰਜਨ ਦੇਉ ਹਰਿ ਕਰੁਨਾਕਰ ਕਿਰਪਾਲ॥ ਦੀਨਬੰਧੁ ਸੰਕਟ ਹਰਨ ਮਾਯਾ ਸ੍ਰੀ ਗੋਪਾਲ॥**੧੧੮॥**
ਲਘੁ ਸਵਯਾ॥ ਕਵਲ ਨੈਨ ਮਧੁ ਬਚਨ ਅਮਿਤ ਦੁਤਿ ਸੁੰਦਰਿ ਚੰਡੀ॥ ਖਲ ਖੰਡਨ ਖਲ ਘਾਇ ਸਕਲ ਦੁਖ ਰੋਗ ਬਿਹੰਡੀ॥ ਮਧੁ ਸੂਦਨ ਮਹਿਖਾਸੁਰੀ
 ਰਿਪੁ ਦਾਲਨ ਡੰਡੀ॥ ਅਕਾਲ ਮੂਰਤਿ ਅਨੁਭਵ ਪ੍ਰਕਾਸ ਜੈ ਜੈ ਜੈ ਚੰਡੀ॥**੧੧੯॥** ਮਹਾਂਕਾਲ ਅਨਕਾਲ ਕਾਲ ਕੀ ਮੂਰਤਿ ਕਾਲੀ॥ ਦਯਾ ਸ੍ਵਰੂਪ

ਦਯਾਲੁ ਕ੍ਰਿਪਾਨਿਧਿ ਦਾਤਾ ਜ਼ਾਲੀ॥ ਜ਼ਾਲਾ ਜਗਮਗ ਜੋਤਿ ਗਾਤ ਸੰਤਨ ਰਛਪਾਲੀ॥ ਜੈ ਜੈ ਮੰਗਲ ਰੂਪ ਸਦਾ ਜੈ ਜੈ ਨਿਤ ਕਾਲੀ॥੧੨੦॥ ਸਭ
 ਬਿਦਯਾ ਕੀ ਦੈਨ ਸੁਬੁਧਿ ਦਾਤਾ ਜੈ ਸਰਸ੍ਵਤਿ॥ ਗਜਾਨ ਬਢਤ ਜਸ ਕਹਿਤ ਦਾਸ ਰੱਛਕ ਜੈ ਨਰਪਤਿ॥ ਅਚਲ ਅਗਮਜ ਅਥਾਹ ਬਾਕਦਾਇਕ ਜੈ
 ਜਸਮਤਿ॥ ਮੁਕਤਿ ਦੈਨ ਧਨ ਦੈਨ ਸਦਾ ਜੈ ਜੈ ਜੈ ਸਰਸ੍ਵਤਿ॥੧੨੧॥ **ਛਪਯ ਛੰਦ**॥ ਗਨਪਤਿ ਗੌਰੀ ਸੁਤ ਭਜਹੁ ਰਿਧਿ ਸਿਧਿ ਕੋ ਧਾਮ॥ ਸੁਖ ਪਾਵਹੁ
 ਨਿਤ ਨਿਤ ਸਦਾ ਧਨ ਪਾਵਹੁ ਬਿਸ਼ਾਮ॥ ਏਕ ਰਦਨ ਗਜ ਬਦਨ ਸਦਨ ਗੌਰੀ ਸੁਖ ਨੰਦਨ॥ ਬੁਧਿ ਦਾਇਕ ਅਘ ਹਰਨ ਸਦਾ ਸੁਰ ਕਿਲਵਿਖ
 ਖੰਡਨ॥ ਸੁਬੁਧਿ ਗਜਾਨ ਦਾਤਾ ਹਰੀ ਅਘ ਪਾਪ ਨਿਕੰਦਨ॥ ਗਨਪਤਿ ਗੌਰੀ ਦੇਵਿ ਸੁਤ ਜੈ ਜੈ ਸਿਵ ਨੰਦਨ॥ **੧੨੨॥ ਦੋਹਰਾ**॥ ਰੇ ਮਨ ਭਜ ਤੂੰ
 ਸਾਰਦਾ ਜਾ ਸਮ ਅਵਰ ਨ ਕੋਇ॥ ਜਿਹ ਸਿਮਰਤ ਕਿਲਬਿਖ ਨਸੇ ਅੰਤੁ ਪਰਮਗਤਿ ਹੋਇ॥੧੨੩॥ **ਛਪਯ ਛੰਦ**॥ ਅਮਿਤ ਦ੍ਰਬਜ ਕੀ ਖਾਨਿ ਖਾਨਿ
 ਬਿਦਯਾ ਕੀ ਸਾਰਦਾ॥ ਅਮਿਤ ਮਾਨ ਕੋ ਸਿੰਧੁ ਸਿੰਧੁ ਰਤਨਾਗਰ ਸਾਰਦਾ॥ ਪਦ ਪੰਕਜ ਕਨਕ ਅਚੱਲ ਮੰਗਲ ਕਰ ਸਾਰਦਾ॥ ਗੁਨ ਨਿਧਾਨ ਦਾਤੀ ਜਈ
 ਜੈ ਜੈ ਹਰਿ ਸਾਰਦਾ॥ ਰੇ ਮਨ ਜਪ ਤੂੰ ਮੰਗਲਾ ਮੰਗਲਕਰ ਹਰਿ ਨੀਤ॥ ਇਕ ਮਨ ਇਕ ਚਿਤ ਹੁਇ ਭਜੇ ਗਤਿ ਪਾਵਹੁਗੇ ਮੀਤ॥੧੨੪॥ **ਨਰਾਜ
 ਛੰਦ**॥ ਨਮਾਮਿ ਮੰਗਲਾ ਹਰੀ ਸਕਲ ਸਿਧਿ ਦਾਯਨੀ॥ ਪ੍ਰਨਾਮ ਮੰਗਲਾ ਕਰੀ ਸੁਬੁਧਿ ਰਿਧਿ ਭਾਯਨੀ॥ ਸੰਸਾਰ ਸਿੰਧੁ ਤਾਰਨੀ ਸ਼ਹਾਨਸ਼ਾਹ ਰਾਵਨੀ॥
 ਅਨੰਤ ਰੂਪ ਮੰਗਲਾ ਕਲਪਬ੍ਰਿਛ ਸਾਵਨੀ॥੧੨੫॥ **ਦੋਹਰਾ**॥ ਨਮੋ ਨਮੋ ਬੀਨਾਯਕਾ ਸਾਛੀ ਭੂਤ ਭਵਾਨ॥ ਅਪਦ ਹਰਾ ਸੰਪਦ ਸਦਾ ਮੰਗਲ ਕਰ
 ਕਲਯਾਨ॥੧੨੬॥ **ਨਰਾਜ ਛੰਦ**॥ ਨਮਾਮਿ ਸ੍ਵਾਮਿ ਕਾਰਤਿਕੰ ਸੁ ਬਾਹਨਾ ਮਯੂਰਿਯੰ॥ ਪ੍ਰਸਿੱਧ ਬ੍ਰਹਮ ਰੂਪਿਯੰ ਸੰਤਾਪ ਪਾਪ ਚੂਰਿਯੰ॥ ਤ੍ਰਿਲੋਕ ਨਾਥ
 ਸੰਭੁ ਸੁਤ ਗੌਰਿ ਨੰਦ ਜਾਪਿਯੋ॥ ਗਨੇਸ਼ ਸ੍ਵਾਮਿ ਕਾਰਤਿਕੰ ਮਯੂਰ ਬਾਹ ਬਾਪਿਯੋ॥੧੨੭॥ **ਦੋਹਰਾ**॥ ਤਿਲ ਤਿਲ ਬਸੁਧਾ ਰਤਨ ਹੈ ਹੇਮ ਰੂਪ ਬਹੁ ਥਾਨ
 ॥ ਬਨ ਬਨ ਮਲਯਾਗਿਰਿ ਬਨੇ ਹੈ ਹੈ ਰੂਪ ਭਗਵਾਨ॥੧੨੮॥ ਦੇਵ ਦੈਤਜ ਜੱਛੰ ਤੁਹੀਂ ਨਰ ਨਾਰੀ ਫੁਨ ਆਪ॥ ਗਨ ਗੰਧਰਬ ਸੁਰ ਸਿੱਧ ਰਿਖਿ
 ਜਪਿਯਤ ਤਾਂ ਕੋ ਜਾਪ॥੧੨੯॥ **ਦੋਹਰਾ**॥ ਤਿਲ ਤਿਲ ਬਸੁਧਾ ਰਤਨ ਹੈ ਹੇਮ ਰੂਪ ਬਹੁ ਥਾਨ॥ ਬਨ ਬਨ ਮਲਯਾਗਿਰਿ ਹੈ ਰੂਪ ਰੂਪ ਭਗਵਾਨ
 ॥੧੩੦॥ ਰੋਮ ਰੋਮ ਮਹਿ ਰਮ ਰਹਯੋ ਬਿਧਨਾ ਸ੍ਰੀ ਨਿਰੰਕਾਰ॥ ਨਾਮ ਨਾਮਿ ਸਗਲੀ ਤੁਹੀਂ ਤਾਂ ਕੋ ਸਦ ਨਮਸਕਾਰ॥੧੩੧॥ ਕਵਲਾਪਤਿ ਕਵਲੇਸਰੀ
 ਕਵਲ ਨੈਣ ਕਰਤਾਰ ॥ ਕਲਾਧਾਰ ਕਲਿਮਲ ਦਹਨ ਕਿਲਬਿਖ ਕਲਹ ਨਿਵਾਰ॥ ਸ੍ਰੀ ਮਾਯਾ ਮੁਖਿ ਕਰੋ ਉਚਾਰ॥ ਅਪਦ ਸਿੰਧੁ ਤੇ ਲੇਹੁ ਉਬਾਰ॥੧॥
ਰਹਾਉ ॥੧੩੨॥ **ਛਪਯ ਛੰਦ**॥ ਕਟਿ ਕੇਹਰਿ ਭੇ ਲਜਿਤ ਮ੍ਰਿਗ ਲਖ ਨੈਨ ਲਜਾਨੇ॥ ਕੀਰ ਕਪੋਤ ਖੰਜਨ ਖਿਸੇ ਗ੍ਰਿਹ ਛਾਡ ਪਰਾਨੇ॥ ਬਨ ਬਾਸਾ ਸਭ
 ਲਿਯੋ ਦੇਖ ਸੁੰਦਰ ਰਸ ਖਾਨੇ॥ ਕਦਲਿ ਕਪੂਰ ਕੁੰਚਰ ਭਗੇ ਹਿਯ ਮਧਜ ਲਜਾਨੇ॥ ਕਵਲ ਨੈਨ ਸੁੰਦਰ ਪ੍ਰਭਾ ਜਗ ਮੋਹਨਿ ਸ੍ਰੀ ਮਾਤ॥ ਅਤਭੁਤ ਅਤਿ
 ਛਬਿ ਮੈਨ ਬਪੁ ਪਤਿ ਰਾਖੋ ਜਗ ਗਾਤ॥੧੩੩॥ ਅੰਮ੍ਰਿਤ ਜਾਂ ਕਾ ਦਰਸ ਸੁਧਾ ਹੈ ਜਾਂ ਕੀ ਬਾਨੀ॥ ਜੀਵਨ ਤਾ ਕਾ ਰੂਪ ਅਨਦ ਮੰਗਲ ਸੁਖ ਧਾਨੀ॥
 ਮਾਯਾ ਨਾਮ ਅਪਾਰ ਮੁਦਿਤ ਬ੍ਰਿਤ ਮੰਗਲ ਰਾਨੀ॥ ਅਨਹਦ ਨਾਦ ਸੁਹਾਤ ਤੂਰ ਬਾਜੰਤ੍ਰ ਸੁਰਾਨੀ॥੧੩੪॥ **ਛਪਯ ਛੰਦ**॥ ਸਿੰਘ ਬਾਹਨੀ ਸਿੰਘਨਾਦ
 ਪਦ ਪੰਕਜ ਜਾਂ ਕਾ॥ ਕਮਲਾ ਕੰਤ ਮੁਰਾਰਿ ਅਮਿਤ ਛਬਿ ਦਸਨ ਤਾਂ ਕਾ॥ ਕ੍ਰਮਰ ਗੁੰਜਾਰ ਚਰਨਾਰਬਿੰਦ ਮਧੁਕਰ ਅਲਿ ਗਾਤਾ॥ ਮੀਨ ਛੀਨ ਹੈ ਰਹੇ
 ਦੇਖ ਛਬਿ ਕਮਲਾ ਮਾਤਾ॥ ਚੰਡਿ ਕਾਲਕਾ ਸਕਤਿ ਸਭ ਨਿਰਗੁਨ ਲੇਹੁ ਬਚਾਇ॥ ਅਪਦ ਸਿੰਧੁ ਕੀ ਲਹਿਰ ਤੇ ਮਾਧਵ ਪਾਰ ਲੰਘਾਇ॥੧੩੫॥ ਜੈ ਜੈ
 ਮੰਗਲ ਰੂਪ ਸਦਾ ਬ੍ਰਿਤ ਆਦਿ ਭਵਾਨੀ॥ ਨਿਰੰਕਾਰ ਆਕਾਰ ਜਗਤ ਮੈ ਅਲਖ ਲਖਾਨੀ॥ ਮੁਖ ਮੰਗਲ ਛਬਿ ਲਸਤਿ ਚਤੁਰਦਸ ਲੋਕਾ ਰਾਨੀ ॥
 ਦੀਨਬੰਧੁ ਅਨਰੰਜ ਸਭਨ ਕੀ ਪੀਰ ਪਛਾਨੀ॥੧੩੬॥ **ਛਪਯ ਛੰਦ**॥ ਸੇਸ ਸਹਸ ਮੁਖ ਰਟਤ ਤਉ ਨਹੀਂ ਪਾਵਤ ਪਾਰਾ॥ ਏਕ ਜੀਹ ਕਿਆ

ਕਥੇ ਪ੍ਰਭੂ ਗਤਿ ਅਲਖ ਅਪਾਰਾ॥ ਨਿਗਮ ਨੇਤ ਨਿਤ ਕਹਿਤ ਲਹਿਤ ਨਹੀਂ ਅੰਤ ਤੁਮਾਰਾ॥ ਕਵਨ ਬਿਚਾਰਾ ਜੰਤੁ ਏਹ ਗੁਨ ਤੋਹਿ ਉਚਾਰਾ ॥ ਸਾਤ
 ਸਿੰਧੁ ਮਸ ਹੋਵਈਂ ਕਲਮ ਹੋਹਿ ਬਨਰਾਇ॥ ਬਸੁਧਾ ਕਾਗਦ ਹੋਇ ਜੋ ਹਰਿ ਜਸ ਲਿਖਨ ਨ ਜਾਇ ॥੧੩੭॥ ਦੋਹਰਾ॥ ਦਯਾ ਰੂਪ ਮਾਯਾ ਹਰੀ
 ਰਿਪਿ ਸਿਪਿ ਕੀ ਖਾਨ॥ ਪਰਮਾਨੰਦ ਪਰਮਾਤਮਾ ਕਵਲਾ ਬ੍ਰਹਮ ਸੁ ਗਿਆਨ॥੧੩੮॥ ਚਿੰਤਾਮਨਿ ਚੰਚਲ ਚਪਲ ਚਿਤ ਚੋਖੇ ਚਿਤ ਭੀਰ॥ ਚਰਨ
 ਕਮਲ ਆਨੂਪ ਜਿਹ ਸਿਧਿਤਾ ਸਿਪਿ ਗੰਭੀਰ॥੧੩੯॥ ਪਰਮਜੋਤਿ ਪੂਰਨ ਪ੍ਰਭੂ ਮਾਯਾ ਬਪੁ ਕਰਤਾਰ॥ ਚਿਰਜੀਵਨ ਅਨੁਭਉ ਸਦਾ ਦਾਤਾ ਸਕਲ
 ਸੰਸਾਰ॥੧੪੦॥ ਕਾਮ ਕਲੇਵਰ ਮੈਨ ਬਪੁ ਛਬਿ ਸੁੰਦਰ ਮੋਹਨ ਜਗਤਿ॥ ਕਵਲ ਨੈਨ ਪੰਕਜ ਪਦਮ ਭਗਤਿ ਵਛਲ ਰੱਛਕ ਭਗਤਿ॥੧੪੧॥
 ਨਿਰਬਿਕਾਰ ਨਿਰਕਾਮ ਸਦਾ ਜੈ ਮੰਗਲ ਰੂਪੰ॥ ਚਿਤਾਨੰਦ ਨਿਰਦ੍ਵੈਖ ਜਗਤਪਿਤ ਅਲਖ ਸਰੂਪੰ॥੧੪੨॥ ਛਪਯ ਛੰਦ॥ ਕੋਟ ਮਨੋਜ ਨ ਤੁਲਤ ਜਾਸੁ
 ਅਤਿ ਛਬਿ ਦੁਰ ਜ੍ਵਾਲਾ॥ ਮ੍ਰਿਗ ਕੋਟਿਕ ਦ੍ਰਿਗ ਹਿਰਤ ਲਜਿਤ ਨਹੀਂ ਸਮਤੁ ਸ੍ਵਾਲਾ॥ ਕਟਿ ਕੇਹਰਿ ਕੋਟਿਕ ਜੁਰਤ ਨਹੀਂ ਤੁਲਜ ਅਮਾਵਤ॥ ਕੋਟਿ
 ਸਸਨ ਕੀ ਕਲਾ ਦੇਖ ਉਡਗਨ ਛਬਿ ਲਾਵਤ॥ ਮਹਾਰਾਜ ਰਾਜਾ ਮਹਾਨ ਕਦਲੀ ਜੰਘ ਕਰਪੂਰ ਗਤਿ॥ ਆਜਾਨੁ ਬਾਹੁ ਸੀਤਲ ਸੁਗੰਧ ਕਲਪ ਬ੍ਰਿਛ
 ਛਬਿ ਦੇਹਿ ਦੁਤਿ॥ ਸ੍ਰੀ ਮਾਯਾ ਮੁਖ ਕਰੋ ਉਚਾਰਾ॥ ਦਰਿਦ੍ਰ ਸਾਗਰ ਤੇ ਉਤਰੋ ਪਾਰ॥੧॥ ਰਹਾਉ॥੧੪੩॥ ਦੋਹਰਾ॥ ਜੈ ਮੰਗਲ ਕੰਤੂਹਲੀ ਮਾਯਾ
 ਮੁਦਿਤ ਸਰੂਪ॥ ਹਰਖਵੰਤ ਸੁ ਦਯਾਲ ਹਰਿ ਬਿਧਨਾ ਬ੍ਰਹਮ ਅਨੂਪ॥੧੪੪॥ ਛਪਯ ਛੰਦ॥ ਕ੍ਰਿਪਾ ਸਿੰਧੁ ਭਉਹਰਨ ਅਘਨ ਕੀ ਪੁੰਜ ਖਪੱਯਾ॥ ਖਲ
 ਖੰਡਨ ਜਗ ਤਰਨ ਅਮਰਪਦ ਅਮਰ ਗੁਸੱਯਾ॥ ਕਾਲਕੂਟ ਕਲ ਡਾਰ ਕਲਹ ਨਾਸਨ ਕਲ ਘੱਯਾ॥ ਜਗਬੰਦਨ ਜਗਨਾਥ ਪ੍ਰਜਾ ਪ੍ਰਤਿਪਾਲ ਕਰੱਯਾ॥
 ਕ੍ਰਿਪਾਸਿੰਧੁ ਕਰਨਾਨਿਧੀ ਦਾਤਾ ਦੀਨ ਦਯਾਲ ॥ ਪਤਿਤ ਤਰਨ ਤਾਰਨ ਤਰਨ ਜਗਬੰਦਨ ਹਰਿ ਜ੍ਵਾਲ॥੧੪੫॥ ਛਪਯ ਛੰਦ॥ ਬੇਦ ਬਿਰੰਚ ਨਿਤ
 ਪੜਤ ਪਵਨ ਸਦ ਬਾਰ ਬੁਹਾਰਤ॥ ਸੁਰ ਤੇਤੀਸਾ ਸੇਵ ਚਵਰ ਸੁਰਪਾਲ ਚੁਰਾਵਤ॥ ਜੱਖ ਕਿੰਨਰ ਧੁਨਿ ਭਰਤ ਬਨਸਪਤਿ ਫੂਲ ਚੜਾਵਤ॥
 ਐਰਾਪਤਿ ਨਿਤ ਭਰਤ ਪਾਨ ਮਾਯਾ ਨਹਿ ਲਾਵਤ॥ ਸਗਲ ਜੀਅ ਬੰਦਤ ਪੰਕਜ ਚਰਨ ਨਿਤ ਨਿਤਹ ਧਯਾਵਤ॥ ਕਵਨ ਕਵਨ ਨਾਹੀ ਤਰਜੋ ਸ੍ਰੀ
 ਮਾਯਾ ਜਸ ਗਾਵਤ॥੧੪੬॥ ਦੋਹਰਾ॥ ਮੁਕਤ ਸਿੰਧੁ ਸਾਗਰ ਧਨੀ ਅਚਲ ਅਥਾਹ ਗੰਭੀਰ॥ ਕਨਕ ਰਤਨ ਮੁਕਤਾ ਸਕਲ ਸੋਭਾ ਗੁਨੀ
 ਗਰੀਰ॥੧੪੭॥ ਸਲੋਕ॥ ਰਿਪਿ ਸਿਪਿ ਨਵ ਨਿਪਿ ਹਰਿ ਸਭ ਬਿਪਿ ਪੂਰਨ ਦੇਵ॥ ਦਾਤਾ ਭੁਗਤਾ ਦੇਨਹਾਰ ਘਟਿ ਘਟਿ ਅਲਖ ਅਭੇਵ॥ ੧੪੮॥
 ਦੋਹਰਾ॥ ਸਫਲ ਰੂਪ ਫਲ ਦਾਇਨੀ ਬਿਘਨ ਬਿਨਾਸਨਿ ਰਾਮ॥ ਸਫਲ ਦਰਸ ਸੰਕਟ ਹਰਨ ਸੁਖ ਦਾਇਕ ਸੁਖ ਧਾਮ॥੧੪੯॥ ਮੰਗਲ ਮੁਦਿਤ
 ਸਰੂਪ ਜਿਹ ਭਵਨਿਧਿ ਤਾਰਨਹਾਰ ॥ ਮੁਕਤਿ ਰੂਪ ਅਪਦਾ ਹਰਨ ਦਾਤਾ ਦਰਦ ਨਿਵਾਰ॥੧੫੦॥ ਸੁਖਿ ਸੰਪਤਿ ਨਿਪਿ ਮੁਕਤ ਕਰ ਕ੍ਰਮਤਿ
 ਬਿਨਾਸਨ ਰਾਇ॥ ਅਪਦ ਹਰਨ ਸੰਪਦ ਧਰਨ ਦੁਖੀਆ ਦੀਨ ਸਹਾਇ॥੧੫੧॥ ਸੁਖ ਸਾਗਰ ਨਾਗਰ ਨਵਲ ਕਵਲ ਨੈਨ ਸਤ ਰੂਪ॥ ਤਿਮਰ
 ਬਿਨਾਸਨ ਅਘ ਹਰਨ ਮਾਯਾ ਅਛਲ ਸਰੂਪ॥੧੫੨॥ ਸੋਰਠਾ॥ ਕਰ ਗਹਿ ਲੇਹੁ ਉਬਾਰ ਦਰਿਦ੍ਰ ਰੂਪ ਭਵ ਸਿੰਧੁ ਤੇ॥ ਅੰਚਲ ਦੇਹੁ ਦਯਾਲੁ ਅਪਦ
 ਕੁਪ ਮਹਿ ਬੂਢਤੇ॥੧੫੩॥ ਤ੍ਰਿਭੰਗੀ ਛੰਦ॥ ਸ੍ਰੀ ਨਮੋ ਭਵਾਨੀ ਲੋਕਾਂ ਰਾਨੀ ਪ੍ਰਭੰ ਮੁਰਾਰੀ ਜਯ ਚੰਡੀ॥ ਤ੍ਰੈ ਭਵਨੰ ਦਾਤਾ ਜਗ ਪਿਤੁ ਮਾਤਾ ਜੁਗਤਿ
 ਬਿਧਾਤਾ ਭਯ ਖੰਡੀ॥ ਸ਼ਤ੍ਰਨ ਦਲ ਹੰਤੀ ਅਸੁਰ ਮਥੰਤੀ ਜ੍ਵਾਲ ਜਯੰਤੀ ਰਿਪੁ ਡੰਡੀ॥ ਮਹਿਖਾਸੁਰ ਮਾਰਨਿ ਦੁਸ਼੍ਟ ਪ੍ਰਜਾਰਨਿ ਪਤਿਤ ਉਧਾਰਿਨ ਜਗ
 ਮੰਡੀ ॥੧੫੪॥ ਨਰਕਾਨਿ ਨਿਵਾਰਨਿ ਅਧਮ ਉਧਾਰਨਿ ਕਿਲਬਿਖ ਵਾਰਨਿ ਜਯ ਮਾਯਾ॥ ਕ੍ਰਿਪਾਲੁ ਕ੍ਰਿਪਾਲਾ ਦੀਨ ਦਯਾਲਾ ਸ੍ਰੀ ਬਨਮਾਲਾ ਜਸ
 ਛਾਯਾ॥ ਅਕਲੰਕ ਸਰੂਪੰ ਅਛਲ ਸੁ ਭੂਪੰ ਸੁਖ ਨਿਪਿ ਕੂਪੰ ਹਰਿ ਰਾਯਾ॥ ਬੰਦਾਨ ਖਲਾਸੀ ਪ੍ਰਭੂ ਅਬਿਨਾਸੀ ਘਟਿ ਬਾਸੀ ਸੁਖ ਦਾਯਾ॥੧੫੫॥

ਜੈ ਜੈ ਜਗਬੰਦਨਿ ਦੁਸ੍ਰ ਨਿਕੰਦਨਿ ਅਸੁਰ ਬਿਹੰਡਣਿ ਗੂੜ ਗਤੇ॥ ਪਾਪਾਨ ਬਿਨਾਸਨਿ ਕਿਲਬਿਖ ਨਾਸਨਿ ਦਈਤ ਸੰਤਾਪਨਿ ਅਚਲ ਮਤੇ॥
 ਸੁੰਭਾਸੁਰ ਹੰਤਾ ਮੁੰਡ ਦਲੰਤਾ ਚੰਡ ਮਥੰਤਾ ਆਦਿ ਸਤੇ॥ ਸ੍ਰੀ ਆਦਿ ਕੁਮਾਰੀ ਸ਼ੜ੍ਹ ਸੰਘਾਰੀ ਭਵ ਨਿਧ ਤਾਰੀ ਪ੍ਰਾਨ ਪਤੇ॥੧੫੬॥ ਅਬਿਚਲ ਅਵਾਸੀ
 ਜੋਤਿ ਪ੍ਰਕਾਸੀ ਬ੍ਰਹਮ ਨਿਵਾਸੀ ਪ੍ਰਭੂ ਪੂਰਨ॥ ਅੰਮ੍ਰਿਤ ਗਤ ਦਰਸਨ ਸੁਫਲ ਸੁਪਰਸਨ ਜੈ ਨਿਤ ਦਰਸਨ ਰਿਪੁਚੂਰਨ॥ ਰਕਤਾਸੁਰ ਖੰਡਨਿ ਧੂਮੁ
 ਬਿਧੂਸਨਿ ਜੈ ਜਗ ਮੰਡਨਿ ਬਿਧਿ ਪੂਰਨ॥ ਜੈ ਤੇਜ ਪ੍ਰਤਾਪੀ ਸਰਬੰ ਬਜਾਪੀ ਅਜਪਾਜਾਪੀ ਜਸ ਪੂਰਨ॥੧੫੭॥ ਜੈ ਜੈ ਕਲਜਾਨੀ ਆਦਿ ਭਵਾਨੀ ਮਧੁ
 ਮ੍ਰਿਦੁ ਬਾਨੀ ਜੈ ਹਰਿਯੰ॥ ਭਵ ਆਨੰਦ ਕੂਪੰ ਦਯਾਲ ਸਰੂਪੰ ਬ੍ਰਹਮ ਅਨੂਪੰ ਸੁਭ ਕਰਿਯੰ॥ ਅਨਹਦ ਨਦ ਬਾਨੀ ਜ਼ਾਲਾ ਰਾਨੀ ਸੁਖਨਿਧਿ ਧਾਨੀ ਜਸ
 ਭਰਿਯੰ॥ ਸ਼ਾਹਨ ਸ਼ਹ ਸ਼ਾਹੰ ਜਗਤ ਪਨਾਹੰ ਕੇਸਰਿ ਬਾਹੰ ਜਗ ਤਰਿਯੰ॥੧੫੮॥ ਜੈ ਜੈ ਜੈ ਮਾਯਾ ਦਾਸ ਸਹਾਯਾ ਅਲਖ ਲਖਾਯਾ ਆਦਿ ਹਰੀ॥
 ਕਿਰਪਾਨਿਧਿ ਸ੍ਰਾਮੀ ਅੰਤਰਜਾਮੀ ਸੁਰਪੁਰ ਧਾਮੀ ਰੱਛ ਕਰੀ॥ ਕਲਜਾਨ ਕਰੰਤੀ ਊਨ ਭਰੰਤੀ ਅਛਲ ਅਨੰਤੀ ਦੇਖ ਜਰੀ॥ ਪਰਮੰ ਪਾਵਿਤ੍ਰਾ ਜਾਪ
 ਗਾਯਤ੍ਰਾ ਸ਼ਜਾਮ ਸਾਵਿਤ੍ਰਾ ਧਰਮ ਧਰੀ॥੧੫੯॥ ਅਸ਼੍ਰਾਯੁਧ ਬਾਹੀ ਬੋਲ ਨਿਬਾਹੀ ਰਿਪੁ ਦਲ ਗਾਹੀ ਛੜ ਛਿਤੇ॥ ਜਗ ਧਰਮ ਧੁਜਾਯੰ ਕੂਰ ਨਸਾਯੰ
 ਪਾਪ ਪਰਾਯੰ ਧਰਮ ਬ੍ਰਿਤੇ॥ ਨਿਰਮਲ ਅੰਗ ਸੋਹੈ ਸੁਰ ਮੁਨਿ ਮੋਹੈ ਦੁਸ੍ਰ ਬਿਰੋਹੈ ਸੁੱਧ ਸਿਤੇ॥ ਭਵ ਤਿਮਰ ਮਿੱਟਯਾ ਅਘਨ ਕੱਟਯਾ ਦੁੰਦ ਘਟਯਾ
 ਰਿਪਿ ਨਿਧੇ॥੧੬੦॥ ਅਮਰਾਪੁਰ ਵਾਸੀ ਸਰਬ ਨਿਵਾਸੀ ਬ੍ਰਹਮ ਪ੍ਰਕਾਸੀ ਤੁੰਦ ਤਬੇ॥ ਘੰਟਾ ਧੁਨਿ ਬਾਜੈ ਘਨਹਰ ਲਾਜੈ ਜੋਤਿ ਬਿਰਾਜੈ ਦੁਸ੍ਰ ਦਬੇ॥
 ਪੰਕਜ ਮ੍ਰਿਗ ਨੈਨੀ ਸੁੰਦਰ ਬੈਨੀ ਕੰਟਕ ਛੈਨੀ ਅਦਿਤਯ ਫਬੇ॥ ਜੈ ਜੈ ਰਿਪੁ ਤਾਪਨਿ ਅਸੁਰ ਸੰਤਾਪਨਿ ਕਿਲਬਿਖ ਖਾਪਨਿ ਸਾਂਤਿ ਛਬੇ॥੧੬੧॥ ਜੈ
 ਜੈ ਅਬਿਨਾਸੀ ਬ੍ਰਹਮ ਪ੍ਰਕਾਸੀ ਸੁਖਨਿਧਿ ਰਾਸੀ ਚਵਰ ਚੁਰੇ॥ ਬ੍ਰਹਮਾ ਜਸ ਗਾਵੈ ਭੇਦ ਨ ਪਾਵੈ ਬਹੁ ਬਿਧਿ ਧਯਾਵੈ ਅਜਰ ਜਰੇ॥ ਸੁਰ ਨਰ ਮੁਨਿ
 ਬੰਦਤ ਅਚਲ ਅਗੰਜਤ ਅੰਮ੍ਰਿਤ ਰੰਜਤ ਧਯਾਨ ਧਰੇ॥ ਸੁਕ ਬਯਾਸ ਪਰਾਸਰ ਸੇਸ ਧਰਾਧਰ ਜੀਵ ਚਰਾਚਰ ਗੁਨ ਉਚਰੇ॥੧੬੨॥ ਸੇਵਕ ਜਨ ਰੱਛਕ
 ਭਗਤ ਪ੍ਰਤਯਛਕ ਦਾਨੇ ਭੱਛਕ ਜੋਤਿ ਜਗੇ॥ ਮੰਗਲ ਮ੍ਰਿਦ ਰੂਪੰ ਮੁਦਿਤ ਸਰੂਪੰ ਦਯਾਲ ਅਨੂਪੰ ਸਿੱਧਿ ਮਗੇ॥ ਅਸਿਧੁਜ ਅਸਿਧਾਰੀ ਅਸੁਰ ਸੰਘਾਰੀ
 ਨਿਰਮਲਚਾਰੀ ਪ੍ਰਾਨ ਪਗੇ॥ ਕੰਟਕ ਕਲਿ ਤਾਰਨਿ ਕਲਹ ਨਿਵਾਰਨ ਜਗ ਪ੍ਰਤਿਪਾਰਨਿ ਰੰਗ ਰਗੇ॥੧੬੩॥ ਸੰਤਨ ਰੱਛਪਾਲਕ ਸ਼ਤ੍ਰੁਨ ਸਾਲਕ ਰਿਪੁ
 ਦਲ ਘਾਲਕ ਜੋਤਿ ਦਿਪੇ॥ ਪਯ ਨਿਧਿ ਜਗ ਤਾਰਨਿ ਰੋਗ ਬਿਦਾਰਨਿ ਕਲਿਮਲ ਡਾਰਨਿ ਥਾਪ ਥਪੇ॥ ਸੋਭਾ ਸੁਖ ਸਾਗਰ ਬ੍ਰਹਮ ਉਜਾਗਰ ਫਾਟੇ
 ਕਾਗਰ ਜਾਪ ਜਪੇ॥ ਸੰਤਨ ਸੁਖ ਦਾਤਾ ਜਗਤ ਬਿਧਾਤਾ ਗਯਾਨਿਨਿ ਗਯਾਤਾ ਰੰਗ ਰਪੇ॥੧੬੪॥ ਜਗਮਗ ਛਬਿ ਰਾਜੈ ਪ੍ਰਭਾ ਬਿਰਾਜੈ ਦੁੰਦਭਿ ਬਾਜੈ
 ਜਯਤੁ ਜਯੰ॥ ਅਦ੍ਰਿਸ਼ਿ ਅਗੋਚਰ ਪਰਮ ਪਰਮੇਸ੍ਵਰ ਸ੍ਰੀ ਜਗਤੇਸ੍ਵਰ ਸਰਬਮਯੰ॥ ਬਿਘਨਾਨਿ ਬਿਨਾਸਨਿ ਸਭ ਦੁਖ ਨਾਸਨਿ ਕਾਲ ਸੰਤਾਪਨਿ ਸ਼ੜ੍ਹ ਛਯੰ
 ॥ ਜੈ ਮਧੁ ਸੂਦਨਿ ਰੋਹ ਬਿਰੋਧਨਿ ਕਿਲਬਿਖ ਅਰਦਨ ਨਾਸ ਭਯੰ॥੧੬੫॥ ਆਯੁਧ ਤਨ ਛਾਜਤ ਛਟਾ ਬਿਰਾਜਤ ਕੇ ਜੈ ਹਿਰ ਗਾਜਤ ਜੈਕਾਰਾ॥
 ਝਾਂਝਰ ਢਡ ਬਾਜੈ ਬਖਤਰ ਸਾਜੇ ਅਤਿ ਰਨ ਮਾਚੇ ਖਗ ਰਾਰਾ॥ ਅਸਤ੍ਰਨੰ ਬਾਹਤ ਸ਼ਸਤ੍ਰ ਪ੍ਰਵਾਹਤ ਦੁਰਜਨ ਗਾਹਤ ਰਿਪੁ ਮਾਰਾ॥ ਭੈਰਵ ਗਨ ਨਾਚੈ
 ਭੀਮ ਅਰਾਚੈ ਸ਼੍ਰੇਣਤ ਆਚੈ ਚਿੰਕਾਰਾ॥੧੬੬॥ ਉਚ ਧੁਜ ਫਹਰਾਯੰ ਸ਼ਸਤ੍ਰ ਨਚਾਯੰ ਜੁੱਧ ਮਚਾਯੰ ਭੀਹਾਲਾ॥ ਧੂਪ ਦੀਪ ਜਗਾਏ ਸੁਰ ਮੁਨਿ ਆਏ ਸੰਖ
 ਬਜਾਏ ਖੁਸ਼ਹਾਲਾ॥ ਸੁ ਪੁਹਪ ਬਰਸਾਵਤ ਅਛਤ ਲਾਵਤ ਉਚ ਜਸ ਪਾਵਤ ਸੁ ਨਿਹਾਲਾ॥ ਚਮਕਤ ਅਸਿ ਸੁੰਦਰ ਰਾਜ ਪੁਰੰਦਰ ਜੋਗ ਪੁਰੰਧਰ
 ਜਯਮਾਲਾ॥੧੬੭॥ ਘੰਟਾ ਘਨ ਗਰਜਤ ਰਿਪੁ ਹੀ ਤਰਜਤ ਧੁਨਿ ਸੁਨਿ ਲਰਜਤ ਡਰਪਾਵਤ॥ ਸੁਰ ਕੋਟਿ ਤੇਤੀਸਾ ਬਪੁ ਚੋਬੀਸਾ ਬਿਸਨੁ ਮਹੀਸਾ
 ਹਰਿ ਧਯਾਵਤ॥ ਸੁਰ ਨਰ ਮੁਨਿ ਜਾਚਤ ਓਦਿਕ ਆਚਤ ਪ੍ਰਭੂ ਰੰਗ ਰਾਚਤ ਗਤਿ ਪਾਵਤ॥ ਜੈ ਜੈ ਜਗਤਾਰਨਿ ਮਹਿ ਪ੍ਰਤਿਪਾਰਨਿ ਜਗਤਿ

ਉਧਾਰਨਿ ਨਿਤ ਧਯਾਵਤ॥੧੬੮॥ **ਬਿਸਨੁਪਦ ਰਾਗੁ ਭੈਰਉ**॥ ਕਵਲ ਚਰਨੀ ਸੁੰਭ ਹਰਨੀ ਰਕਤਬੀਜ ਪ੍ਰਹਾਰਨੀ॥ ਮਹਿਖ ਘਾਤੀ ਧੂਮੁ ਹੰਤੀ ਚੰਡ ਮੁੰਡ ਬਿਡਾਰਨੀ॥ ਸੰਤ ਰੱਛਕ ਦੇਬਜ ਦੁਰਗਾ ਸਕਲ ਦੁਸ਼ੁ ਸੰਘਾਰਨੀ॥ ਭਗਤਿ ਵੱਛਲ ਜੁਲਿ ਮਾਯਾ ਦੁਖ ਰੋਗ ਨਿਵਾਰਨੀ॥੧॥੧੬੯॥ ਅਨਾਥ ਨਾਥੇ ਬਿਸੁ ਧਰਨੀ ਸੰਸਾਰ ਸਾਗਰ ਤਾਰਨੀ॥ ਮੁਕਤਿ ਦਾਤੀ ਸੁੰਭ ਹੰਤੀ ਸਕਲ ਭੂਖਨ ਧਾਰਨੀ॥ ਜੈ ਗੁਬਿੰਦੀ ਸੰਤੁ ਰਖਨੀ ਮੁਕਤਦਾ ਅਘ ਟਾਰਨੀ॥ ਸਿੰਘ ਬਾਹੀ ਅਛਲ ਅੰਬੈ ਦੇਖ ਰੋਗ ਪ੍ਰਜਾਰਨੀ॥੨॥੧੭੦॥ ਕਵਲ ਚਰਨੀ ਦੁਸ਼ੁ ਦਰਨੀ ਅਛੈ ਅੰਬੈ ਜੈ ਕਰੀ॥ ਪਦਮ ਮਾਲੀ ਜੈ ਜੁਲੀ ਸ਼ਤ੍ਰੁ ਹੰਤੀ ਭੈ ਹਰੀ॥ ਅਚੁਤ ਬਰਨੀ ਸ੍ਰਿਸ੍ਰਿ ਕਰਨੀ ਮਹਿਖ ਹੰਤੀ ਹਰਿ ਹਰੀ॥ ਪਾਰਬ੍ਰਹਮੀ ਜੈ ਗੁਬਿੰਦੀ ਧੂਮੁ ਹੰਤੀ ਕੇਸਰੀ॥੩॥੧੭੧॥ ਨਰ ਸਿੰਘ ਰੂਪੀ ਦਾਤ ਗੂੜੀ ਚੰਡ ਮੁੰਡ ਸੰਘਾਰਨੀ॥ ਸ੍ਰੀ ਰਾਮ ਚੰਦੀ ਕ੍ਰਿਸ਼ਨ ਰੂਪੀ ਰਕਤਬੀਜ ਬਿਦਾਰਨੀ॥ ਚਕ੍ਰ ਧਰਨੀ ਬਿਸੁ ਕਰਨੀ ਸਕਲ ਦੇਖਨ ਟਾਰਨੀ॥ ਸੁੰਭ ਹੰਤੀ ਨਿਸੁੰਭ ਦਾਹੀ ਤੀਨ ਲੋਕ ਜੁਹਾਰਨੀ॥੪॥੧੭੨॥ ਬਾਕ ਬਾਨੀ ਜਗਤ ਰਾਨੀ ਅਸੁਰ ਹੰਤੀ ਭਾਵਨੀ॥ ਜਗਤ ਬੰਦੀ ਹਰਿ ਮੁਕੰਦੀ ਜੈ ਅਨੰਦੀ ਦਾਹਨੀ॥ ਕਵਲ ਬਦਨੀ ਮ੍ਰਿਗ ਨੈਨੀ ਆਦਿ ਈਸ ਸਿੰਘ ਬਾਹਨੀ॥ ਭਗਤ ਭਾਵੀ ਜੁਲ ਮਾਯਾ ਪਰਮ ਈਸਰ ਕੇਸਰੀ॥੫॥੧੭੩॥ ਜਗਨ ਨਾਥੀ ਸੰਤ ਰੱਛਕ ਭਗਤ ਵਛਲ ਈਸੁਰੀ॥ ਬਨਮਾਲਿ ਸ੍ਰੀ ਧਰ ਬਕੁ ਬੈਨਾ ਚਕ੍ਰਪਰ ਪਰਮੇਸੁਰੀ॥ ਜੈ ਮਨੋਹਰਿ ਸ੍ਰੀ ਰੰਗੇ ਬੈਕੁੰਠ ਬਾਸੀ ਕੇਸਰੀ॥ ਕੱਛ ਮੱਛ ਬਾਰਾਹ ਨਰਸਿੰਘ ਕੰਸ ਹੰਤੀ ਈਸੁਰੀ॥੬॥੧੭੪॥ ਅਨਾਥ ਨਾਥੇ ਬਾਸਦੇਵਾ ਸਗਲ ਸਾਥ ਨਿਰੰਜਨੀ॥ ਮਧੂ ਸੂਦਨੀ ਬਨਮਾਲਿਨੀ ਨਾਰਾਇਨੀ ਦੁਸ਼ੁ ਗੰਜਨੀ॥ ਸੰਖ ਚਕ੍ਰ ਗਦਾ ਪਦਮੰ ਦਾਤ ਗੂੜ ਅਗੰਜਨੀ॥ ਅਕਾਲ ਮੂਰਤਿ ਅਜੂਨਿ ਸੰਭਵ ਖਲ ਖੰਡ ਖੜਾਲ ਭੈ ਭੰਜਨੀ॥੭॥੧੭੫॥ ਕੰਜ ਨੈਨੀ ਸ਼ਜਾਮ ਬਰਨੀ ਬੇਦ ਭੂਮਿ ਉਧਾਰਨੀ॥ ਅਮਿਤ ਜੋਤੀ ਓਤਪੋਤੀ ਨਰਸਿੰਘ ਰੂਪੀ ਬਾਵਨੀ॥ ਪਰਸੁਰਾਮੀ ਮਹਾ ਰਾਮੀ ਦ੍ਰਿਗ ਬਿਸਾਲ ਪਤਿਤ ਪਾਵਨੀ॥ ਰਕਤ ਨੈਨੀ ਮਧੁਰਬੈਨੀ ਕਾਲ ਛੈਨੀ ਭਾਵਨੀ॥੮॥੧੭੬॥ **ਬਿਸਨੁਪਦ ਰਾਗੁ ਭੈਰਉ ਦੂਜੀ ਤਰਹ**॥ ਨਿਹਕਲੰਕ ਰੂਪੀ ਆਪ ਚੰਡੀ ਸੰਤ ਸੇਵ ਰੱਛਪਾਲਨੀ॥ ਦੁਸ਼ੁ ਗੰਜਨਿ ਅਰਿ ਨਿਕੰਦਨ ਗੜਨਿ ਭੰਜਨ ਭਾਵਨੀ॥ ਗਰਬ ਗੰਤਾ ਸ਼ਤ੍ਰੁ ਹੰਤਾ ਜੈ ਜਯੰਤਾ ਬਿੰਧ ਬਾਸਨੀ॥ ਸਿੰਘ ਬਾਹੀ ਦੇਖ ਦਾਹੀ ਏਕ ਕਾਲ ਉਪਾਸਨੀ॥ ਬ੍ਰਹਮ ਬਿਦਯਾ ਬੇਦ ਧਾਰਨਿ ਭਗਤ ਵਛਲ ਭਾਵਨੀ॥ ਨਿਹਕਲੰਕ ਰੂਪਾ ਅਭੈ ਚੰਡੀ ਸੰਤ ਰੱਛਕ ਪਾਲਨੀ॥ ਸ੍ਰਿਸ੍ਰਿ ਕਰਨੀ ਬਿਸੁ ਭਰਨੀ ਆਪ ਰੂਪ ਅਕਾਲਨੀ॥ ਸੇਵ ਰੱਛਕ ਦੁਸ਼ੁ ਭੱਛਕ ਜੈ ਕਰੀ ਜੈ ਜੁਲਨੀ॥ ਅਗੰਜ ਦੇਵਾ ਅਲਖ ਭੇਵਾ ਬ੍ਰਹਮ ਰੂਪ ਦਯਾਲਨੀ॥੯॥੧੭੭॥ **ਬਿਸਨੁਪਦ ਰਾਗੁ ਰਾਮਕਲੀ**॥ ਪਰਮਾਦਿ ਪੁਰਖ ਪੁਰਖੋਤਮੰ ਭੈ ਭਉ ਹਰੀ ਜੈ ਕਾਕੜਾ॥ ਤ੍ਰਿਪੁਰਾਰਿ ਸੁੰਦਰਿ ਸੂਹਿ ਚੋਲੀ ਸਿੰਘ ਬਾਹੀ ਚਾਚੜਾ॥ ਚੰਡ ਖੰਡੀ ਮੁੰਡ ਡੰਡੀ ਦੁਖ ਹਰੀ ਜੈ ਸਾਕੜਾ॥ ਰਕਤ ਭੱਛਨਿ ਸੰਤ ਰੱਛਨਿ ਆਦਿ ਰੂਪੰ ਝਾਕੜਾ॥੧॥੧੭੮॥ ਕਵਲ ਚਰਨੀ ਬਿਸੁ ਭਰਨੀ ਜੈ ਭਵਾਨੀ ਕਾਲਕਾ॥ ਦਹਸਿਰ ਦਹੰਤੀ ਜੈ ਅਨੰਤੀ ਧਰਮ ਪਾਲਕ ਜਾਲਪਾ॥ ਕੰਸ ਦਾਹੀ ਸਤ ਸਾਹੀ ਅਜਾਨੁਬਾਹੁ ਸ਼ਤ੍ਰੁ ਸਾਲਕਾ॥ ਦਯਾ ਰੂਪੀ ਅਪਦ ਹਰਨੀ ਮੁਕਤ ਦਾਯਕ ਪਾਲਕਾ॥੨॥੧੭੯॥ **ਬਿਸਨੁਪਦ ਰਾਗੁ ਗੂਜਰੀ**॥ ਨਿਰ ਬਿਕਾਰ ਨਿਰਦੁੰਦ ਸਦਾ ਮੰਗਲ ਕਰ ਮਾਯਾ॥ ਅਬਿਨਾਸੀ ਅਬਿਗਤਿ ਅਚਲ ਅੰਬਰ ਜਸ ਛਾਯਾ॥ ਕੰਟਕ ਕਲਹ ਨਿਵਾਰ ਕਾਲ ਭੱਛਕ ਜਗ ਤਾਰਨ॥ ਮੋਹਨ ਮਦਨ ਮੁਰਾਰਿ ਮਾਨ ਮਹਿਖਾਸੁਰ ਮਾਰਨ॥੧॥੧੮੦॥ ਨਿਹਕਲੰਕ ਨਿਰਬਾਨ ਸਦਾ ਜੈ ਮੰਗਲਕਾਰੀ॥ ਤਕੀਯਾ ਤਾਨ ਨਿਤਾਨ ਮਾਨ ਮਰਦਨ ਅਹੰਕਾਰੀ॥ ਕ੍ਰਿਪਾ ਸਿੰਧੁ ਕਲਤਾਰ ਕਲਹ ਬਿਨ ਪ੍ਰਭੁ ਕਲਧਾਰੀ॥ ਹਉਂ ਮਤਿਮੰਦ ਅਸਾਧੁ ਲਾਜ ਰਾਖੇ ਬਨਵਾਰੀ॥੨॥੧੮੧॥ ਨਿਰਾਕਾਰ ਨਿਰਦੁੰਦ ਨਿਰਮਲ ਗਤਿ ਨਰਕ ਨਿਵਾਰੀ॥ ਬਜਾਧਿ ਹਰਨ ਬਿਖ ਜਾਲ ਬਿਸਨੁ ਬਸੁਦੇਵ ਮੁਰਾਰੀ॥ ਪੀਤਾਂਬਰ ਪ੍ਰਭੁ ਪ੍ਰਾਨ ਪਿਤਾ ਪੂਰਨ ਬ੍ਰਤ ਧਾਰੀ॥ ਹਉਂ ਮਤਿਮੰਦ ਅਨਾਥ ਨਾਥ

ਪ੍ਰਭੂ ਸਰਨ ਤੁਮਾਰੀ॥੩॥੧੮੨॥ ਨਿਰੰਕਾਰੁ ਨਿਰਵੈਰੁ ਸਦਾ ਨਿਰਜੁਰ ਨਿਰੰਕਾਰੀ॥ ਨਵਤਨ ਨਵਲ ਕੁਮਾਰ ਰਾਜ ਰਾਜਾਨ ਮੁਰਾਰੀ॥ ਸਤਿ ਸਤਿ
 ਸਤਿ ਸਤਿ ਸਦਾ ਸਤਿ ਸਤਿ ਜੈਕਾਰੀ॥ ਹਉਂ ਮਤਿ ਮੰਦ ਨਿਤਾਨ ਤਾਨ ਦੀਜੋ ਬਨਵਾਰੀ॥੪॥੧੮੩॥ ਨਵਤਨ ਨਵਲ ਕਿਸੋਰ ਹੰਸ ਦੁਤਿ ਰਾਜ
 ਕਿਸੋਰੀ॥ ਚਿੰਤਾਮਨਿ ਚਿਰੰਕਾਲ ਚੰਦ੍ਰ ਛਬਿ ਚੰਦ੍ਰ ਚਕੋਰੀ॥ ਬਾਰ ਬਾਰ ਬੰਦਨ ਨਮਾਮਿ ਬਿਨਤੀ ਕਰ ਜੋਰੀ॥ ਹਉਂ ਮਤਿ ਮੰਦ ਅਨਾਥ ਨਾਥ
 ਸਰਨਾਗਤਿ ਤੋਰੀ॥੫॥੧੮੪॥ ਬਿਸਨੁਪਦ ਗੂਜਰੀ ਦੂਜੀ ਤਰਹ॥ ਨਰਹਰਿ ਨਾਥ ਚੇਤ ਮਨਾ॥ ਦੀਨਬੰਧੁਪ ਭਗਤ ਵਛਲ ਸੇਵ ਪ੍ਰਭੂ ਚਰਨਾ॥ ਕੋਟਿ
 ਕਿਲਬਿਖ ਪਾਪ ਪੁੰਜਨ ਦਹਿਤ ਜਾਪ ਛਿਨਾ॥ ਸੰਸਾਰ ਸਾਗਰ ਨਿਮਖ ਡਾਰਤ ਭਜਤ ਨਾਮ ਗੁਨਾ॥੬॥੧੮੫॥ ਪ੍ਰਭੂ ਜੂ ਰਾਖੀਏ ਮੁਹਿ ਲਾਜ॥
 ਅਨਿਕ ਪੁਨਰਪਿ ਭ੍ਰਮਤਿ ਹਾਰੇ ਹਰਿ ਸਰਨ ਆਏ ਭਾਜ॥ ਮਹਾ ਕੁਚਿਲ ਕਠੋਰ ਕਾਪਟਿ ਮੰਦ ਅੰਧ ਨਿਲਾਜ॥ ਤ੍ਰਾਹ ਤ੍ਰਾਹ ਅਬ ਰਾਖ ਲੀਜੈ
 ਮਹਾਰਾਜਾਧਿਰਾਜ॥੭॥੧੮੬॥ ਬਿਸਨੁਪਦ ਗੂਜਰੀ॥ ਮਹਾ ਦਰਿਦ੍ਰ ਨਿਵਾਰ ਨਿਰਬਿਖ ਬਿਸਨੁ ਬੱਲਭ ਦੇਵ॥ ਮਾਤ ਲਛਮੀ ਚਰਨ ਬੰਦਤਿ ਸਗਲ
 ਮੁਨਿ ਜਨ ਸੇਵ॥ ਦਰਿਦ੍ਰ ਅਪਦਾ ਹਰਨਿ ਅੰਬੈ ਅਚਲ ਅਲਖ ਅਭੇਵ॥ ਸੁਧਾ ਮੂਰਤਿ ਪ੍ਰਾਨਦਾਤਾ ਪਤਿਤ ਤਾਰਨ ਭੇਵ॥੮॥੧੮੭॥ ਕਲਿ ਤਾਰ
 ਕਲਿਮਲ ਦਹਿਨ ਕਰਨੀ ਪਾਪ ਨਾਸ ਹਰੀ॥ ਜੂਲ ਜਗਮਗ ਜੋਤਿ ਛਾਜਤ ਭਵ ਨਾਮ ਭਰਮ ਜਰੀ॥ ਸਗਲ ਭੂਖਨ ਰਤਨ ਮੁਕਤਾ ਅੰਗ ਸੋਭਤ
 ਹਰੀ॥ ਸਿਰ ਛਤ੍ਰ ਜਗਮਗ ਜੋਤਿ ਰਾਜਤ ਕਨਕ ਚਵਰ ਢਰੀ॥੯॥੧੮੮॥ ਧਨਾਲਯ ਧਨਪਤਿ ਧਰਨਿ ਧਾਰਨਿ ਪ੍ਰਜਾਪਾਲ ਪ੍ਰਜਾਪਤੀ॥ ਦੁਖ ਦੂੰਦ
 ਦਰਿਦ੍ਰ ਨਿਵਾਰ ਅੰਬੈ ਅਕਾਲ ਰੂਪ ਸੁਧਾਗਤੀ॥ ਨਿਰਬਾਨ ਨਰਕ ਨਿਵਾਰ ਮਾਯਾ ਸੁਖ ਧਾਮ ਸੁਖ ਪਤਿ ਸੁਖ ਨਿਧੀ॥ ਦਯਾਲ ਲਾਲ ਗੋਬਿੰਦ
 ਸਤਿਗੁਰ ਰੂਪ ਸਤਿ ਸਤਿ ਸਤਿ ਸਿਧੀ॥੧੦॥੧੮੯॥ ਬਿਸਨੁਪਦ ਗੂਜਰੀ॥ ਕਾਲ ਅਰਨੀ ਕਵਲ ਕਰ ਜਨਿ ਪਦ ਪੰਕਜੀ ਮ੍ਰਿਗ ਲੋਚਨੀ॥ ਸੁੰਦਰ
 ਬਦਨੀ ਬਮਤ ਜੂਲਾ ਕਲਿ ਘੋਰ ਤਿਮਰ ਬਿਨਾਸਨੀ॥ ਪਾਰਜਾਤੀ ਕਾਮਧੇਨਾ ਕਲਪਬ੍ਰਿਛ ਸੁਹਾਵਨੀ॥ ਸੁਖ ਰਾਸਿ ਸੁਖ ਨਿਧਿ ਸੁਖਦ ਕਰਨੀ
 ਸਕਲ ਸੰਕਟ ਮੋਚਨੀ॥੧੧॥੧੯੦॥ ਜੈ ਗੁਬਿੰਦੀ ਹਰਿ ਅਨੰਦੀ ਚੰਦ੍ਰ ਆਭਾ ਰੋਹਨੀ॥ ਮੁਰਾਰਿ ਮਾਧੋ ਮਦਨ ਮੂਰਤਿ ਸਰਬ ਬਜਾਪੀ ਮੋਹਨੀ॥ ਪੀਰ
 ਪਰਹਰਿ ਪਾਪ ਖੰਡਨ ਪਤਿਤ ਪਾਵਨ ਜੈ ਹਰੀ॥ ਦੀਨ ਬੰਧੁ ਦਲਿਦ੍ਰ ਮੋਚਨਿ ਕਲਹ ਕੰਟਕ ਕਲਿ ਤਰੀ॥੧੨॥੧੯੧॥ ਬਿਸਨੁਪਦ ਦੇਵ ਗੰਧਾਰੀ॥
 ਮੋਹ ਮਦਨ ਮਮਤਾ ਮੂਰਖ ਮੋਹਨ ਮਨ ਧਰਜੇ॥ ਕਾਲ ਕਲਹ ਕਿਲਬਿਖ ਕੰਟਕ ਕਲਿ ਕੁਲ ਸਮੂਹ ਪਰਿਹਰਜੇ॥ ਪੂਰਨ ਪਤਿ ਪ੍ਰੀਤਮ ਪਿਤ ਪ੍ਰਾਨਾ
 ਹਿਤ ਚਿਤ ਦੈ ਗੁਨ ਗਾਯੇ॥ ਮੰਦਾ ਕਿਸਹਿ ਨ ਆਖਹੁ ਜੀਅਰੇ ਪਰਮਪੁਰਖੁ ਹਰਿ ਧਯਾਯੇ॥੧੩॥੧੯੨॥ ਬਿਸਨੁਪਦ ਦੇਵਗੰਧਾਰੀ ਦੂਜੀ ਤਰਹ॥ ਤੂੰ
 ਤੋ ਸਾਡੀ ਚਿੰਦ ਪਛਾਨੀ ਅੰਬੈ ਰਾਨੀ॥ ਬੇਦਨ ਹਰਤਾ ਜਨ ਅਪੁਨੇ ਕੀ ਘਟ ਘਟ ਕੀ ਸਭ ਜਾਨੀ॥ ਮਨੋ ਕਾਮਨਾ ਸਿੱਧਿ ਕਰਤ ਹੈ ਦੇਤ ਦਿਬਯ ਬਰ
 ਦਾਨੀ॥ ਜਹ ਤਹ ਭੀਰ ਪਰੀ ਸੰਤਨ ਪਰ ਰੱਛਯਾ ਕਰਤਿ ਭਵਾਨੀ॥੧੪॥੧੯੩॥ ਤੂੰ ਤੋ ਅਸਾਡੀ ਪੀਰ ਪਛਾਨੀ ਜੂਲਾ ਰਾਨੀ॥ ਲਜਯਾ ਰਾਖਤਿ ਜਨ
 ਅਪੁਨੇ ਕੀ ਦੁਖ ਹਰਤਾ ਸਭ ਜਾਨੀ॥ ਸੰਕਟ ਪਰੇ ਕਰਤ ਰਛਯਾ ਹਰਿ ਸ੍ਰੀ ਹਰਿ ਆਦਿ ਭਵਾਨੀ॥ ਤਾਤੀ ਵਾਉ ਨ ਲਾਗੈ ਜਨ ਕਉ ਜਿਨ ਪਰ
 ਆਪ ਕ੍ਰਿਪਾਨੀ॥੧੫॥੧੯੪॥ ਇਹ ਸੰਸਾਰ ਕਠਿਨ ਭੈ ਸਾਗਰ ਚਹੂੰ ਦਿਸ ਅਨਲ ਭਯਾਵਨਿ॥ ਮਹਾ ਘੋਰ ਕਲਿ ਤਮ ਅੰਧਾਰੇ ਕਿਲਬਿਖ ਕਲਹ
 ਡਰਾਵਨਿ॥ ਭੈ ਸਾਗਰ ਤਰਨ ਦੁਹੇਲਾ॥ ਬਿਨੁ ਰਘੁਨਾਥ ਪਾਰ ਕੈਸੇ ਪਾਇਬੋ ਭਉਨਿਧਿ ਬਿਖਮ ਗਹੇਲਾ॥੧॥੧੯੫॥ ਰਹਾਉ॥ ਸਾਸ ਸਾਸ ਸਿਮਰੇ ਪਦ
 ਪੰਕਜ ਭਵ ਨਿਧਿ ਤਰਹ ਸੁਖਾਲਾ॥ ਜਰਾ ਮਰਾ ਦੁਖ ਰੋਗ ਨ ਬਯਾਪਹਿ ਨਹ ਪੋਹੈ ਜਮ ਜਾਲਾ॥੨॥੧੯੬॥ ਬਿਸਨੁਪਦ ਦੇਵ ਗੰਧਾਰੀ ਦੂਜੀ ਤਰਹ॥
 ਅਨੰਤ ਮੂਰਤਿ ਪਵਿਤ੍ਰ ਕ੍ਰਿਯਾ ਨਿਰਮਲੇ ਨਿਰਮਲ ਹਰੀ॥ ਜਗਤ ਪਾਲਕ ਸ਼ਤ੍ਰੁ ਸਾਲਕ ਭੀਮ ਭੈਰਵ ਭੈ ਹਰੀ॥ ਜੈ ਜੈ ਜਯੰਤੀ ਹਰਿ ਗੁਰ ਅਨੰਦੀ ਜੈ

ਭਵਾਨੀ ਕੇਸਰੀ॥ ਮ੍ਰਿਗ ਚੁੱਛ ਸੋਹਨਿ ਸੰਤਨ ਮਨ ਮੋਹਨਿ ਹਰਿ ਮਦਨ ਮੂਰਤਿ ਈਸੁਰੀ॥੫॥੧੯੬॥ ਕੇਹਰਿ ਕਟਿ ਲਾਜੈ ਪਦ ਅਰੁਨ ਪੰਕਜ ਅਰੁਨ
 ਬਾਗਾ ਕੇਸਰੀ॥ ਨਾਹਰਿ ਹਰਿ ਬਾਹਨ ਸੰਤ ਸਨਾਹਨ ਕਰ ਚਕ੍ਰ ਧਰਿ ਅਸ੍ਰਾਕਰੀ॥ ਪ੍ਰਿਥਮ ਤ੍ਰਿਸੂਲ ਦੁਤਿਯ ਸੰਖ ਤ੍ਰਿਤਿਯ ਗੋਫਨ ਧਨੁ ਧਰੀ॥ ਪੰਚਮ
 ਗਦਾ ਕ੍ਰਿਪਾਨ ਖਸ਼ਮ ਸਪਤ ਪੱਟਸ ਜਮਧਰੀ॥੬॥੧੯੭॥ **ਬਿਸਨੁਪਦ ਦੇਵਗੰਧਾਰੀ ਦੂਜੀ ਤਰਹ॥** ਰਵਨ ਗਵਨ ਸਭ ਭਵਨ ਜਵਨ ਕੀ ਜੋਤਿ
 ਬਿਰਾਜੈ॥ ਚੰਦ੍ਰ ਬਦਨ ਸਸਿ ਬਰਨ ਜਵਨ ਉਡਗਨ ਸਭਿ ਲਾਜੈ॥ ਸੂਰਜ ਕਿਰਨ ਦਿਤ੍ਯਾਦਿਤ੍ਯ ਛਟਾ ਧਰ ਨੂਰ ਬਿਰਾਜੈ॥ ਕੋਕਿਲ ਕੀਰ ਕਪੋਤ
 ਮਯੂਰ ਹੰਸ ਅਤਿ ਛਬਿ ਛਾਜੈ॥੭॥੧੯੮॥ ਜਵਨ ਜੋਤਿ ਜਗਮਗੈ ਸਾਰੰਗ ਧਰ ਘੰਟਾ ਬਾਜੈ॥ ਸਮੂਹ ਸ਼ਸਤ੍ਰ ਭੂਖਨ ਸਕਲ ਅੰਗ ਅੰਗਨ ਸਾਜੈ॥
 ਦੁੰਦਭਿ ਕੋਟਿ ਮੁਚੰਗ ਸੰਖ ਧੁਨਿ ਕੇਹਰਿ ਗਾਜੈ॥ ਭੈਰਵ ਭੂਤ ਬੇਤਾਲ ਜਾਸੁ ਜਸ ਸੁਨਿਯਤ ਭਾਜੈ॥੮॥੧੯੯॥ **ਬਿਸਨੁਪਦ ਦੇਵਗੰਧਾਰੀ ਦੂਜੀ ਤਰਹ॥**
 ਮਾਯਾ ਸਕਤਿ ਮੁਰਾਰਿ ਮੁਰਾਰਿ ਮਾਯਾ ਹਰਿ ਤੂਹੀ॥ ਕਵਲ ਨੈਨ ਕਵਲਾ ਜਗ ਤਾਰਨ ਸ਼ਤ੍ਰੁ ਦਾਹਨ ਪਦ ਪੰਕਜ ਤੂਹੀ॥ ਧਨੁ ਸਾਰੰਗ ਅਸਿ ਲਸਤ
 ਰਿਪੁ ਖੰਡਨ ਜਗ ਬੰਦ ਹਰੀ॥ ਚਕ੍ਰ ਬਿਲੋਚਨਿ ਕਵਲ ਹਰਿ ਹਰਿ ਕੇਹਰਿ ਬਾਹ ਹਰੀ॥੯॥੨੦੦॥ **ਬਿਸਨੁਪਦ ਰਾਮਕਲੀ॥** ਦੁਖੀਏ ਦਰਦਮੰਦ ਦਰ
 ਠਾਂਢੇ ਹਉ ਮਤਿ ਮੰਦ ਅਨਾਥ ਹਰੇ॥ ਮਹਾ ਅਧਮ ਪਾਪੀ ਖਲ ਮੂਰਖ ਕੁਚਿਲ ਕਠੋਰ ਅਜਾਨ ਹਰੇ॥ ਪਾਪ ਨਾਸ ਪਾਪੀ ਖਲ ਤਾਰਨ ਅਸੁਰ
 ਸੰਘਾਰਨ ਚਵਰ ਢੁਰੇ॥ ਜਗਤਾਰਨ ਬੰਦਨ ਜਗ ਅੰਬੈ ਦੈਤ੍ਯ ਬਿਨਾਸਨ ਛਤ੍ਰ ਫਿਰੇ॥੨੦੧॥ ਰੇ ਚਿਤ ਚੇਤਿਸ ਕਿਵ ਨ ਦਯਾਲ ਦਈ॥ ਭੈ ਭੰਜਨ
 ਅਘ ਨਾਸਨ ਅੰਬੈ ਜਾਸ ਜਪਤ ਸਭ ਚਿੰਤ ਗਈ॥ ਮਾਧੋ ਮਧੂ ਸੂਦਨ ਮਿਹਰਬਾਨਾ ਸੰਤ ਸਨਾਹਨ ਪਾਪ ਛਈ॥ ਰਿਖੀਕੇਸ ਦਾਮੋਦਰ ਹਰਿ ਹਰਿ
 ਕਿਲਵਿਖ ਅਰਦਨ ਜਯਤੁ ਜਈ॥੨॥੨੦੨॥ ਭਜ ਚਿੰਤਾਮਨਿ ਬਿਸਨਾਸੁਰ ਪ੍ਰਭੂ ਦੂਖ ਬਿਨਾਸਨ ਰਾਮਈਆ॥ ਕ੍ਰਿਪਾ ਸਿੰਧੁ ਕਰੁਣਾਨਿਧਿ ਦਾਤਾ
 ਦੂਖ ਪਰਿਹਰਿ ਸੰਤਨ ਸੁਖ ਦਈਆ॥ ਅਭੈ ਨਿਰੰਜਨ ਆਦਿ ਕੁਮਾਰੀ ਜ਼ਾਲਾ ਅੰਬੈ ਜਗਤ ਤਰਈਆ॥ ਸਿੰਘ ਬਾਹਨੀ ਆਦਿ ਭਵਾਨੀ ਸ੍ਰੀ ਪਤਿ
 ਬਲਭ ਜੈ ਹਰਿ ਮਈਆ॥੩॥੨੦੩॥ ਨਾਰਾਇਨ ਨਰਪਤਿ ਸਾਰੰਗਧਰ ਅਸਿਕੇਤੁ ਅੱਸਿਪਾਨ ਮੁਰਾਰੀ॥ ਅਸਿਧੁਜ ਖੜਕ ਕੇਤੁ ਭਵ ਤਾਰਨ ਨਰਕ
 ਨਿਵਾਰਨ ਅਸੁਰ ਸੰਘਾਰੀ॥ ਪੀਤਾਂਬਰ ਕੇਸਰੀਆ ਬਾਗਾ ਨੀਲਬਸਨ ਪ੍ਰਭੂ ਸਰਨਿ ਤੁਹਾਰੀ॥ ਜਗਬੰਦਨ ਜਗਤਾਰਨ ਅੰਬੈ ਚਰਨ ਕਮਲ ਦਰਸਨ
 ਬਲਿਹਾਰੀ॥੪॥੨੦੪॥ ਤ੍ਰਿਪੁਰਾਰਿ ਮੁਰਾਰਿ ਸੰਘਾਰਿ ਅਸੁਰ ਦਲ ਕੇਹਰਿ ਬਾਹਨ ਜਵਨ ਦਿਪੈ॥ ਬਾਰਿਜ ਲੋਚਨ ਸੋਚ ਅਸੋਚਨ ਨਵਤਨ ਨਵਲ
 ਦਲ ਅਸੁਰ ਖਪੈ॥ ਦਾਨੋ ਭੱਛਕ ਸਕਤਿ ਪ੍ਰਤੱਛਕ ਭੀਰ ਬਿਨਾਸਨ ਪਾਪ ਛਪੈ॥ ਅਰੁਣ ਧੁਜਾ ਕਰ ਚਕ੍ਰ ਸੁਦਰਸਨ ਧਰਮਕੇਤੁ ਜੈ ਦੁਸ਼੍ਟ
 ਤਪੈ॥੫॥੨੦੫॥ ਸ਼ੇਸ਼ ਸੁਰੇਸ਼ ਦਿਨੇਸ਼ ਨਿਸ਼ੇਸ਼ ਮਹੇਸ਼ ਗਨੇਸ਼ ਜਲੇਸ਼ ਧ੍ਵਜਾਵਤ॥ ਬ੍ਰਹਮ ਬ੍ਰਹਮਾਸ਼ ਰੁ ਰਿਖਿਭ ਸਨਾਤਨਿ ਸਨਕ ਸਨੰਦਨ ਮਰਮ ਨ
 ਪਾਵਤ॥ ਜਤੀ ਸਤੀ ਬਨਬਾਸਿ ਤਪੀਸੁਰ ਮੁਨਿ ਰਿਖਿ ਧ੍ਵਜਾਨੀ ਧ੍ਵਜਾਨ ਲਗਾਵਤੁ॥ ਬੇਦ ਪੁਰਾਨ ਕਤੇਬ ਕੁਰਾਨ ਸੁ ਜੰਤ੍ਰ ਮੰਤ੍ਰ ਨਿਤਿ ਨੇਤਿ
 ਬਤਾਵਤ॥੬॥੨੦੬॥ **ਬਿਸਨੁਪਦ ਰਾਮਕਲੀ ਦੂਜੀ ਤਰਹ॥** ਸਾਹਿਬ ਸੁਜਾਨ ਲਾਜ ਰਾਖਤ ਨਿਦਾਨ ਪ੍ਰਭੂ ਜੋ ਜੋ ਸਰਨ ਤਾਕੀ ਰਾਖੀ ਹੈ ਨਿਦਾਨ
 ਕੀ॥ ਸੰਕਟ ਅਪਦ ਭੀਰ ਪਰੇ ਹੋਇ ਰੱਛਪਾਲ ਕਰਤ ਹੈਂ ਰਛ੍ਯਾ ਨੀਕੇ ਪ੍ਰਾਨ ਤਨ ਜਾਨ ਕੀ॥ ਦੇ ਕੈ ਹਾਥ ਰਾਖਤ ਹੈਂ ਬਡੈ ਕਲੂ ਕਾਲ ਸਮੈ ਭੀਮ
 ਭੀਰ ਭੈਰਵ ਮੈਂ ਤ੍ਯਾਗਤਿ ਨ ਆਨ ਕੀ॥ ਜੈ ਜੈ ਜਗਤਾਰਨ ਉਧਾਰਨ ਸਭਿ ਰੰਕ ਰਾਵ ਦੇਖਨਿ ਨ ਦੇਤੁ ਦੂਖ ਘੜੀ ਪਲ ਹਾਨ ਕੀ॥੭॥੨੦੭॥
ਬਿਸਨੁਪਦ ਰਾਮਕਲੀ ਪੜਤਾਲ ਦੂਜੀ ਤਰਹ॥ ਦੀਨ ਦਯਾਲ ਪ੍ਰਭੂ ਕ੍ਰਿਪਾਲ ਰੱਛਪਾਲ ਜੈ ਹਰੀ॥ ਨਿਹਕਲੰਕ ਬਜੇ ਡੰਕ ਕੋਟ ਬੰਕ ਜੈ ਕਰੀ ॥ ਜੈ
 ਗੁਬੰਦ ਜੈ ਮੁਕੰਦ ਪਰਮਾਨੰਦ ਕੇਸਰੀ॥ ਸੰਤ ਰੱਖ ਦੁਸ਼੍ਟ ਭੱਖ ਹਰਿ ਪ੍ਰਤੱਖ ਭਉ ਹਰੀ॥੮॥੨੦੮॥ ਕਵਲ ਨੈਨ ਮਧੁਰ ਬੈਨ ਸੁੰਦਰ ਸੈਨ ਸ੍ਵਾਮ

ਜੀ॥ ਨਿਰੰਕਾਰ ਨਿਰ ਬਿਕਾਰ ਜੈ ਮੁਰਾਰਿ ਰਾਮ ਜੀ॥ ਕੱਛ ਮੱਛ ਬਾਰਾਹ ਨਰ ਸਿੰਘ ਪਰਸੁਰਾਮ ਜੀ॥੯॥੨੦੯॥ ਬਿਸਨੁਪਦ ਰਾਮਕਲੀ ਦੂਜੀ
 ਤਰਹ॥ ਰੇ ਚਿਤ ਚੇਤ ਚਿੰਤਾਮਨਿ ਨਾਮ ਹਰੀ॥ ਆਜ ਕਾਲ ਜਰ ਤੋਹਿ ਗ੍ਰਸਿ ਹੈ ਭੀਰ ਅਚਾਨਕ ਸੀਸ ਪਰੀ॥ ਜਿਉਂ ਜਲ ਤੰਤੁ ਮੀਨ ਕੇ ਫਾਸਤ
 ਤਿਉਂ ਤੋਹਿ ਫਾਸਤ ਕਾਲ ਜਰੀ ॥ ਸੀਸ ਕੇਸ ਗਹਿ ਡੰਡ ਕਰਤ ਬਹੁ ਕਾ ਪਹਿ ਰੇ ਤਬਿ ਕੂਕ ਕਰੀ॥੧੦॥੨੧੦॥ ਬਿਸਨੁਪਦ ਰਾਮਕਲੀ॥ ਬਿਨ
 ਹਰਿ ਭਜਨ ਨ ਛੂਟਤਿ ਬਵਰੇ ਕੋਟਿ ਉਪਾਵ ਕਰਤ ਬਿਗਰੀ॥ ਤਾਰਨ ਤਰਨ ਸਰਨ ਮਨ ਮੋਹਨ ਕਾਟਤ ਬੰਧਨ ਜਨ ਪਗਰੀ॥ ਨਿਸਿ ਦਿਨ ਮੋਹ
 ਕੁਟੰਬ ਰਸ ਲਪਟਯੋ ਤ੍ਰਾਹ ਤ੍ਰਾਹ ਸਰਨ ਪਗਰੀ॥ ਕਰ ਗਹਿ ਲੇਹੁ ਦਯਾਲ ਦਮੋਦਰ ਹਉਂ ਮਤਿ ਮੰਦ ਅਨਾਥ ਹਰੀ॥੧੧॥੨੧੧॥ ਬਿਸਨੁਪਦ
 ਪ੍ਰਭਾਤੀ॥ ਪ੍ਰਭੁ ਚਰਨ ਕਵਲ ਸਰ ਮੱਜਨ ਕੀਜੈ ਮਨ ਮਕਰੰਦ ਨਵਾਈਯੈ॥ ਜਨਮ ਮਰਨ ਮਲ ਕਿਲਬਿਖ ਉਤਰੈ ਪੁਨਰਪਿ ਬਹੁਤ ਨ ਆਈਯੈ ॥
 ਮਾਤ੍ਰਿਕ ਪਿਤ੍ਰ ਲੋਕ ਕੁਲ ਉਧਰਤ ਸੂਰਗ ਲੋਕ ਕਉ ਪਾਵਤ॥ ਚਰਨ ਕਮਲ ਨਿਤ ਬੰਦਤ ਜੋ ਨਰ ਗਰਭ ਜੋਨਿ ਨਹੀ ਆਵਤ॥੧੨॥੨੧੨॥ ਨਿਤ
 ਉਠ ਉਠ ਰਜ ਪਗ ਪ੍ਰਭੁ ਸਾਗਰ ਮਨ ਚੰਚਲ ਕੋ ਮਾਂਜੈ॥ ਦੁਰਮਤਿ ਮੈਲ ਲਹਿਤ ਖਿਨ ਭੀਤਰ ਲੋਭ ਲਹਰ ਤਮ ਭਾਜੈ ॥ ਨਿਸਿ ਦਿਨ ਨਿਸਿ ਬਾਸੁਰ
 ਜਪ ਅੰਬੈ ਇਕ ਚਿਤ ਇਕ ਮਨ ਧਯਾਵੇ॥ ਪਰੇ ਨ ਫਾਸੀ ਜਮ ਬਪੁਰੇ ਕੀ ਅਮਰਲੋਕ ਕਹੁ ਪਾਵੇ॥੧੩॥੨੧੩॥ ਬਿਰ ਘਰ ਰਾਖੇ ਮਨ ਬਉਰੇ ਕਉ
 ਇਕ ਪਲ ਚਲਨ ਨ ਦੀਜੈ॥ ਅਮ੍ਰਿਤ ਰਸਨਾ ਨਾਮ ਰਸਾਇਨਿ ਅਮਿਓ ਮਹਾ ਰਸੁ ਪੀਜੈ॥ ਅਮਰ ਹੋਇ ਜਗ ਭੀਤਰ ਵਰਤੈ ਸਦਾ ਰਹੇ ਲਿਵ
 ਲੀਣੰ॥ ਓਅੰ ਅਜਪਾ ਜਾਪ ਧਯਾਵੈ ਜਗ ਮਰਾ ਦੁਖ ਖੀਣੰ॥੧੪॥੨੧੪॥ ਤਾਰੇ ਭਵਜਲ ਦੁਰਗੇ ਮਾਯਾ ਸ੍ਰੀ ਨਾਰਾਇਣ ਭਵ ਖੰਡਨਿ॥ ਭਵ ਨਿਧਿ ਬੇਗ
 ਉਤਾਰੇ ਪਾਰਾ ਰਿਖੀਕੇਸ ਦਲ ਸਰਬ ਬਿਹੰਡਨਿ॥ ਮਾਧਵ ਮਧੁਸੂਦਨ ਮਿਹਰਬਾਨਾ ਕ੍ਰਿਪਾ ਸਿੰਧੁ ਮਹਿਖਾਸੁਰ ਮਰਦਨਿ॥ ਅਸੁਰ ਦੰਡ ਰਿਪੁ ਚਾਬਨ
 ਚੰਡੀ ਦੈਤ ਸੰਘਾਰਨਿ ਕਿਲਬਿਖ ਅਰਦਨਿ॥੧੫॥੨੧੫॥ ਜੈ ਦੁਰਗੇ ਜਗਤਾਰਨਿ ਅੰਬੈ ਮਾਯਾ ਜਗ ਸ੍ਰੀ ਮਾਤ ਭਵਾਨੀ॥ ਕਾਰਨ ਕਰਨ ਸਰਨਿ
 ਜਗਜੀਵਨ ਪ੍ਰਾਨ ਨਾਥ ਪਤਿ ਪੂਰਨ ਦਾਨੀ॥ ਕ੍ਰਿਪਾ ਸਿੰਧੁ ਕਰੁਨਾ ਨਿਧਿ ਦਾਤੇ ਦਯਾਲ ਰੂਪ ਅੰਤਰਿ ਬਿਧਿ ਜਾਨੀ॥ ਸ੍ਰੀ ਮੁਕੰਦ ਜਗ ਤਾਰਨ ਅੰਬੈ
 ਬਿਧਿਨਾ ਬਿਧਿ ਪੂਰਨ ਪ੍ਰਧਾਨੀ॥੧੬॥੨੧੬॥ ਜਗੰ ਨਾਥ ਜਗਤੇਸ਼੍ਵਰ ਮਾਧੋ ਜਗਬੰਦਨ ਜਗਤਾਰ ਸ੍ਵਾਮੀ॥ ਜੈ ਗੁਬਿੰਦ ਜਗਤਾ ਗੁਰਿ ਜਨਨੀ ਜਗ
 ਪਾਲਨਿ ਜੈ ਅੰਤਰਜਾਮੀ॥ ਦੀਨਾ ਬੰਧੁ ਦਯਾ ਪਤਿ ਦਾਨਾ ਦੁਖ ਦਲਿਦ੍ਰ ਦਾਹਨ ਰਿਪੁ ਮਾਰੀ॥ ਅਸੁਰ ਸੰਘਾਰਨਿ ਮਾਤ ਭਵਾਨੀ ਜਨ ਭਗਤਨ ਸੇਵਕ
 ਹਿਤਕਾਰੀ ॥੧੭॥੨੧੭॥ ਆਸਾ ਪੂਰਨਿ ਜੈ ਜਗਦੰਬੇ ਤਾਰਨ ਪਤਿਤ ਉਧਾਰਨਾ ॥ ਮਨਸਾ ਬਾਚਾ ਦੇਤਿ ਬਿਦਯ ਬਰ ਦੁਸ੍ਰ ਦਲਨ ਜੈ ਕਾਰਨਾ॥ ਰਿਪੁ
 ਖੰਡਨਿ ਮੰਡਨਿ ਜਗਤ੍ ਪ੍ਰਜਾ ਪਾਲਨਿ ਜਗ ਤਾਰਨਾ॥ ਕਾਲ ਬਿਨਾਸਨਿ ਸੁ ਕਲਹ ਨਾਸਨਿ ਸੰਕਟ ਸਰਨ ਉਬਾਰਨਾ॥੧੮॥੨੧੮॥ ਬਿਸਨੁਪਦ
 ਪ੍ਰਭਾਤੀ ਬਹਰ ਤਵੀਲੀ॥ ਭਗਤ ਵਛਲ ਭਵ ਖੰਡਨ ਜੈ ਜੈ ਜੈ ਜਗ ਤਾਰਨ ਆਪ ਭਵਾਨੀ॥ ਮਨਸਾ ਪੂਰਨਿ ਪਤਿਤ ਉਧਾਰਨ ਜੈ ਮਾਯਾ ਜੈ ਈਸੁਰ
 ਦਾਨੀ॥ ਸਤਿ ਨਾਮੁ ਕਰਤਾ ਪੁਰਖੁ ਆਜੂਨੀ ਸੰਭਵ॥ ਅਕਾਲ ਮੂਰਤਿ ਅਨੁਭਉ ਸਦਾ ਜੈ ਜੈ ਅਨਰੰਜਸ॥੧੯॥੨੧੯॥ ਬਿਸਨੁਪਦ ਪ੍ਰਭਾਤੀ ਦੂਜੀ
 ਤਰਹ॥ ਕਲਹ ਨਾਸ ਆਜਾਨੁ ਬਾਹੁ ਜਗ ਤਾਰਨਿ ਸੇਵਾ॥ ਦਯਾਲੂ ਪਤਿਤ ਉਧਾਰਨੀ ਦੁਖ ਭੰਜਨਿ ਦੇਵਾ॥ ਕਵਲ ਨੈਨ ਮਧੁ ਸੂਦਨੀ ਸੰਤਨ
 ਹਿਤਕਾਰੀ॥ ਜਗ ਬੰਦਨ ਜਗ ਤਾਰਨੀ ਅਨਠਟ ਅਰਿ ਜਾਰੀ॥੨੦॥੨੨੦॥ ਬਿਸਨੁਪਦ ਪ੍ਰਭਾਤੀ ਦੂਜੀ ਤਰਹ॥ ਚਰਨ ਕਮਲ ਕੀ ਮੋਜ ਮੈ ਮਨ
 ਬੋਹਿਥ ਕੋ ਭਾਰ ॥ ਦਯਾਨੰਦ ਮਾਯਾ ਹਰੀ ਛਿਨ ਮੋ ਕਰਤ ਉਧਾਰ॥ ਕਰ ਗਹਿ ਲੇਹੁ ਉਬਾਰ ਹਰਿ ਭਵਜਲ ਤਾਰਨਹਾਰ॥ ਤ੍ਰਾਹ ਤ੍ਰਾਹ ਪ੍ਰਭੁ ਰਾਖੀਏ
 ਹਉਂ ਮਤਿ ਮੰਦ ਅਫ਼ਾਰ ॥੨੧॥੨੨੧॥ ਬਿਸਨੁਪਦ ਧਨਾਸਰੀ॥ ਭਵ ਖੰਡਨਿ ਦੁਖ ਭੰਜਨਿ ਮਾਯਾ ਕ੍ਰਿਪਾ ਸਿੰਧੁ ਪ੍ਰਭੁ ਦਾਤਾਰੇ॥ ਨਵਤਨ ਨਵਲ

ਕੁਮਾਰਿ ਚੰਡਿਕਾ ਭਗਤ ਵਛਲ ਹਰਿ ਕਰਤਾਰੇ॥ ਦੀਨਾਨਾਥ ਪ੍ਰਾਨ ਸੁਖ ਦਾਤੇ ਜਗਤ ਉਧਾਰਨ ਜਾਨਾ ਰੇ॥ ਅਸੁ ਦਯਾਲੁ ਕ੍ਰਿਪਾਲ ਚੰਡਿਕਾ
 ਤਾਸੁ ਚਰਨ ਮਨ ਮਾਨਾ ਰੇ॥੧॥੨੨੨॥ **ਬਿਸਨੁਪਦ ਰਾਗੁ ਧਨਾਸਰੀ ਅੰਬਿਕਾ॥** ਦਰਸਨ ਦੀਜੈ ਆਦਿ ਭਵਾਨੀ॥ ਸੰਕਟ ਹਰਨਿ ਸੇਵਕ ਜਨ ਅਪੁਨੈ
 ਲੋਕ ਚਤੁਰਦਸ ਜਾਨੀ॥ ਨਾ ਜਪੁ ਨਾ ਤਪੁ ਨਾ ਗੁਣ ਦਾਯਾ ਸੇਵਾ ਕਛੁ ਨ ਕਮਾਨੀ॥ ਹਉਂ ਮਤਿ ਮੰਦ ਅਨਾਥ ਬਾਪਰੇ ਆਯੋ ਸਰਨਿ ਜਿਯ
 ਦਾਨੀ॥੨॥੨੨੩॥ ਕਿਨ ਬਿਧਿ ਦਰਸਨ ਪਾਵ ਤਿਹਾਰੇ॥ ਮਾਤ ਚੰਡਿਕਾ ਪਤਿਤ ਉਧਾਰਨਿ ਦਰਸਨ ਦੀਜੈ ਦੂਖ ਨਿਵਾਰੇ॥ ਇਹ ਸੰਸਾਰ ਕਠਿਨ ਭੈ
 ਸਾਗਰ ਬੂਡਤ ਬੇੜੀ ਪਾਰ ਉਤਾਰੇ॥ ਮਹਾ ਪਤਿਤ ਅਪਰਾਧੀ ਨਿਰਗੁਨ ਸਰਨ ਪਰੇ ਪ੍ਰਭੁ ਭਵਨਿਧਿ ਤਾਰੇ॥੩॥੨੨੪॥ ਦੁਖ ਭੰਜਨ ਨਾਮ ਤਿਹਾਰੇ
 ਪਤਿਤ ਉਧਾਰਨ ਤਾਰੇ ਅੰਬੈ॥ ਕਲਿਮਲ ਦਹਤ ਜਾਸੁ ਗੁਨ ਗਾਵਤ ਮੁਕਤਿ ਹੋਤ ਜਸ ਗਾਵਤ ਅੰਬੈ॥ ਛਿਨ ਮਹਿ ਸੁਰਗ ਲੋਕ ਕਉ ਪਾਵਤ ਏਕ
 ਨਿਮਖ ਮਨ ਮਾਹਿ ਧਯਾਵਤ॥ ਪੁਨਰਪਿ ਬਹੁਤ ਨ ਆਵੈ ਸੇ ਜਨ ਨਿਸਿ ਬਾਸੁਰ ਮਾਯਾ ਗੁਨ ਗਾਵਤ॥੪॥੨੨੫॥ ਭਉ ਨਿਧਿ ਪਾਰ ਉਤਾਰੇ ਅੰਬੈ॥
 ਹਉ ਬੂਡਤ ਬੇੜੀ ਪਾਪ ਭਰੀ ਤੁਮ ਅੰਚਲ ਦੇ ਉਧਾਰੇ ਅੰਬੈ॥ ਤੁਮ ਦਯਾਲੁ ਕ੍ਰਿਪਾਲੁ ਅਨੰਦੀ ਕੇਤੇ ਪਤਿਤ ਉਧਾਰੇ॥ ਮੋਹਿ ਦੀਨ ਆਨ ਪ੍ਰਭੁ ਤੁਮਰੀ
 ਕਰ ਕ੍ਰਿਪਾ ਲੇਹੁ ਉਬਾਰੇ॥੫॥੨੨੬॥ ਪ੍ਰਭ ਜੂ ਆਯੋ ਸਾਮ ਤੁਮਾਰੀ॥ ਤੁਮ ਪਾਰਸ ਹਮ ਲੋਹ ਬਾਪੁਰੇ ਕੰਚਨ ਕੀਯੋ ਸੁਧਾਰੀ॥ ਹਮ ਪਾਪੀ ਤੁਮ
 ਪਤਿਤ ਨਿਵਾਜਨ ਨੀਕੀ ਜੀਅ ਮੈ ਧਾਰੀ ॥ ਚਰਨ ਸਰਨ ਸਰਨਾਗਤਿ ਤੇਰੀ ਚਰਨ ਕਮਲ ਬਲਿਹਾਰੀ ॥੬॥੨੨੭॥ ਮਨ ਦਰਸਨ ਕੀ ਪਿਆਸ
 ਘਨੇਰੀ ॥ ਦਰਸਨ ਦੀਜੈ ਕ੍ਰਿਪਾ ਕਰੀਜੈ ਏਕ ਓਟ ਚਰਨ ਪ੍ਰਭੁ ਤੇਰੀ ॥ ਕਵਲ ਨੈਨ ਦਰਸਨ ਬਲਿਹਾਰੀ ਕਰਹੁ ਸੁ ਗਤਿ ਕ੍ਰਿਪਾ ਨਿਧਿ ਮੇਰੀ ॥
 ਤ੍ਰਾਹ ਤ੍ਰਾਹ ਪ੍ਰਭੁ ਸਰਨ ਤੁਹਾਰੀ ਰਾਖ ਲੇਹੁ ਕਾਟਹੁ ਪਗ ਬੇਰੀ ॥੭॥੨੨੮॥ ਨਮੋ ਨਮੋ ਨਾਰਾਇਨ ਸ੍ਰੀ ਪਤਿ॥ ਅਬਿਚਲ ਅਚਲ ਆਜੂਨੀ ਸੰਭਉ
 ਸ੍ਰਿਸ੍ਰਿ ਕਰਨ ਤਾਰਨ ਪਾਪੀ ਗਤਿ॥ ਕਵਲ ਨੈਨ ਆਜਾਨੁ ਬਾਹੁ ਨਿਹਚਲ ਬਿਰ ਮਤਿ॥ ਰਿਪੁ ਚੂਰਨ ਪੂਰਨ ਹਰੀ ਅਕਾਲ ਪੁਰਖੁ ਕਰਤਾ ਸਤਿ
 ਸਤਿ॥੮॥੨੨੯॥ ਹਰਿ ਚਰਨ ਕਵਲ ਸਰਨ ਸੁਖ ਸਾਗਰ ਲਾਗਯੋ ਸਾਰੰਗਧਰ ਮਨ ਮੋਰ॥ ਮੁਚਿਤ ਪਾਪ ਇਕ ਨਿਮਖ ਅਰਾਧਤ ਕਟਤ ਦਹਤ
 ਕਿਲਬਿਖ ਤਮ ਘੋਰ॥ ਸ੍ਰੀ ਜਗਦੰਬੈ ਅਸੁਰ ਸੰਘਾਰਨਿ ਨਿਮਖ ਨਿਮਖ ਬਲਿਹਾਰੀ ਤੇਰ॥ ਬਾਰਬਾਰ ਬੰਦਨ ਲਖ ਬਰੀਆ ਪਾਵ ਪਰਤ ਬਿਨਤੀ ਕਰ
 ਜੋਰ॥੯॥੨੩੦॥ ਹਰਿ ਚਰਨ ਕਮਲ ਦਰਸਨ ਬਲਿਹਾਰੀ॥ ਮਨ ਮਕਰੰਦ ਦਰਸਨ ਚਿਤ ਆਸਾ ਦੀਜੈ ਦਰਸਨ ਸਰਨ ਤੁਹਾਰੀ॥ ਚਿਤ ਚਰਨ
 ਕਮਲ ਕਾ ਆਸਰਾ ਨਿਤ ਨਿਤ ਦਰਸਾਰੀ॥ ਮਾਂਗੋਂ ਦਾਨ ਦਰਸ ਮਨ ਲਾਲਚ ਕਵਲ ਨੈਨ ਜਨ ਸਰਨ ਤੁਹਾਰੀ॥੧੦॥੨੩੧॥ **ਬਿਸਨੁਪਦ ਰਾਗੁ**
ਬਿਲਾਵਲੁ॥ ਮਗ ਜੋਹਤਿ ਕਾਮਨਿ ਜਿਵ ਪਿਯ ਕੀ ਤਿਮ ਜੋਹਤ ਦਰਸ ਭਵਾਨੀ॥ ਜਿਮ ਜਲ ਮੀਨ ਬੂੰਦ ਚਾੜ੍ਹਕ ਹਿੱਤੁ ਜਿਮ ਜਾਚਿਕ ਜਾਚਤ ਧਨ
 ਦਾਨੀ॥ ਸੂਰ ਕਵਲ ਸਸਿ ਕਵੀ ਹੁਲਾਸਤਿ ਧਨ ਪ੍ਰਿਯ ਜੈਸੇ ਨੇਹੁ ਲਗਾਨੀ॥ ਤੈਸੇ ਇਹੁ ਮਨ ਪਤਿਤ ਕੁਟਲ ਮਤਿ ਏਕਹਿ ਪ੍ਰੀਤਿ ਹੇਤੁ ਚਿਤ
 ਜਾਨੀ॥੧॥੨੩੨॥ **ਬਿਸਨੁਪਦ ਬਿਲਾਵਲੁ ਦੂਜੀ ਤਰਹ॥** ਪਾਰਸ ਪਰਸ ਲੋਹ ਕੰਚਨ ਸੁਧ ਪਤਿਤ ਤਰਤ ਦਰਸਨ ਪ੍ਰਭੁ ਪੇਖਤ॥ ਲੋਹ ਤਰਤ ਬੋਹਿਥ
 ਲਗ ਸਾਗਰ ਉਧਰਤ ਅਧਮ ਸੁਜਸ ਹਰਿ ਲੇਖਤ॥ ਇਰੰਡ ਸੁਗੰਧ ਨਿਕਟ ਚੰਦਨ ਤਰੁ ਤਿਵ ਮਨ ਲੋਭੀ ਤਜਤ ਕੁਟਿਲ ਮਤ॥ ਨਦੀ ਤਰੰਗ ਮਿਲਤ
 ਗੰਗਾ ਮੈ ਹੋਤਿ ਗੰਗ ਨਿਰਮਲ ਅੰਮ੍ਰਿਤ ਗਤਿ॥੨॥੨੩੩॥ **ਬਿਸਨੁਪਦ ਬਿਲਾਵਲੁ ਮੰਗਲ॥** ਮੰਗਲਾ ਮੰਗਲ ਸਦ ਮੰਗਲ ਨਿਤ ਮੰਗਲ ਦਰਬਾਰ ਹਰੀ॥
 ਅਨਦ ਬਿਨੋਦੁ ਖੁਸ਼ੀ ਬਹੁ ਭਾਂਤੀ ਕੋਤਕ ਕੋਟਿ ਬਿਲਾਸ ਭਰੀ॥ ਸਦਾ ਬਿਲਾਵਲ ਰੂਪ ਬਿਲਾਵਲ ਨਿਤ ਨਿਤ ਮੰਗਲ ਕਾਜ ਕਰੀ॥ ਸੁਭ ਮੂਰਤਿ
 ਕਲਜਾਨ ਮੰਗਲ ਬਹੁ ਚਿੰਤਾਮਣਿ ਪ੍ਰਭੁ ਸਰਨ ਪਰੀ॥੩॥੨੩੪॥ ਭ੍ਰਮਤ ਫਿਰਤ ਸਾਕਤਿ ਬਹੁ ਜੋਨੀ ਮਨ ਬਾਵਰ ਨਹਿ ਸਮਝਸਿ ਰੇ॥ ਜੋਨਿ ਫਿਰਤ

ਸੁਖ ਦੁਖ ਬਹੁ ਪਾਵਤ ਅਤਿ ਨਿਲਾਜ ਲਜਾ ਨਹਿ ਇਸ ਰੇ॥ ਧਰਮਰਾਇ ਕੀ ਤਲਬ ਹੋਇ ਜਬ ਜਮ ਕੰਕਰ ਤੁਝ ਤਾੜਸਿ ਰੇ॥ ਕਿਸ ਪਹਿ ਕਰਹਿ
 ਪੁਕਾਰ ਬਾਵਰੇ ਨਰਕ ਘੋਰ ਜਬਿ ਡਾਰਸਿ ਰੇ॥੪॥੨੩੫॥ ਇਹ ਸੰਸਾਰ ਕਠਿਨ ਭਵ ਸਾਗਰ ਨਰਕ ਘੋਰ ਕਾ ਦੁਆਰਾ॥ ਤਰਨ ਦੁਹੇਲਾ ਭਉਜਲ
 ਭਾਰੀ ਬਿਖ ਸਾਗਰ ਸੰਸਾਰਾ॥ ਤਰਹ ਸੰਸਾਰ ਚਰਨ ਲਗ ਸੇਵਕ ਬੇਗ ਹੋਤ ਨਿਸਿਤਾਰਾ॥ ਕਾਟਤ ਫਾਸ ਸੁ ਜਮ ਬਪੁਰੇ ਕੀ ਪਾਵਹਿ ਮੋਖ
 ਦੁਆਰਾ॥੫॥੨੩੬॥ ਬਿਨਤੀ ਕਰਨ ਜਨ ਆਏ ਦੁਾਰ ਠਾਕੁਰ ਅਪੁਨੇ ਕੀ॥ ਤ੍ਰਾਹ ਤ੍ਰਾਹ ਸਭ ਸਰਨ ਤੁਮਾਰੀ ਰਾਖਹੁ ਲਾਜ ਤੁ ਸਰਨ ਪਰੇ ਕੀ॥ ਜਨ
 ਕੇ ਭਲੇ ਬੁਰੇ ਜਿਨਿ ਮਾਨੇ ਰਾਖੁ ਲਾਜ ਪ੍ਰਭੁ ਬਾਹ ਪਕਰੇ ਕੀ॥ ਛਿਨ ਛਿਨ ਗੁਨਹਗਾਰ ਜਨ ਬਪੁਰਾ ਤੁਮ ਹੀ ਰਾਖਹੁ ਬਿਰਦ ਅਪੁਨੇ ਕੀ॥੬॥੨੩੭॥
 ਮਾਤ ਚੰਡਿਕਾ ਪਤਿਤ ਉਧਾਰਨਿ ਦੁਸ਼੍ਟ ਦਲਨਿ ਜੈ ਕਾਰਨਾ॥ ਤਾਰਨ ਤਰਨ ਪ੍ਰਾਨ ਸੁਖ ਦਾਤਾ ਜਸ ਅੰਕੁਰ ਪਾਪ ਬਿਦਾਰਨਾ॥ ਮਾਤ ਲੋਕ ਕੁਲਿ ਪਿਤ੍ਰ
 ਸਪਤ ਕੁਲਿ ਜਾਪਤ ਕਰਤ ਉਧਾਰਨਾ॥ ਪ੍ਰਭੁ ਦਯਾਲ ਕ੍ਰਿਪਾਲ ਸਰਬ ਬਿਧਿ ਜਨ ਸੰਤਨ ਹਿਤਕਾਰਨਾ॥੭॥੨੩੮॥ ਨਿੰਦ ਚਿੰਦ ਬਿਵਹਾਰ ਜਗਤ
 ਕੀ ਇਆ ਮੈ ਮਨ ਉਰਝਾਨਾ॥ ਕਬੀ ਨ ਹਰਿ ਜਸ ਪ੍ਰੀਤਿ ਭਾਵ ਕਰ ਨਿਮਖ ਏਕ ਉਰ ਆਨਾ॥ ਪੁਤ੍ਰ ਕਲਤ੍ਰ ਮਾਯਾ ਮਮਤਾ ਮੈ ਇਹ ਬਿਧਿ ਜਨਮ
 ਸਿਰਾਨਾ॥ ਹੋਤ ਉਧਾਰ ਭਜਹਿ ਭਵਖੰਡਨ ਸ੍ਰੀ ਪਤਿ ਸ੍ਰੀ ਭਗਵਾਨਾ॥੮॥੨੩੯॥ ਬੰਦਨਾ ਨਿਤ ਬੰਦਨ ਪ੍ਰਭੁ ਕਉ ਚਰਨ ਕਵਲ ਪ੍ਰਭੁ ਬੰਦਨਾ॥
 ਆਰਾਧਨਾ ਆਰਾਧਨ ਹਰਿ ਜਸ ਇਹੁ ਦਾਨ ਗੁਰੂ ਤੇ ਮੰਗਨਾ॥ ਸੇਵਨਾ ਸੇਵਨ ਪਦ ਕੰਜਨ ਸਭ ਤੇ ਊਤਮ ਚੰਗਨਾ॥ ਰੰਗਨਾ ਰੰਗਨ ਇਸ ਮਨ ਕਉ
 ਨਾਮ ਹਰੀ ਕੈ ਰੰਗਨਾ॥੯॥੨੪੦॥ ਸ੍ਰੀ ਪਤਿ ਸ੍ਰੀ ਭਗਵਾਨ ਭਜਨ ਬਿਨੁ ਬਿਰਥਾ ਜਨਮ ਗਯੋ॥ ਲੋਭ ਮੋਹ ਮਾਯਾ ਮਦੁ ਮਤਸਰ ਇਨ ਸੰਗ ਗਲਤ
 ਭਯੋ॥ ਕਬੀ ਨ ਸਿਮਰਯੋ ਮਾਤ ਚੰਡਿਕਾ ਜੀਵਤ ਹੀ ਉਹ ਮੁਯੋ॥ ਸਿਮਰੋ ਸਿਮਰਿ ਸਿਮਰਿ ਬਰ ਦਾਤਾ ਨਰਕ ਘੋਰ ਤੇ ਕਾਢ ਲਯੋ॥੧੦॥੨੪੧॥
ਬਿਸਨੁਪਦ ਰਾਗੁ ਸੁਹੀ॥ ਸੀਸ ਕੇਸ ਬੀਜਣ ਕਰਉਂ ਦਰ ਪ੍ਰਭੁ ਜੀ ਝਾਰੋ॥ ਨੈਨ ਕਾਢ ਬਿਸਤਰ ਧਰੋਂ ਪ੍ਰਿਯ ਪ੍ਰੀਤਿ ਬੈਠਾਰੋਂ॥ ਸਾ ਮੂਰਤਿ ਘਰੀ
 ਸੁਲਖਨੀ ਪ੍ਰੀਤਮ ਨੈਨ ਨਿਹਾਰੋਂ॥ ਮਨ ਮਕਰੰਦ ਚਰਨ ਕਮਲਨ ਪਰ ਨਿਮਖ ਨਿਮਖ ਕਰ ਵਾਰੋਂ॥੧॥੨੪੨॥ ਕੇਸ ਚਵਰ ਪ੍ਰਭੁ ਸੀਸ ਢੁਰਾਵਉ ਨੈਨ
 ਚਰਨ ਤਰ ਡਾਰੋਂ॥ ਵਾਰ ਵਾਰ ਜਾਵਉਂ ਲਖ ਬਰੀਆ ਤਨ ਮਨ ਧਨ ਸਭ ਵਾਰੋਂ॥ ਆਪ ਤਯਾਗ ਸੇਵਾ ਕਰਉਂ ਕਿਲਬਿਖ ਮਨ ਜਾਰੋਂ॥ ਤ੍ਰਾਹ ਤ੍ਰਾਹ
 ਸਰਨਾਗਤੀ ਸਾਸ ਸਾਸ ਚਿਤਾਰੋਂ॥੨॥੨੪੩॥ ਮਹਿਮਾ ਕੇਤਿਕ ਆਖੀਐ ਬਰਨੀ ਨਹਿ ਜਾਏ॥ ਕੋਟ ਜਿਹਵ ਕਰ ਭਾਖੀਐ ਤਉ ਪਾਰ ਨ ਪਾਏ॥
 ਕੋਟ ਬੰਦਨਾ ਬਾਰ ਬਾਰ ਨਿਤ ਨਿਤ ਹਰਿ ਰਾਏ॥ ਤਦੁਜਪਿ ਪਾਰੁ ਨ ਪਾਵਈ ਲੱਖ ਕਰਮ ਕਮਾਏ॥੩॥੨੪੪॥ ਸੁਨਹੁ ਸ੍ਰਾਮੀ ਅਰਗ ਹਮਾਰੀ ਯਕ
 ਬਿਨਉ ਕਰਉਂ ਕਰ ਜੋਰ॥ ਦੇਹੁ ਦਰਸ ਜੀਯਰਾ ਬਲਿਹਾਰੀ ਸ੍ਰੀ ਪਤਿ ਰਾਜ ਕਿਸੋਰ॥ ਦੀਨ ਦਰਦ ਦੁਖ ਭੰਜਨ ਸ੍ਰਾਮੀ ਭ੍ਰਮ ਭਯ ਮੇਟਉ ਮੋਰ॥
 ਪਦਮ ਕਵਲ ਦ੍ਰਿਗ ਚਿੰਤਾਮਨਿ ਹਰਿ ਚਰਨ ਕਵਲ ਬਲਿਹਾਰੀ ਤੋਰ॥੪॥੨੪੫॥ **ਬਿਸਨੁਪਦ ਸੁਹੀ॥** ਮਨ ਤਨ ਬਲਿਹਾਰੀ ਦਰਸਾਰੀ ਕੋਟ ਕੋਟ
 ਬੰਦਨ ਨਮਸਕਾਰਾ॥ ਵਾਰੰਵਾਰ ਜਾਉਂ ਲੱਖ ਵਾਰੀ ਪੂਰਣ ਪਿਤ ਗੁਰੁ ਰਾਮ ਹਮਾਰਾ॥ ਕਵਲ ਨੈਨ ਦਰਸਨ ਬਲਿਹਾਰੀ ਮਨ ਮਕਰੰਦ ਚਰਨ ਚਿਤ
 ਪਯਾਰਾ॥ ਹਰਿ ਕ੍ਰਿਪਾ ਬੂੰਦ ਸਾਗਰ ਅੰਮ੍ਰਿਤ ਸਰ ਚਾਤ੍ਰਕ ਸੇਵਤ ਨਿਸਤਾਰਾ॥੫॥੨੪੬॥ ਅਬਿਚਲ ਨਗਰ ਅਮਰਪੁਰ ਵਾਸਾ ਸ੍ਰੀ ਹਰਿ ਗੋਬਿੰਦ
 ਕੇਰਾ॥ ਕਈ ਬੈਕੁੰਠ ਸ੍ਰਰਗ ਲੋਕ ਬਹੁ ਸੁਰ ਤੇਤੀਸ ਕਰੇਰਾ॥ ਅਸੰਖ ਦੇਵ ਰਿਖਿ ਮੁਨਿ ਗੰਧ੍ਰਬ ਜਛ ਲੋਚਾ ਲੋਚ ਘਨੇਰਾ॥ ਜਿਨਿ ਨਿਤ ਆਸ ਚਰਨ
 ਕਮਲਨ ਕੀ ਜੀਉ ਪਿੰਡ ਸਭਿ ਤੇਰਾ॥੬॥੨੪੭॥ **ਬਿਸਨੁਪਦ ਰਾਗੁ ਤੇਲੰਗ॥** ਮਨ ਕਮਤਰੀਨ ਗੁਨਹਗਾਰ ਹੋਚ ਮਦਹਕਾਰਾ॥ ਤੁ ਈਂ ਗੁਨਾਹ ਬਖਸ਼
 ਹਾਕਮ ਫੱਯਾਗ ਤੁ ਈਂ ਦਾਰਾ॥ ਰਜਾਕ ਹੱਕ ਖਾਵੰਦ ਖੁਦ ਖਸਮ ਅਲਹ ਯਾਰਾ॥ ਹਰਕਸੇ ਕਿ ਯਾਦਿ ਕਰਦ ਸੁਰਖੁਰੂ ਦਰਬਾਰਾ॥੧॥੨੪੮॥

ਬਿਸਨੁਪਦ ਰਾਗੁ ਤੇਲੰਗ ਦੂਜੀ ਤਰਹ॥ ਮਉਲਾ ਮਾਲਕ ਮਿਹਰਬਾਨ ਮੀਰ ਮਲਕ ਮਉਲਾਨਾ॥ਕਾਇਮ ਕਾਦਰ ਕਦਰਦਾਨ ਕਾਮਲ ਪਨਹ
 ਸੁਬਹਾਨਾ॥ ਦਾਨਾ ਦਾਯਮ ਦਰਦ ਮੰਦ ਦਿਲ ਦਾਨਸ਼ ਮਰਦਾਨਾ॥ ਰਹਿਮਾ ਰਾਜ਼ਕ ਰਹਿਮ ਕੁਨ ਹਕ ਹਾਦੀ ਰਹਿਮਾਨਾ॥੨॥੨੪੯॥ ਖਾਲਕ ਖਲਕ
 ਖਲਕ ਦਰ ਖਾਲਕ ਦਿਲ ਅੰਦਰ ਦੀਦਨ ਸਰੱਸਤ॥ ਨੂਰ ਨ ਅਲਹ ਨੂਰ ਨ ਰੌਸ਼ਨ ਦਿਲ ਬੇਗ਼ਾਰਾਂ ਚੂੰ ਹੈਵਾਨੱਸਤ॥ ਗ਼ਮਖ਼ਾਰਾ ਬੇਕਸ ਰਾ ਵਾਲੀ
 ਦਿਲ ਖ਼ਸਤਹ ਰਾ ਫੈਗੋ ਨਜ਼ਾਮਤੱਸਤ॥ ਮਹਫੂਜ਼ਦ ਅਜ਼ ਰਫ਼ਤਨ ਦੋਜ਼ਖ਼ ਬਖ਼ਸ਼ਸ਼ ਨਿਗਹ ਹਮ ਦਸਤਖ਼ਤੱਸਤ॥੩॥੨੫੦॥ **ਬਿਸਨੁਪਦ ਤੇਲੰਗ
 ਕਾਫੀ॥** ਗ਼ਨੀ ਕੁਨਦ ਮੁਫ਼ਲਸ ਰਾ ਬੇ ਬਿਹਤਰਹ ਰਾ ਤਰਹ ਹਮ ਸਾਜ਼ਦ॥ ਬੇਕਸ ਰਾ ਕਸ ਵਾਲੀ ਮਉਲਾ ਗੁਨਹਗ਼ਾਰ ਰਾ ਜ਼ੂਦ ਨਿਵਾਜ਼ਦ॥ ਵੈਰਾਂ
 ਰਾ ਮਾਮੂਰੀ ਦਾਰਦ ਖ਼ੁਸ਼ਕੀ ਰਾ ਤਰ ਆਬ ਬਿਆਰਦ॥ ਦੋਜ਼ਖ਼ੀਆਂ ਰਾ ਜ਼ੰਨਤ ਬਖ਼ਸ਼ਦ ਕਾਫ਼ਰਾਨ ਦੁਸ਼ਨਾਮੇ ਦਾਰਦ॥੪॥੨੫੧॥ **ਬਿਸਨੁਪਦ ਤੇਲੰਗ
 ਦੂਜੀ ਤਰਹ॥** ਦਿਲਖ਼ਸਤ ਪਰੇਸ਼ਾਨ ਮਨ ਬਦ ਕਮੀਨਮ॥ ਬਦ ਬਖ਼ਤ ਗੁਨਹਗ਼ਾਰ ਪੁਰ ਫ਼ਿਤਨਹ ਲਈਮਮ॥ ਤੁਈਂ ਸ਼ਾਹ ਸ਼ਹਨਸ਼ਾਹ ਮਲਕ ਜਾਹ
 ਕਰੀਮਮ॥ ਤੁਈਂ ਕਾਦਰ ਫ਼ੱਯਾਗ਼ ਗੁਨਹ ਬਖ਼ਸ਼ ਰਹੀਮਮ॥੫॥੨੫੨॥ ਕਾਦਰ ਬੇਚੂਨ ਗੁਨਹ ਬਖ਼ਸ਼ ਬ ਪਨਾਹਾ॥ ਦਿਲ ਸੋਜ਼ ਦਰਦਮੰਦ ਰਿਹਾ ਕੁਨ
 ਅਜ਼ ਗੁਨਾਹਾ॥ ਦਸਤਗ਼ੀਰ ਰਿਹਾ ਬਖ਼ਸ਼ ਕਾਦਰ ਰਾਹ ਕੁਸ਼ਾਹਾ॥ ਅੱਲਾਹ ਪਾਕਜ਼ਾਤ ਜੁਮਲਹ ਜਾਨ ਰਿਹਾਹਾ॥੬॥੨੫੩॥ **ਛਕਾ ੧॥ ਬਿਸਨੁਪਦ
 ਰਾਗੁ ਸ੍ਰੀ ਰਾਗੁ ॥** ਅੰਬੈ ਜਗਤਾਰਨਿ ਆਦਿ ਭਵਾਨੀ ਮਾਤ ਚੰਡਿਕਾ ਦੇਵ ਹਰੀ॥ ਅਬਿਚਲ ਅਚਲ ਅੰਮ੍ਰਿਤ ਅਮਰ ਗਤਿ ਸੰਕਟ ਅਪਦ ਬਿਨਾਸ
 ਕਰੀ॥ ਕ੍ਰਿਪਾ ਸਿੰਧੁ ਕਰੁਨਾ ਨਿਧਿ ਦਾਤੇ ਭੀਰ ਭੀਮ ਸੰਤਾਪ ਜਰੀ॥ ਦੀਨਾਨਾਥ ਦੀਨ ਭਵ ਖੰਡਨਿ ਜਸ ਸੋਭਾ ਪ੍ਰਤਾਪ ਬਰੀ॥੧॥੨੫੪॥ ਮਨੂਆ
 ਚਾਹੇ ਦਰਸਨ ਨੀਤਿ॥ ਜਿਉਂ ਜਲ ਹੇਤ ਮੀਨ ਕਉ ਬੇਧਤ ਮਨ ਦਰਸਨ ਕੀ ਪ੍ਰੀਤਿ॥ ਚਰਨ ਕਮਲ ਅਲਿ ਮਨ ਗੁੰਜਾਰਤ ਮਨ ਤਨ ਬੇਧਿਓ ਚੀਤਿ॥
 ਅਕਾਲ ਅਜੂਨੀ ਅਮਰ ਅਫੁਰਪਦ ਸੁਚਿ ਨਿਰਮਲ ਸਚ ਰੀਤਿ॥੨॥੨੫੫॥ ਮਨ ਤਨ ਬਿਰਹ ਆਨ ਸੰਤਾਵੈ॥ ਚਿਤ ਚਰਨਨ ਕੀ ਆਸ ਘਨੇਰੀ
 ਕਬਿ ਲੋ ਦਰਸਨ ਪਾਵੈ॥ ਲੋਚਨ ਤਾਰ ਲਗੀ ਦਰਸਨ ਕੀ ਪ੍ਰੀਤਮ ਜਿਮ ਦਰਸਾਵੈ॥ ਜਿਮ ਧਨ ਆਸ ਕੰਤ ਮਨ ਰਾਖਤ ਪ੍ਰਿਯ ਬਿਨ ਕਛੁ ਨ
 ਸੁਖਾਵੈ॥੩॥੨੫੬॥ **ਬਿਸਨੁਪਦ ਸ੍ਰੀ ਰਾਗੁ ਦੂਜੀ ਤਰਹ॥** ਘੋਲ ਘੁਮਾਈ ਦਰਸਨ ਤੈਡੇ ਬਾਰ ਬਾਰ ਬੰਦਨ ਲੱਖ ਬਾਰੀ॥ ਚਰਨ ਬੋਹਿਥ ਭਵਜਲ
 ਨਿਧਿ ਤਾਰਤ ਜੀਅ ਜੰਤੁ ਲਗ ਉਤਰੇ ਪਾਰੀ॥ ਕੋਟ ਕੋਟ ਕੋਟ ਪਾਪ ਪੁੰਜਨ ਕਲਿਮਲ ਦੇਖ ਹਰਤ ਦਰਸਾਰੀ॥ ਸ੍ਰੀ ਧਰ ਬਿਸ੍ਵਨਾਥ ਜਗ ਮੋਹਨ
 ਜਗਨ ਨਾਥ ਦਰਸਨ ਬਲਿਹਾਰੀ॥੪॥੨੫੭॥ ਕਮਲ ਨੈਨ ਮਧੁ ਬਚਨ ਪਤਿਤ ਗਤਿ ਸੁਧਾ ਸਰੋਵਰ ਜਾਨੀ॥ ਦੀਨਾ ਨਾਥ ਦਯਾਲ ਦਾਮੋਦਰ ਭਵ
 ਭੰਜਨ ਪ੍ਰਧਾਨੀ॥ ਅਸੁ ਕਰਨਿ ਜਗਤਾਰਨਿ ਦੁਰਗੇ ਮਾਤ ਚੰਡਿ ਭਗਵਾਨੀ॥ ਅਸੁਰ ਦਲਣਿ ਜੈਕਾਰ ਅਨਾਹਦਿ ਜੈ ਜੈ ਜੈ ਜਗ ਰਾਨੀ॥੫॥੨੫੮॥
 ਸੰਕਟ ਅਪਦ ਜਰਾ ਜਮ ਨਾਸਤ ਏਕ ਨਿਮਖ ਮਨ ਧਯਾਨ ਧਰੇ॥ ਜਨਮ ਜਨਮ ਮਲ ਲਗਤ ਭਜਨ ਬਿਨ ਬ੍ਰਿਥਾ ਅਉਧਿ ਰਸ ਢੋਰ ਤਰੇ॥ ਤਰਹਿ
 ਸੰਸਾਰ ਕਠਿਨ ਭਵ ਸਾਗਰ ਨਿਸਿ ਬਾਸੁਰ ਗੁਨ ਗਾਉ ਹਰੇ॥ ਤ੍ਰਾਹ ਤ੍ਰਾਹ ਸਰਨਾਗਤਿ ਹਰਿ ਜੀਉ ਹਉ ਮਤਿ ਮੰਦ ਸਰਨ ਉਧਰੇ॥ ੬॥੨੫੯॥
ਬਿਸਨੁਪਦ ਰਾਗੁ ਮਾਝ॥ ਨਮਸਕਾਰ ਬੰਦਨ ਲੱਖ ਬਾਰੀ ਪ੍ਰਭੂ ਮੂਰਤਿ ਬਲਿਹਾਰ ਜੀਉ॥ ਸਰਬ ਨਿਧਾਨ ਪੂਰਨ ਜਗਤਾਰਨ ਸੁਖ ਸਾਗਰ ਨਿਰੰਕਾਰ
 ਜੀਉ॥ ਜਉਨ ਜੋਤਿ ਜਗਮਗੈ ਦਰਸ ਹਰਿ ਕ੍ਰਿਤਾਰਥ ਦਰਸਾਰ ਜੀਉ॥ ਜੈ ਜਗਰਾਨੀ ਆਦਿ ਭਵਾਨੀ ਸਭ ਸੈ ਪ੍ਰਾਨ ਅਧਾਰ ਜੀਉ॥੧॥੨੬੦॥
 ਅਟਲ ਰਾਜ ਤ੍ਰਿਪੁਰ ਹਰਿ ਅੰਬੈ ਜਗਤਾਰਨ ਸੁਖ ਧਾਮ ਜੀਉ॥ ਅਚਲ ਸ੍ਵਰੂਪ ਜਗਤਿ ਪ੍ਰਤਿਪਾਲਕ ਨਿਹਕੰਟਕ ਬਿਸ੍ਵਾਮ ਜੀਉ॥ ਧਉਲਾ ਗਿਰ
 ਸੋਹਤ ਜਗਦੰਬੈ ਅਮਰ ਲੋਕ ਨਿਜ ਧਾਮ ਜੀਉ॥ ਅਪਦ ਹਰਨ ਸੰਕਟ ਪ੍ਰਤਿਪਾਲਕ ਅਘ ਨਾਸਨਿ ਬਲਿਰਾਮ ਜੀਉ॥੨॥੨੬੧॥ ਧਰਮ ਬ੍ਰਿਤ

ਸੰਤਨ ਰੱਛਪਾਲਕ ਦੀਨਬੰਧੁ ਦੁਖ ਦਾਹ ਜੀਉ॥ ਸਤਿਨਾਮੁ ਆਜੋਨੀ ਸੰਭਉ ਅਸੁਰ ਨਾਸ ਸਚ ਸ਼ਾਹ ਜੀਉ॥ ਅਕਾਲ ਰੂਪ ਅਜਰਾ ਅਬਿਨਾਸੀ
 ਕਮਲ ਨੈਨ ਉਛਾਹ ਜੀਉ॥ ਨਿਰਾਕਾਰ ਨਿਰਭਉ ਨਿਰਵੈਰੀ ਸਤਿ ਨਾਮੁ ਅਵਗਾਹ ਜੀਉ॥੩॥੨੬੨॥ ਦੂਖ ਅਪਦ ਸੰਕਟ ਜਮ ਨਾਸਨਿ ਭਵ ਹਰਤਾ
 ਭਗਵਾਨ ਜੀਉ॥ ਅਸੁਰ ਸੰਘਾਰਨਿ ਸੰਕਟ ਮੋਚਨ ਰਿਪੁ ਖੰਡਨ ਪ੍ਰਵਾਨ ਜੀਉ॥ ਦੇਖ ਦਹੰਤੀ ਅਚਲ ਅਨੰਤੀ ਭਾਵੀ ਭੂਤ ਕਲਯਾਨ ਜੀਉ॥ ਭਵ
 ਖੰਡਨ ਜਗਮਾਤ ਅੰਬਿਕਾ ਭਵ ਤਾਰਨ ਭਯ ਹਾਨ ਜੀਉ॥੪॥੨੬੩॥ ਸੁੰਦਰ ਛਬਿ ਸੋਹਨਿ ਜੈ ਜਗ ਮੋਹਨਿ ਸਸਿ ਗਤਿ ਭਉਹਨਿ ਪਾਰਜਾਤਿ ਆਨੰਦ
 ਜੀਉ॥ ਬਿਦਯਾ ਬਰਦਾਨੀ ਜੈ ਜਗ ਰਾਨੀ ਸੁਖਦਾਇਕ ਦੁਖਕੰਦ ਜੀਉ॥ ਅਤਭੂਤਿ ਛਬਿਕਾਰੀ ਆਦਿ ਕੁਮਾਰੀ ਸੁਰ ਬੰਦਨ ਗੋਬਿੰਦ ਜੀਉ॥ ਅਸੁਰ
 ਸੰਘਾਰਨਿ ਰਿਪੁ ਦਲ ਜਾਰਨਿ ਪ੍ਰਾਨਨ ਪਤੀ ਮੁਕੰਦ ਜੀਉ॥੫॥੨੬੪॥ ਅਬਿਚਲ ਅਚਲ ਅਮਰ ਸੁਖ ਸਾਗਰ ਦੁਖ ਹਰਤਾ ਹਰਿ ਰਾਇ ਜੀਉ॥ ਸੰਖ
 ਚਕ੍ਰ ਪੰਕਜ ਜੈ ਮਾਲਾ ਅਸੂ ਭੁਜਾ ਦੁਰਗਾਇ ਜੀਉ॥ ਸਯਾਮਾ ਕਾਲੀ ਕਲਹ ਤਾਰਨੀ ਸਾਰਸ੍ਵਤੀ ਬਰ ਦਾਇ ਜੀਉ॥ ਸਾਰਦ ਮੰਗਲ ਸਕਤਿ ਜੋਗਨੀ
 ਆਦਿਹਿ ਅੰਤੁ ਸਹਾਇ ਜੀਉ॥੬॥੨੬੫॥ ਬਿਸਨੁਪਦ ਰਾਗ ਮਾਝ ਅਸਟਪਦੀ ੧॥ ਸਰਬ ਜੋਤਿ ਲੈ ਜੋਤਿ ਜਗਾਨੀ ਗਗਨਿ ਥਾਲੁ ਬਨਿ ਆਈ॥
 ਰਵਿ ਸਸਿ ਜਉਨਿ ਉਦੇ ਭਯੋ ਤਾ ਮਹਿ ਉਡਗਨ ਰਤਨ ਜੜਾਈ॥ ਸਗਲਿ ਬਨਸਪਤਿ ਪੁਹਪ ਲੈ ਧਰਜੋ ਮਲਯਾਗਿਰਿ ਧੂਪ ਸੁਹਾਈ॥ ਰਾਗੁ ਰਾਗਨੀ
 ਗੰਧੁਬ ਅਪਸਰ ਮਿਲ ਗਾਵਤਿ ਗੁਨ ਵਡਿਆਈ॥੧॥ ਸਿਵ ਬਿਰੰਚ ਦੇਵੀ ਅਰੁ ਦੇਵਾ ਸ਼੍ਰੀ ਹਰਿ ਆਰਤੀ ਕੀਨੀ॥ ਸੇਸ ਸੁਰੇਸ ਸੁਰ ਨਰ ਮੁਨਿ ਰਿਖਿ
 ਜਨ ਜਸ ਉਪਮਾ ਬਹੁ ਦੀਨੀ॥੧॥ ਰਹਾਉ॥ ਸਪਤ ਸਰੋਵਰ ਸੁਧਾ ਮੰਡਲ ਤਰ ਚਰਨ ਕਵਲ ਪ੍ਰਭੁ ਧੋਯੋ॥ ਲੈ ਚਰਨੋਦਿਕ ਪਾਨ ਕਰਜੋ ਹੈ ਜਨਮ
 ਜਨਮ ਦੁਖ ਖੋਯੋ॥ ਪਾਰਿਜਾਤ ਫਲ ਛੀਰ ਕਾਮਧੇਨਾ ਇਛ੍ਯਾ ਭੋਗ ਲਗਾਯੋ॥ ਚਵਰ ਪਵਨ ਸਿਰ ਸਘਨ ਢੁਰਤ ਹੈ ਰਤਨਨ ਛਤ੍ਰ ਸੁਹਾਯੋ॥੨॥
 ਅਸਥਾਵਰ ਜੰਗਮ ਧਰਤਿ ਅਕਾਸਾ ਨੇਤਿ ਨੇਤਿ ਤੁਧ ਧਯਾਵੈ॥ ਜਲੁ ਥਲੁ ਮਹੀਅਲੁ ਦੇਸ ਦਿਸਾਂਤਰ ਊਚੇ ਊਚ ਬਤਾਵੈ॥ ਸਰਬ ਮਹਿ ਪੂਰ ਰਹਯੋ
 ਭਵਖੰਡਨ ਸਹਸ ਰੂਪ ਹੈ ਜਾਂ ਕਾ॥ ਸਹਸ ਨੇਤ੍ਰ ਪਾਦਕਾ ਜਾਂ ਕੀ ਸਹਸ ਭੁਜਾ ਹੈ ਤਾਂ ਕਾ॥੩॥ ਸਹਸ ਨਾਸਿਕਾ ਸੀਸ ਸਹਸ ਧਰ ਸ੍ਰਵਨ ਸਹਸ ਕਰ
 ਖੇਲੇ॥ ਸਹਸ ਮੂਰਤਿ ਅਪਰੰਪਰ ਸੁਆਮੀ ਪ੍ਰਲਯ ਕਾਲ ਸਭਿ ਮੇਲੇ॥ ਉਤਪਤਿ ਪਰਲਯ ਸਭਿ ਕੀ ਕਰਤਾ ਸਭ ਤੇ ਰਹਿਤ ਨਿਰਾਰਾ॥ ਸਭਿ ਮਹਿ
 ਵਰਤੈ ਚੋਜੀਂ ਰੰਗੀਂ ਫੁਨ ਸਭਿ ਕਰਤ ਪਸਾਰਾ॥੪॥ ਖੇਲਤ ਨੇਤ੍ਰ ਹੋਤ ਸਭਿ ਪ੍ਰਗਟਿ ਮੁੰਦ੍ਰਿਤ ਕਰਤ ਸੰਘਾਰਾ॥ ਸਹਸ ਜਿਹਵਾ ਧਰ ਬੋਲਤ ਆਪੇ ਪ੍ਰਭੁ
 ਆਪੇ ਕਰਤ ਉਚਾਰਾ॥ ਬਡੀ ਆਰਜਾ ਅਮਰ ਅਚਲ ਬਰ ਆਜੂਨੀ ਕਰਤਾਰਾ॥ ਸਰਬ ਬ੍ਰਹਮਾਪੀ ਨਿਰਲੇਪੀ ਆਪੇ ਸਭਸੈ ਪ੍ਰਾਨ ਅਧਾਰਾ॥੫॥ ਸਾਧੁ
 ਸੰਤਨ ਭਗਤਿਨ ਮੈ ਹਰਿ ਜੀ ਨਿਜ ਕੈ ਲੀਨ ਨਿਵਾਸਾ॥ ਪਰਮਾਤਮ ਪਰਮੇਸ੍ਵਰ ਸ੍ਵਾਮੀ ਘਟਿ ਘਟਿ ਬ੍ਰਹਮ ਪ੍ਰਕਾਸਾ॥ ਓਅੰ ਸੋਹੰ ਬੋਲ ਸੁਹਾਵਨ
 ਉਚਰਤ ਹੋਤ ਸਭਿ ਰਚਨਾ॥ ਦੇਵ ਦੈਤਜ ਮਾਨਸ ਪਸੁ ਪੰਛੀ ਛਿਨ ਮੈ ਧਾਰਨ ਧਰਨਾ॥੬॥ ਸੰਖ ਭੇਰਿ ਮੁਰਲੀ ਘਨ ਬਾਜਤ ਗੰਧੁਬ ਤਾਲ ਬਜਾਵਤ॥
 ਇੰਦ੍ਰ ਸਭਾ ਅਪਸਰ ਸਭਿ ਨਾਚਤਿ ਸ੍ਰੀ ਪ੍ਰਭੁ ਕਉ ਰੀਝਾਵਤ॥ ਰਸਕ ਰਸਕ ਧੁਨਿ ਰਾਗੁ ਅਲਾਪਤਿ ਓਅੰ ਪਦ ਕਹੁ ਗਾਵਤ॥ ਮਧੁਰ ਮਧੁਰ ਬਾਨੀ
 ਅਤਿ ਮੀਠੀ ਮਨ ਚਿਤ ਕੈ ਹਰਿ ਧਯਾਵਤ॥੭॥ ਕੇ ਕੇ ਦੇਓਂ ਬਡਾਈ ਪ੍ਰਭੁ ਤੁਹਿ ਉਪਮਾ ਤੁਹਿ ਬਨ ਆਵਤ॥ ਕਰ ਗਹਿ ਲੇਹੁ ਸੰਸਾਰ ਕੂਪ ਤੇ ਯੋਂ
 ਪ੍ਰਭੁ ਆਰਤੀ ਗਾਵਤ॥ ਮਨ ਮਕਰੰਦ ਚਰਨ ਕਮਲਨ ਪਰਿ ਨਿਮਖ ਨਿਮਖ ਕਰ ਵਾਟਤ॥ ਕ੍ਰਿਪਾ ਬੁੰਦ ਚਾਤ੍ਰਿਕ ਜਨ ਦੀਜੈ ਜਨਮ ਮਰਨ ਦੁਖ
 ਕਾਟਤ॥੮॥੨੬੬॥ ਬਿਸਨੁਪਦ ਗਉਰੀ॥ ਦੇਖਤ ਨੈਨ ਸਕਲ ਜਗ ਬਿਨਸਤ ਭ੍ਰਮ ਭ੍ਰਮ ਮਰਤ ਗਵਾਰਾ॥ ਬਿਨਾ ਸਾਮ ਠਾਕੁਰ ਅਪੁਨੇ ਕੀ ਪਹੁੰਚਿਤ
 ਨਹਿ ਦਰਬਾਰਾ॥ ਅਸੂ ਕਰਨ ਕ੍ਰਿਪਾਨਿਧਿ ਦਾਤੇ ਪ੍ਰਭੁ ਰਾਖ ਲੇਹੁ ਇਹ ਬਾਰਾ॥ ਮੰਗਲ ਮੁਦਿਤ ਹਰਖ ਚਿੰਤਾਮਨਿ ਅਮਰ ਅਚਲ ਹਰਿ

ਪਯਾਰਾ॥੧॥੨੬੭॥ **ਬਿਸਨੁਪਦ ਗਉਰੀ ਪੂਰਬੀ**॥ ਕਿਸ ਪਹਿ ਕਰਉ ਜੁਹਾਰ ਬੇਨਤੀ ਬਿਨਾ ਸਾਮ ਜਗ ਮਾਇ॥ ਤੁਮਰੀ ਸਯਾਮ ਸਰਣਿ ਜਗਬੰਦਨ
 ਹਉਂ ਮਤਿ ਮੰਦ ਅਧੀਨ ਰਜਾਇ॥ ਮਹਾ ਭਯਾਨ ਕਠਿਨ ਭਵ ਸਾਗਰ ਹਰਿ ਬਿਨ ਤਰਨ ਨਹੀ ਕਤ ਜਾਇ॥ ਹਉਂ ਮਤਿ ਮੰਦ ਅੰਧ ਮਤਿ ਬਾਵਰ
 ਅੰਤ ਸਮਯ ਹਰਿ ਹੋਹੁ ਸਹਾਇ॥੨॥੨੬੮॥ **ਬਿਸਨੁਪਦ ਗਉਰੀ ਬੈਰਾਗਨਿ**॥ ਪੀਤ ਬਸਨ ਪੀਤਾਂਬਰ ਛਾਜੈ ਅਸੂ ਕਰਨਿ ਹਰਿ ਆਦਿ ਭਵਾਨੀ॥
 ਜਗਮਗ ਜੋਤਿ ਲਸਤਿ ਭਵ ਖੰਡਨਿ ਸਿੰਘ ਬਾਹਨੀ ਰਾਨੀ॥ ਨੇਵਰ ਨਾਦ ਸੰਖ ਧੁਨਿ ਭੇਰੀ ਬਾਜਤਿ ਗਤਿ ਕ੍ਰਿਪਾਨੀ॥ ਮੰਗਲ ਮੁਦਿਤ ਹਰਿਤ ਚਿੰਤਾ
 ਮਨਿ ਅਸੂ ਕਰਨਿ ਦਰਬਾਨੀ॥੩॥੨੬੯॥ ਤਾਲ ਮ੍ਰਿਦੰਗ ਮਾਰੂ ਰਣਿ ਬਾਜੈ ਕੁਹਕਤਿ ਗਜਤ ਅਸੁਰ ਦਲ ਭਾਰੀ॥ ਨਾਚਤ ਭੂਤ ਪ੍ਰੇਤ ਨਾਨਾ ਬਿਧਿ
 ਗਰਜਤ ਗਨ ਗੈਨਾਰੀ॥ ਅਸੰਖ ਛੂਹਨੀ ਕਟਕ ਸਜੈ ਦਲ ਦਾਹਨਿ ਚਲਿ ਅਹੰਕਾਰੀ॥ ਛਿਨ ਮੈ ਨਾਸ ਕੀਏ ਭਵ ਖੰਡਨ ਦਾਨੋ ਅਸੁਰ ਸੰਘਾਰੀ॥
 ੪॥੨੭੦॥ ਰਕਤਬਿੰਦੁ ਮਹਿਖੇ ਮਧੁ ਕੈਟਭ ਚੰਡ ਰੁ ਮੁੰਡ ਸੰਘਾਰੇ॥ ਮਹਾ ਪ੍ਰਬਲ ਦੀਰਘ ਤਨ ਦਾਨੋ ਕੇਹਰਿ ਪਕੜ ਪਛਾਰੇ॥ ਚੁਨ ਚੁਨ ਅਸੁਰਨ
 ਮਾਰਿਵ ਸਕਤੈ ਸੁੰਭ ਨਿਸੁੰਭ ਬਿਦਾਰੇ॥ ਜੈ ਜੈ ਮਾਤ ਦੀਨ ਦੁਖ ਭੰਜਨਿ ਕਰਿ ਕ੍ਰਿਪਾ ਲੇਹੁ ਉਬਾਰੇ॥੫॥੨੭੧॥ ਚਰਨ ਕਮਲ ਪੰਕਜ ਅੰਬੁਜ ਪਦ ਮਨ
 ਮਕਰੰਦ ਗੁੰਜਾਰੇ॥ ਕ੍ਰਿਪਾ ਦ੍ਰਿਸ੍ਟਿ ਸਾਗਰ ਅੰਮ੍ਰਿਤ ਸਰ ਅਚਲ ਅਮਰ ਜੁਗ ਚਾਰੇ॥ ਤ੍ਰਿਖਾਵੰਤ ਚਾਤ੍ਰਕ ਤ੍ਰਿਪਤਾਸੇ ਕਲਿਮਲ ਦੇਖ ਉਤਾਰੇ॥ ਮੰਗਲ
 ਹਰਖ ਬਿਨੋਦ ਚਿੰਤਾਮਨਿ ਭਵ ਸਾਗਰ ਸੰਸਾਰੇ॥੬॥੨੭੨॥ **ਬਿਸਨੁਪਦ ਗਉਰੀ ਚੇਤੀ**॥ ਚਮਕਤਿ ਅਸਿ ਕ੍ਰਿਪਾਨ ਖੜਗ ਧੁਜ ਜਗਮਗ ਜੋਤਿ
 ਉਜਾਰੇ॥ ਦਮਕਤ ਚਿਹਨ ਬਰਨ ਨਵਰੰਗੀ ਸ੍ਰੀ ਰੰਗ ਅਸੁਰ ਸੰਘਾਰੈ॥ ਲਸਕਤ ਚਕ੍ਰ ਬਕ੍ਰ ਭਵ ਖੰਡਨ ਦਲ ਦੈਤਯਨ ਚੁਨ ਮਾਰੇ॥ ਬਾਜਤ ਸੰਖ ਭੇਰਿ
 ਮੁਰਲੀ ਡਫ ਨਾਚਤ ਬੀਰ ਬੈਤਾਰੇ॥੭॥੨੭੩॥ ਗਾਜਤ ਸਿੰਘ ਲੰਕੁੜਾ ਨਾਚੈ ਭੈਰਉ ਭੂਤ ਅਪਾਰੇ॥ ਭੂਤ ਪ੍ਰੇਤ ਨਾਨਾ ਬਿਧਿ ਨਾਚਤ ਕੂਦਤ ਗਨ
 ਗੈਨਾਰੇ॥ ਕੜਕਤਿ ਅਸਿ ਕ੍ਰਿਪਾਨ ਖੜਗ ਧੁਜ ਘਰਤ ਬੀਰ ਜੁਝਾਰੇ॥ ਦਹਿਲਤ ਉਰ ਅਸੁਰਨ ਕੀ ਛਤੀਆ ਨਸ ਨਸ ਗਏ ਹਜ਼ਾਰੇ॥੮॥੨੭੪॥
ਬਿਸਨੁਪਦ ਗਉਰੀ ਪੂਰਬੀ॥ ਅਸੁਰਨ ਚੁਨ ਚੁਨ ਹਨੇ ਭਵਾਨੀ ਮਾਤ ਚੰਡਿਕਾ ਤਾਰੇ॥ ਨਿਜ ਸੇਵਕ ਸੰਤਨ ਭਗਤਨ ਕਉ ਆਦਿ ਅੰਤੁ ਨਿਸਤਾਰੇ॥
 ਭੀਰ ਪਰੇ ਜਹੰ ਤਹੰ ਰੱਖ ਲੀਨੇ ਦੂਖ ਦਲਿਵ੍ਹ ਨਿਵਾਰੇ॥ ਬੇਦਨ ਹਰਨ ਸੰਕਟ ਦੁਖ ਮੋਚਨ ਮੰਗਲ ਮੁਦਤਿ ਮੁਰਾਰੇ॥੯॥੨੭੫॥ ਰਾਖਹੁ ਲਾਜ ਬਿਰਦ
 ਅਪੁਨੇ ਕੀ ਹਾਰ ਪਰੇ ਹਰਿ ਦੁਆਰੇ॥ ਸਰਨ ਸਰਨ ਸਰਨਾਗਤਿ ਆਸਾ ਚਿਤ ਚਿਤਵਤ ਦਰਸਾਰੇ॥ ਮਾਂਗਉ ਦਾਨ ਦੇਹੁ ਜਗਦੰਬੈ ਮੁਕਤਿ ਭੁਗਤਿ
 ਭੰਡਾਰੇ॥ ਤੁਮ ਸਮ ਧਨੀ ਨ ਮੇ ਸਮ ਜਾਚਿਕ ਪ੍ਰਭੁ ਮਾਂਗਉ ਦੇਤ ਦਾਤਾਰੇ॥੧੦॥੨੭੬॥ **ਬਿਸਨੁਪਦ ਰਾਗੁ ਆਸਾ**॥ ਆਸਾ ਆਸ ਚਰਨ ਕਮਲਨ
 ਕੀ ਚਿਤ ਚਾਤ੍ਰਕ ਨਿਸਿ ਟੇਰਤ॥ ਪ੍ਰਿਉ ਪ੍ਰਿਉ ਰਟਤ ਦਰਸ ਬਿਨ ਬਾਵਰ ਜਿਉਂ ਕਾਮਨਿ ਮਗ ਹੇਰਤ॥ ਬਯਾਕੁਲ ਹੀਨਿ ਛੀਨਿ ਦੁਖਯਾਰੀ ਪ੍ਰਿਯ
 ਬਿਨ ਕਛੂ ਨ ਸੋਹਤ॥ ਨਿਤ ਨਿਤ ਆਸ ਦਰਸ ਪ੍ਰਿਯ ਪ੍ਰੀਤਮ ਛਿਨ ਛਿਨ ਮਗ ਪੀਯ ਜੋਹਤ॥੧॥੨੭੭॥ **ਬਿਸਨੁਪਦ ਆਸਾ ਕਾਫੀ**॥ ਜੈ ਜੈ ਜੈ
 ਦਰਸਨ ਸਫਲ ਸੁ ਪਰਸਨ ਨਿਤ ਨਿਤ ਆਨੰਦ ਕਰਨੀ॥ ਆਨੰਦਾ ਆਨੰਦ ਅਨੰਦੀ ਸੰਕਟ ਅਪਦ ਬਿਕਟ ਖਲ ਦਰਨੀ॥ ਨੀਲਾਂਬਰ ਅੰਬੁਜ
 ਬਨਵਾਰੀ ਕਲਹ ਬਿਨਾਸਨਿ ਕਲਿਮਲ ਹਰਨੀ॥ ਜੈ ਜੈ ਜੈ ਚੰਡੀ ਅਸੁਰ ਸੰਘਾਰਨਿ ਪਾਪ ਬਿਨਾਸਨਿ ਦੁਰਮਤਿ ਦਰਨੀ॥੨॥੨੭੮॥ ਦਾਸ ਤਿਹਾਰੇ
 ਮਾਤ ਚੰਡਿਕਾ ਠਾਢੇ ਦੇਵੀ ਦ੍ਵਾਰ॥ ਦਰਸਨ ਦੀਜੈ ਪਤਿਤ ਉਧਾਰਨਿ ਖੋਲੇ ਪ੍ਰੇਮ ਕਿਵਾਰ॥ ਦੇਹੁ ਦਰਸ ਜੀਅਤਾ ਬਲਿਹਾਰੀ ਬਾਰ ਬਾਰ ਬੰਦਨ
 ਬਲਿਹਾਰ॥੩॥੨੭੯॥ ਅਬ ਮੇਰੇ ਸਗਲ ਉਪਾਇ ਰਹਯੋ॥ ਬਿਨਾ ਸਾਮ ਦੁਰਗੇ ਜਗਦੰਬੈ ਸੂਖ ਨ ਕਹੂੰ ਲਹਯੋ॥ ਭ੍ਰਮਤਿ ਭ੍ਰਮਤਿ ਪੁਨਰਪਿ ਹਾਰਯੋ
 ਅਬਿ ਤਾਕ ਸਰਨ ਪਰਯੋ॥ ਬਿਖ ਭਉਜਲ ਸੰਸਾਰ ਕੂਪ ਤੇ ਅੰਚਲ ਲਾਇ ਖਰਯੋ॥੪॥੨੮੦॥ **ਬਿਸਨੁਪਦ ਆਸਾਵਰੀ**॥ ਸਤੁ ਨਿਪਾਤਨਿ

ਅਸੁਰ ਬਿਹੰਡਨਿ ਖਲ ਤਾਰਨਿ ਜੈ ਆਦਿ ਭਵਾਨੀ॥ ਪ੍ਰਾਨਪਤੀ ਨਵਤਨ ਨਵਰੰਗੀ ਨਵਲ ਕਵਲ ਦੁਰਗੇ ਜਗ ਦਾਨੀ॥ ਸਿੰਘ ਬਾਹਨੀ ਸ਼ਤੁ
 ਨਿਪਾਤਨਿ ਜਗਮਗ ਜੋਤਿ ਜਗਤ ਮਹਾਰਾਨੀ॥ ਬਿਸ਼ੁੰਭਰ ਕ੍ਰਿਪਾਲ ਖੜਗ ਪੁਜ ਅਸਿਪਾਨ ਸੰਤਨ ਕ੍ਰਿਪਾਨੀ॥੫॥੨੮੧॥ ਅਰੁਨ ਪੁਜਾ ਪੀਤਾਂਬਰ ਛਾਜੈ
 ਜਗਮਗ ਜੋਤਿ ਦਿਪਤਿ ਤ੍ਰਿਪੁਰਾਰੀ॥ ਹੰਸ ਚਉਰ ਲਜਿਤ ਨਿਰਖਤ ਛਬਿ ਅਤਿ ਸੁੰਦਰ ਮੋਹਨਿ ਬਨਵਾਰੀ॥ ਚਮਕਤ ਚਕ੍ਰ ਬਕ੍ਰ ਲੋਚਨ ਹਰਿ ਦਮਕਤਿ
 ਮਨਹੁ ਛਟਾ ਬਿਜੁਲਾਰੀ॥ ਫਹਰਤ ਪੁਜਾਧਰਮ ਬਿਕ੍ਰਮ ਬ੍ਰਿਤ ਚਮਕਤਿ ਅਸਿ ਅਸਿਕੇਤੁ ਮੁਰਾਰੀ॥੬॥੨੮੨॥ ਗਰਜਤਿ ਸਿੰਘ ਬਾਹਨੀ ਮਾਯਾ
 ਦਹਲਤਿ ਰਿਪੁ ਅਸੁਰਨ ਕੀ ਛਤੀਆ॥ ਬਬਕਤ ਸਿੰਘ ਜੁਝਾਰ ਡਾਕਣੀ ਕੁਹਕਤ ਕਾਲ ਕਰਾਲ ਅਧ ਰਤੀਆ॥ ਭੱਜਤ ਅਸੁਰ ਦੈਤਜ ਅਹੰਕਾਰੀ
 ਬਿਡਰਤ ਰਕਤ ਬਹਿਤ ਜਿਮ ਨਦੀਆ॥ ਬਹਤ ਫਿਰਤ ਰਾਕਸ ਨਵਕਾ ਸਮ ਭੱਛਤ ਪ੍ਰੇਤ ਮਨਹੁ ਮ੍ਰਿਤੁ ਮਛੀਆ॥੭॥੨੮੩॥ ਸਜਾਮ ਬਰਨ
 ਨੀਲਾਂਬਰ ਮਾਧੋ ਅਸੁ ਕਰਨਿ ਛਬਿ ਉੱਤਮ ਕਾਲੀ॥ ਨੀਲ ਬਸਨ ਅਸਿਕੇਤੁ ਖੜਗ ਪੁਜ ਛਤ੍ਰ ਚਵਰ ਸਿਰ ਢੁਰਤ ਕ੍ਰਿਪਾਲੀ॥ ਜਗਮਗ ਜੋਤਿ ਜਗਤ
 ਮੁਖ ਮੰਡਲ ਚਮਕਤ ਚਕ੍ਰ ਅਸੁਰ ਦਲ ਘਾਲੀ॥ ਸਿੰਘ ਬਾਹਨੀ ਅਸੁਰ ਸੰਘਾਰਨਿ ਕਵਲ ਨੈਨ ਕਸਮਲ ਅਘ ਜਾਲੀ॥੮॥੨੮੪॥ **ਬਿਸਨੁਪਦ**
ਆਸਾ॥ ਸਕਲ ਭਵਨ ਨਾਇਕ ਜਗਦੰਬੈ ਸਕਲ ਸ੍ਰਿਸ੍ਰਿ ਜਾਚਕ ਦਰਬਾਰੀ॥ ਕੋਟਿ ਬ੍ਰਹਮੰਡ ਖੰਡ ਜਿਨ ਧਾਰੇ ਕੋਟ ਸਿੰਧੁ ਸਾਗਰ ਨਵ ਧਾਰੀ॥ ਕੋਟਿ
 ਕਲਾ ਉਡਗਨ ਕਈ ਕੋਟਿਕ ਗਗਨ ਨਛਤ੍ਰ ਪਯਾਲ ਸਵਾਰੀ॥ ਪਤਿਤ ਤਰਤ ਕਈ ਕੋਟਿ ਅਸੰਖਾ ਨਾਮ ਲੈਤ ਉਧਰਤ ਬਨਵਾਰੀ॥੯॥੨੮੫॥
 ਅਮਰਲੋਕ ਕੈਲਾਸ ਬੈਕੁੰਠਾ ਸ੍ਵਰਗਪੁਰੀ ਰਾਜਤ ਮਹਾਰਾਨੀ॥ ਉਚਰਤ ਨਿਗਮ ਚਤੁਰ ਨਵਤਨ ਨਿਤ ਸਿਵ ਬਿਰੰਚ ਧਯਾਵਤ ਕਰ ਧਯਾਨੀ॥ ਜੋਗੀ
 ਜਤੀ ਤਪੀ ਸਨਯਾਸੀ ਖਟ ਦਰਸਨ ਸਿਮਰਤ ਬਰਦਾਨੀ॥ ਮੈ ਮਤਿਮੰਦ ਗੁੰਗ ਤਮ ਲੋਚਨ ਪਤਿਤ ਅਧਮ ਖਲ ਚਰਨ ਭਵਾਨੀ॥੧੦॥੨੮੬॥
ਬਿਸਨੁਪਦ ਰਾਗੁ ਨਟ ਨਾਰਾਇਨ॥ ਰੇ ਮਨ ਕੈਸੇ ਤਰਹ ਗਾ ਬਿਖੈ ਭਉਜਲ ਮੀਤਿ॥ ਮਹਾ ਬਿਕਾਰਨ ਕਰਤ ਬਿਖਈ ਮੀਚ ਹੋਰਤ ਨੀਤਿ ॥ ਲੋਭ
 ਹਲਕ ਅਹੰਕਾਰ ਮਾਤਾ ਨਿਮਖ ਮਨ ਨਹੀ ਜੀਤਿ॥ ਸੰਸਾਰ ਸਾਗਰ ਬਿਖਮ ਮਾਰਗ ਕਿਮ ਤਰਹ ਗੋ ਮਨ ਮੀਤਿ ॥੧॥੨੮੭॥ ਕਿਛੁ ਜਪੁ ਨ ਤਪੁ ਨ
 ਕੁਲਿ ਧਰਮੁ ਕੀਨਾ ਇਕ ਨਿਮਖ ਭਜਨ ਨਹੀ ਲੀਨ॥ ਇਕ ਚਿਤ ਇਕ ਸਰਨਿ ਹੋਤ ਨਾਹੀ ਛਿਨ ਛਿਨ ਡੋਲਤ ਮਨ ਹੀਨ॥ ਪਾਪ ਕਰਤਾ ਨਹੀਂ
 ਹਾਰਤ ਨਿਲਾਜ ਮੂਰਖ ਦੀਨ॥ ਤਮ ਭਜਹ ਮਾਧੋ ਸਰਨ ਸ੍ਵਾਮੀ ਮਨ ਰੰਗ ਹਰਿ ਰੰਗ ਭੀਨ॥੨॥੨੮੮॥ ਬਿਖੈ ਭਉਜਲ ਤਰਨ ਬਿਖੜਾ ਬਿਨ ਭਜਨ
 ਕਰਤਾ ਰਾਮ॥ ਤਜਿ ਮਾਨ ਮੋਹ ਅਹੰਕਾਰ ਬਾਵਰ ਧਰ ਚਿਤ ਸੁੰਦਰ ਸਜਾਮ॥ ਇਕ ਨਿਮਖ ਧਰ ਤੂੰ ਧਯਾਨ ਜਨਨੀ ਸਭਿ ਸਫਲ ਪੂਰਨ ਕਾਮ॥ ਸਭ
 ਕਟਤ ਕਸਮਲਿ ਬਿਘਨ ਨਾਸਤਿ ਜਮ ਹਟਤ ਜਾਪਤ ਨਾਮ॥੩॥੨੮੯॥ ਮਨ ਤਯਾਗ ਕੁਟਿਲਤਾ ਛਲ ਛਿਦ੍ਰ ਪਾਤਕ ਹੋਹੁ ਪਤਿਤ ਪੁਨੀਤਿ॥ ਧਰ
 ਧਯਾਨ ਗੋਬਿੰਦ ਅਮਿਉ ਸਤਿਗੁਰ ਕਰਹ ਨਿਰਮਲਿ ਚੀਤਿ॥ ਸਿਮਰ ਮਾਤਾ ਜਗਤ ਜਨਨੀ ਤਰਹ ਭਉਜਲ ਮੀਤਿ ॥ ਜੈ ਕਰਨ ਕਾਰਨ ਅਚਲ
 ਮੂਰਤਿ ਜਗਤਾਰਨੀ ਜਗਜੀਤਿ॥੪॥੨੯੦॥ ਗੁਰੁ ਮਨ ਸਰਨਿ ਸੁਆਮੀ ਮੇਲ॥ ਚਿਤ ਰਾਖ ਮਾਚ ਪਦ ਕਵਲ ਅੰਬੈ ਮਕਰੰਦ ਮਨ ਤਨ ਪੇਲ॥ ਗੁੰਜਾਰ
 ਨਿਸਿ ਦਿਨ ਚਰਨ ਕਵਲਨ ਦੁਖ ਰੋਗ ਸੰਕਟ ਰੇਲ॥ ਧਰ ਧਯਾਨ ਮੂਰਤਿ ਸਜਾਮ ਸੁੰਦਰ ਦੁਖ ਜਨਮ ਮਰਨ ਹਟੇਲ॥੫॥੨੯੧॥ **ਬਿਸਨੁਪਦ ਕਾਫੀ**
ਨਟ॥ ਮਾਧੋ ਜਨ ਆਏ ਸਰਨਿ ਤੁਮਾਰੀ॥ ਪਰਸਤ ਦਰਸ ਪਾਪ ਸਭ ਨਾਸਤ ਜਾਪਤਿ ਨਿਮਖ ਉਧਾਰੀ॥ ਸਿਮਰਤ ਕੋਟ ਪਾਪ ਤਮ ਪਰਹਰਿ ਧਯਾਵਤ
 ਗੁਨ ਬਨਵਾਰੀ॥ ਉਚਰਤ ਤਰਤ ਤਰੰਗ ਭਵ ਸਾਗਰ ਗਾਵਤ ਅਪਦਾ ਟਾਰੀ॥੬॥੨੯੨॥ **ਬਿਸਨੁਪਦ ਨਟ॥** ਜਾਪਹੁ ਭਗਤਿ ਵਛਲ ਭਵ ਖੰਡਨ
 ਦੀਨਾ ਨਾਥ ਭਵਾਨੀ॥ ਤਰਹੁ ਸੰਸਾਰ ਭਉਜਲ ਬਿਖ ਸਾਗਰ ਧਰਹੁ ਧਯਾਨ ਮੂਰਤਿ ਕਲਯਾਨੀ॥ ਭਵਨ ਭਵਨ ਪ੍ਰਤਾਪ ਬਿਰਾਜਤ ਲੋਕ ਚਤੁਰਦਸ

ਰਾਨੀ॥ ਮਹਾਰਾਜ ਰਾਜਨ ਸਿਰਤਾਜਾ ਦੇਤੁ ਸਕਲ ਜਾਚਕ ਬਰਦਾਨੀ॥੨॥੨੯੩॥ ਤਿਮਰ ਬਿਨਾਸਨਿ ਪੋਖਨਿ ਭਰਨੀ ਸਿੰਘ ਬਾਹਨੀ ਰਾਨੀ॥
 ਅਬਿਚਲ ਅਚਲ ਬ੍ਰਹਮ ਰਤਨਾਗਰ ਬਿਸ਼ੁੰਭਰ ਬਰ ਦਾਨੀ॥ ਅਸ੍ਰੁ ਕਰਨਿ ਜਗ ਪੁਰਖ ਭਵਾਨੀ ਸੰਪਤਿ ਸੁਖ ਰਜਧਾਨੀ॥੮॥੨੯੪॥ ਕ੍ਰਿਪਾ ਸਿੰਧੁ
 ਕਲਿ ਘੋਰ ਮਥਾਨੀ ਭਵਖੰਡਨ ਮ੍ਰਿਦੁ ਬਾਨੀ॥ ਪਤਿਤ ਉਧਾਰਨ ਸੰਕਟ ਮੋਚਨੁ ਦੁਖ ਹਰਤਾ ਕਲਜਾਨੀ॥ ਭਗਤਵਛਲ ਜਗ ਤਾਰਨਿ ਅੰਬੈ ਜੈ ਜੈ
 ਆਦਿ ਭਵਾਨੀ॥ ਕਰ ਗਹਿ ਲੇਹੁ ਤਰੰਗ ਤਿਮਰ ਨਿਧਿ ਨਾਰਾਇਨ ਨਿਰਬਾਨੀ॥੯॥੨੯੫॥ ਮੋਹਨ ਪ੍ਰਾਨ ਮਾਨ ਸੁਖ ਦਾਤੇ ਪ੍ਰੀਤਮ ਪ੍ਰਾਨ ਅਧਾਰੇ॥
 ਨਵਤਨ ਨਵਲ ਮਦਨ ਮੂਰਤਿ ਸ੍ਰੀ ਛਬਿ ਸੁੰਦਰ ਬਨਵਾਰੇ॥ ਨੀਲ ਕੰਠ ਅਸ਼ਟਾਯੁਧ ਸੋਭਤ ਮੁਖ ਮੰਡਲ ਦੁਤਿ ਧਾਰੇ॥ ਬਨਮਾਲਾ ਪੰਕਜ ਅੰਬੁਜ ਦ੍ਰਿਗ
 ਸ੍ਰੀਧਰ ਪੁਰਖੁ ਮੁਰਾਰੇ॥੧੫॥੨੯੬॥ ਬਿਸਨੁਪਦ ਰਾਗੁ ਮਾਲੀ ਗਉੜਾ ਰਹੋਇ ਕੇ ਛੰਤ ਕੀ ਜਤਿ ਗਾਵਣੀ॥ ਧਨਜ ਧਨਜ ਸਾਰਦ ਬਾਕ ਬਾਨੀ ਜੈ
 ਅਚਲ ਅਬਿਚਲ ਧੀਰ॥ ਧਨਜ ਧਨਜ ਮੰਗਲ ਮੁਦਿਤ ਕਾਲੀ ਅਸਗਾਹ ਅੰਮ੍ਰਿਤ ਨੀਰ॥ ਧਨਜ ਧਨਜ ਸਕਤੈ ਜੋਗ ਜੋਗਨਿ ਦੁਖ ਹਰਨਿ ਅਪਦਾ
 ਪੀਰ॥ ਧਨਜ ਧਨਜ ਦੁਰਗੇ ਸਿੰਘ ਬਾਹਨਿ ਬਲ ਬ੍ਰਿਤ ਬਿਕ੍ਰਮ ਬੀਰ॥੧॥੩੯੭॥ ਧਨਜ ਧਨਜ ਚੰਡੀ ਅਸੁਰ ਹੰਤੀ ਪਾਪ ਪੁੰਜ ਨਾਸਨ ਕਰੀ॥ ਭ੍ਰਮ
 ਮੋਹ ਅਪਦ ਨਿਵਾਰ ਅੰਬੈ ਰਿਪੁਦਲਨ ਦੂਖਨ ਜਰੀ॥ ਅਸ਼ਟਾਯੁਧ ਤ੍ਰਿਪੁਰਾਰਿ ਸੁੰਦਰ ਪਦ ਕਵਲ ਪੰਕਜ ਹਰੀ॥ ਭਯ ਨਾਸ ਸ਼ਤੁ ਸੰਘਾਰਿ ਕਾਰੀ ਸੂਖ
 ਸੀਲ ਨਿਧਿ ਰਸ ਭਰੀ॥੨॥੨੯੮॥ ਦੁਖ ਦਹਨ ਦਲਨ ਸੰਤਾਪ ਚੂਰਨ ਮੁਦਿਤ ਮੰਗਲ ਦੇਵ॥ ਰਿਪੁ ਮਲਨ ਹਰਨ ਨਿਪਾਤ ਦਾਨੋ ਜਗਤ ਬੰਦਨ
 ਸੇਵ॥ ਭਵ ਤਾਪ ਪਾਪ ਬਿਨਾਸ ਕਲਿਮਲ ਅਘ ਦਹਨੁ ਅਲਖ ਅਭੇਵ॥ ਜੈ ਜੂਲ ਜਗਮਗ ਜੋਤਿ ਰਾਜਤਿ ਪਦ ਕਵਲ ਅੰਬੁਜ ਸੇਵ॥੩॥੨੯੯॥
 ਸੰਸਾਰ ਸਾਗਰ ਬਿਖਮ ਭਉਜਲ ਤਾਰ ਤਾਰਨ ਹਾਰਿਆ॥ ਭੈ ਅਨਲ ਅਹਿ ਨਿਸਿ ਸਰਤ ਸਾਗਰ ਨਿਮਖ ਜਾਪਤਿ ਤਾਰਿਆ॥ ਗਹਿ ਭੁਜਾ ਲੇਵਹੁ
 ਸਰਨਿ ਦੇਵਹੁ ਜਗਤ ਜਨਨੀ ਮਾਯਾ॥ ਅਬਿ ਰਾਖ ਲੀਜੈ ਮਯਾ ਕੀਜੈ ਪ੍ਰਭੁ ਹੋਹੁ ਬੇਲੀ ਰਾਯਾ॥੪॥੩੦੦॥ ਪ੍ਰਭੁ ਚਰਨ ਕਵਲ ਬਸਾਇ ਹਿਰਦੇ
 ਤਰਹੁ ਭਵਜਲ ਮੀਤ॥ ਦਿਨ ਰੈਨਿ ਸੇਵਹੁ ਸਦਾ ਅੰਬੈ ਗੁਨ ਗਾਓ ਕੀਰਤਨਿ ਨੀਤ॥ ਧਰ ਧਯਾਨ ਮੂਰਤਿ ਸਯਾਮ ਸੁੰਦਰ ਹੋਹੁ ਪਤਿਤ ਪੁਨੀਤ॥ ਲਖ
 ਕੀਏ ਪਾਤਿਕ ਲਹਤ ਨਾਸਤ ਨਿਮਖ ਧਾਰਤ ਚੀਤਿ॥੫॥੩੦੧॥ ਪ੍ਰਭੁ ਸਰਨਿ ਤਾਰਹੁ ਮਯਾ ਧਾਰਹੁ ਕਰਹੁ ਕ੍ਰਿਪਾ ਸ੍ਵਾਮੀਆ॥ ਸਮਰਥ ਸ੍ਰੀਧਰ
 ਕਰਨ ਕਾਰਨ ਦੁਖ ਹਰਨ ਅੰਤਰ ਜਾਮੀਆ॥ ਅਬ ਸਰਨਿ ਦੀਜੈ ਰਾਖ ਲੀਜੈ ਹਰਿ ਦੇਹੁ ਦਰਸਨ ਰਾਇਆ॥ ਗਹਿ ਭੁਜਾ ਲੀਜੈ ਦਰਸ ਦੀਜੈ ਜਗਤ
 ਜਨਨੀ ਮਾਇਆ॥੬॥੩੦੨॥ ਛਕਾ ੧॥ ਬਿਸਨੁਪਦ ਰਾਗੁ ਕਾਨੜਾ॥ ਐਸੇ ਨਾਮ ਸਹਾਈ ਤਾਰਨ ਤਾਰਨ ਚਿੰਤਾਮਨਿ ਕਰੁਨਾਪਤੇ॥ ਸਗਲ ਜਾਚਿਕ
 ਜਾਚਤ ਦਰਬਾਰੀ ਜਗ ਬੰਦਨ ਅਮਿਤੋਜ ਗਤੇ॥ ਜਗਤ ਉਧਾਰਨਿ ਊਚ ਸ੍ਵਾਮੀ ਸੁਖ ਸਾਗਰ ਏਕਾਂਤ ਮਤੇ॥੧॥੩੦੩॥ ਜਗਬੰਦਨ ਭਵ ਹਰਨ ਨਾਥ
 ਪੰਕਜ ਪਦ ਚਾਰੀ॥ ਦੀਨਾ ਨਾਥ ਸਨਾਥ ਮਾਨਮਰਦਨ ਤ੍ਰਿਪੁਰਾਰੀ॥ ਭਵਖੰਡਨ ਦੁਖ ਦਲਨ ਦੈਤਜ ਦਾਨੋ ਰਿਪੁ ਮਾਰੀ॥ ਜੈ ਜੈ ਮੰਗਲ ਰੂਪ ਸਦਾ ਜੈ
 ਮੰਗਲਕਾਰੀ॥੨॥੩੦੪॥ ਬਿਸਨੁਪਦ ਕਾਨੜਾ ਦੂਜੀ ਤਰਹ॥ ਪਉਰਾਤਨਿ ਸਨਾਤਨਿ ਅਮਰ ਅਜੂਨੀ ਸੰਭਉ॥ ਆਦਿ ਅੰਤ ਕਲਿ ਧਾਰ ਅਚਲ
 ਅਸਚਰਜ ਅਚੰਭਉ॥ ਧਰਮ ਰੂਪ ਸੁਖ ਸਿੰਧੁ ਸੁਧਾਗਤਿ ਮੰਗਲਚਾਰੀ॥ ਜੈ ਜੈ ਮੰਗਲ ਰੂਪ ਸਦਾ ਜੈ ਆਨੰਦ ਕਾਰੀ॥੩॥੩੦੫॥ ਅਸ੍ਰੁ ਕਰਨਿ
 ਬਰਦਾਨਿ ਬਾਕ ਬਾਨੀ ਸੁਖ ਦਾਇਕ॥ ਸਯਾਮ ਬਰਨ ਪ੍ਰਧਾਨ ਜਗਤ ਜਨਨੀ ਸਭ ਲਾਇਕ॥ ਮਹਿ ਮੰਡਨ ਭਗਵਾਨ ਭਗਤ ਵਛਲ ਜਗ ਨਾਇਕ॥
 ਦੁਖ ਖੰਡਨ ਚੀਰਾਨਿ ਧਰਮਧੁਜ ਸੰਤ ਸਹਾਇਕ॥੪॥੩੦੬॥ ਸਰਬ ਪਾਲ ਸੰਤਨ ਸੁਖ ਦਾਤਾ ਭਵ ਤਾਰਨ ਜਗ ਰਾਨੀ॥ ਅਸੁਰ ਨਿਪਾਤਨਿ ਭਗਤਿ
 ਦਾਯਨੀ ਤੀਨ ਲੋਕ ਬਰਦਾਨੀ॥ ਮਧੁ ਸੂਦਨ ਮੋਹਨ ਬਨਵਾਰੀ ਦੁਖ ਹਰਤਾ ਸਭਿ ਜਾਨੀ॥ ਅਸੁਰ ਦਲਨ ਸੇਵਕ ਜੈ ਰੱਛਨਿ ਜੈ ਜੈ ਆਦਿ

ਭਵਾਨੀ॥੫॥੩੦੭॥ **ਬਿਸਨੁਪਦ ਕਾਨੜਾ॥** ਬਾਸੁਦੇਵ ਪੂਰਨ ਅਬਿਨਾਸੀ ਕਾਲ ਕਲਹ ਸੰਘਾਰੀ॥ ਦੀਨਾਨਾਥ ਦਯਾਲ ਦਾਮੋਦਰ ਭਵਖੰਡਨ
 ਤ੍ਰਿਪੁਰਾਰੀ॥ ਅਬਿਚਲ ਅਮਰ ਪੰਕਜ ਪਦ ਅੰਬੈ ਤੀਨ ਲੋਕ ਉਜਯਾਰੀ॥ ਕਵਲ ਨੈਨ ਸੁੰਦਰ ਛਬਿ ਸੋਹੈ ਮਧੁ ਸੂਦਨ ਜਗ ਤਾਰੀ॥੬॥੩੦੮॥
 ਜਗਨਨਾਥ ਜਗਤੇਸ਼੍ਵਰ ਸ੍ਵਾਮੀ ਜਗ ਜੀਵਨ ਗਤਿਧਾਰੀ॥ ਮਾਧੋ ਮਿਹਰਬਾਨ ਮਧੁ ਸੂਦਨ ਮਨ ਮੋਹਨ ਬਨਵਾਰੀ॥ ਜਗਨਾਥ ਨਵਤਨ ਸਦ ਰੰਗੀ ਸਦ
 ਨਵਤਨ ਜੈਕਾਰੀ॥ ਪ੍ਰਾਨ ਨਾਥ ਪੂਰਨ ਪਰਮੇਸ਼੍ਵਰ ਸੁੰਦਰਛਬਿ ਗਿਰਿਧਾਰੀ॥੭॥੩੦੯॥ ਕਲਯਾਨ ਰੂਪ ਕਾਲੀ ਕਲਿ ਤਾਰਨ ਸਯਾਮ ਬਰਨ
 ਕਲਯਾਨੀ॥ ਕਲਹ ਨਾਸਨੀ ਕਾਲ ਸੰਘਾਰਨਿ ਕਲਿਮਲ ਰਿਪੁ ਦਲ ਦਾਨੀ॥ ਚਿੰਤਾਮਨਿ ਆਨੰਤ ਆਨੰਦੀ ਮਹਿਪਾਲਨ ਪ੍ਰਧਾਨੀ॥ ਮਹਾ ਜੋਤਿ
 ਜੋਗੇਸ਼੍ਵਰ ਜਨਨੀ ਲੋਕ ਚਤੁਰਦਸ ਰਾਨੀ॥੮॥੩੧੦॥ ਪਤਿਤ ਉਧਾਰਨਿ ਚੰਡਿ ਤਾਰਕਾ ਮਾਤ ਭਵਾਨੀ ਸਾਰਦ॥ ਸਾਰਸ੍ਵਤੀ ਬਿਦਯਾ ਬਰ ਦਾਨੀ ਦੁਖ
 ਹਰਤਾ ਨਿਤਯਾਨਦ॥ ਮੰਗਲ ਮੁਦਤਿ ਚਿੰਤਾਮਨਿ ਜੂਲਾ ਅਘ ਨਾਸਨਿ ਰਿਪੁ ਅਰਨੀ॥ ਸਕਤਿ ਜੋਗਨੀ ਅਸੁਰ ਸੰਘਾਰਿਨਿ ਸਿੰਘ ਬਾਹਨੀ
 ਜਨਨੀ॥੯॥੩੧੧॥ ਛੇਮ ਕਰਨ ਬਰ ਦਾਇਕ ਚੰਡੀ ਰਿਪੁ ਹੰਤੀ ਅਰਿ ਘਾਲੀ॥ ਸ਼ੁਭ ਬਚਨੀ ਸ਼ੁਭ ਕਰਨ ਭਵਾਨੀ ਜੈ ਜੈ ਜੋਤਿ ਜੂਲੀ॥
 ਸ੍ਵਾਮਿਕਾਰਤਿਕਿ ਹੰਸ ਬਾਹਨੀ ਭਵ ਖੰਡਨਿ ਅਘ ਜਾਲੀ॥ ਗਵਰੀ ਸੁਤ ਗਨਪਤਿ ਸਿਵ ਨੰਦੀ ਸ਼ਤ੍ਰੁ ਤਾਪਨੀ ਕਾਲੀ॥੧੦॥੩੧੨॥ **ਬਿਸਨੁਪਦ**
ਰਾਗੁ ਕਲਯਾਨ॥ ਕਹੋ ਕਵਨ ਬਿਧਿ ਗੱਯੈ॥ ਪੰਚ ਦੂਤ ਸੰਗੀ ਇਸ ਮਨ ਕੇ ਖਿਨ ਖਿਨ ਭ੍ਰਮਤ ਨਚੱਯੈ॥ ਇਕ ਚਿੱਤ ਇਕ ਛਿਨ ਰਹਿਨ ਨ ਦੇਈ
 ਉਭ ਪਯਾਲ ਭ੍ਰਮੱਯੈ॥ ਮਹਾ ਪਾਪ ਘੋਰ ਦੁਰਮਤਿ ਮਹਿ ਰੁਚਿ ਚਿੱਤ ਮੋਹਿ ਲਗੱਯੈ॥੧॥੩੧੩॥ **ਬਿਸਨੁਪਦ ਕਲਯਾਨ ਦੂਜੀ ਤਰਹ॥** ਬੁਰੇ ਕਾਮ ਪਾਪ
 ਕਹੁ ਧਾਵਤ ਪਰਧਨ ਹਿਰਨ ਕੀ ਆਸਾ॥ ਪਰਤ੍ਰਿਯ ਪਰ ਨਿੰਦਾ ਮਹਿ ਰਚਯੋ ਨਿਸਿ ਦਿਨ ਬਿਖੈ ਬਿਲਾਸਾ॥ ਮਹਾ ਅੰਧੁ ਕਛੁ ਸੂਝੇ ਨਾਹੀ ਬਾਵਰ
 ਆਤਮ ਲੋਚਨ॥ ਕਬਹੂੰ ਨ ਹਿੱਤਕਰ ਭਜਯੋ ਨਾਰਾਇਨ ਦੁਖ ਸੰਕਟ ਭਵ ਮੋਚਨ॥੨॥੩੧੪॥ **ਬਿਸਨੁਪਦ ਕਲਯਾਨ॥** ਅਧਰਮ ਕੂੜ ਲੋਭ ਰਸ ਮਾਤਾ
 ਨਿਸਿ ਦਿਨ ਕਰਤ ਬਿਕਾਰਾ॥ ਲੋਭ ਫਾਸ ਦਾਰਾ ਧਨ ਫਾਸਯੋ ਇਕ ਛਿਨ ਹੋਤੁ ਨ ਨਜਾਰਾ॥ ਠਗਿ ਮੁਰਦਾਰ ਬਦ ਫੈਲੀ ਕਰਤਾ ਮੁਖ ਤੇ ਬੁਰਾ
 ਉਚਾਰਾ॥ ਕਬਹੂੰ ਨ ਸਿਮਰਯੋ ਦੁਖ ਭੰਜਨ ਹਰਿ ਨਿਰਭਯ ਰਾਮ ਮੁਰਾਰਾ॥੩॥੩੧੫॥ **ਬਿਸਨੁਪਦ ਕਲਯਾਨ॥** ਕਰ ਪਾਤਿਕ ਉਦਰ ਕਉ ਭਰਤਾ
 ਪਸੁ ਜਯੋਂ ਕਰਤ ਅਹਾਰਾ॥ ਕੂਕਰ ਸ੍ਵਾਨ ਗਰਧਭ ਕੀ ਨਜਾਈਂ ਨਿਸਿ ਦਿਨ ਕਰਤ ਗੁਜਾਰਾ॥ ਕਾਮ ਕ੍ਰੋਧ ਅਹੰਕਾਰ ਬਯਾਪਯਾ ਤਮ ਲੋਚਨ
 ਗਾਵਾਰਾ॥ ਇਕ ਚਿੱਤ ਹੋਇ ਨ ਪ੍ਰਭੁ ਗੁਨ ਗਾਯੋ ਦੁਖ ਹਰਤਾ ਕਰਤਾਰਾ॥੪॥੩੧੬॥ ਸਾਧੁ ਸੰਗ ਤੈਂ ਕਬਹੂੰ ਨ ਕੀਨੀ ਨਿਸਿ ਦਿਨ ਬਿਖੈ ਲੁਭਾਨਾ॥
 ਬੇਸ੍ਵਾ ਦ੍ਵਾਰਿ ਮਨਮੁਖ ਕੀ ਸੰਗਤਿ ਇਹ ਨੀਕੀ ਜੀਯ ਜਾਨਾ॥ ਚੋਰੀ ਜਾਰੀ ਪਰ ਜੀਅ ਘਾਤੀ ਬਿਖਯਾ ਰਸ ਲਪਟਾਨਾ॥ ਇਕ ਮਨ ਹੋਇ ਨ ਭਜਯੋ
 ਨਿਰੰਜਨ ਪਰਮ ਜੋਤਿ ਭਗਵਾਨਾ॥੫॥੩੧੭॥ ਅਵਧਿ ਅਕਾਰਥ ਬੀਤਤਿ ਨਿਸਿ ਦਿਨ ਤਿਨ ਪਲ ਘਟਤੀ ਕਾਯਾ॥ ਜਰਾ ਮਰਾ ਗ੍ਰਾਸਤਿ ਛਿਨ
 ਛਿਨ ਤੋਹਿ ਆਜ ਕਾਲ ਮਿਟ ਜਾਯਾ॥ ਓਰੇ ਸਮ ਬਿਨਸਤਿ ਇਹ ਕਾਯਾ ਛਿਨ ਮਹਿ ਭਯਾ ਪਰਾਯਾ॥ ਪੁਤ੍ਰ ਕਲਤ੍ਰ ਛਾਡਯੋ ਤੈਂ ਮੂਰਖ ਕਾਹੂੰ ਨ ਕੀਨ
 ਸਹਾਯਾ॥੬॥੩੧੮॥ **ਬਿਸਨੁਪਦ ਕਲਯਾਨ ਦੂਜੀ ਤਰਹ॥** ਸੁਕ੍ਰਿਤ ਕਰਹੁ ਤਰਹੁ ਭੈ ਸਾਗਰ ਚਰਨ ਕਮਲ ਚਿੱਤ ਧਾਰੋ॥ ਸਾਸ ਸਾਸ ਸਿਮਰੋ ਪਦ
 ਪੰਕਜ ਮਨ ਮਕਰੰਦ ਗੁੰਜਾਰੋ॥ ਧਰਹੁ ਧਯਾਨ ਮੂਰਤਿ ਭਵਖੰਡਨਿ ਪੁਨਰਪਿ ਦੇਖ ਨਿਵਾਰੋ॥ ਅਜਪਾ ਜਾਪੁ ਰੇ ਜਪਹੁ ਜੀਅਰੇ ਦੁਖ ਮੋਚਨ
 ਕਰਤਾਰੋ॥੭॥੩੧੯॥ **ਬਿਸਨੁਪਦ ਕਲਯਾਨ॥** ਉਠ ਪ੍ਰਭਾਤਿ ਕਰਹੁ ਇਸ਼ਨਾਨਾ ਪਦ ਪੰਕਜ ਮਹਿ ਲੀਨਾ॥ ਜਥਾ ਸਕਤਿ ਦਾਨ ਭੂਖੈ ਕਹੁ ਨਿਮਖ
 ਨਿਮਖ ਰੰਗ ਭੀਨਾ॥ ਕ੍ਰੋਧ ਨਿਵਾਰ ਦਯਾ ਮਨ ਲਾਵਹੁ ਹਿੰਸਾ ਦੁਰਮਤਿ ਤਯਾਗੋ॥ ਇਕ ਮਨ ਹੋਇ ਭਜਹੁ ਨਾਰਾਇਨ ਖਿਮਾ ਧਰਮ ਅਨੁਰਾਗੋ॥

॥੮॥੩੨੦॥ ਤੀਰਥ ਬਰਤ ਨੇਮ ਸੁਚਿ ਕ੍ਰਿਯਾ ਸੀਲ ਸੰਤੋਖ ਆਚਾਰੇ॥ ਪੂਜਾ ਤਿਲਕ ਹੋਮ ਗਾਯਤ੍ਰੀ ਸੰਧਯਾ ਤਰਪਨ ਧਾਰੇ॥ ਗੁਰੁ ਠਾਕੁਰ ਪਿਤੁ
 ਮਾਤ ਬੰਧੁ ਜਨੁ ਮਿਸ੍ਰਿ ਬਚਨ ਅਭਿਲਾਖੇ॥ ਸਭਿ ਕੀ ਰੇਨੁ ਹੋਇ ਰਹੇ ਪੰਖੇਰੂ ਮੰਦਾ ਕਿਸਹਿ ਨ ਭਾਖੇ॥**੯॥੩੨੧॥** ਇਸ੍ਰੁ ਦੇਵ ਰਿਖੀ ਪਿਤ੍ਰ ਬ੍ਰਹਮਨ
 ਗਊ ਅਭਯਾਗਤਿ ਮਾਨੇ॥ ਕੀਟ ਹਸਤਿ ਮੇਰੁ ਤ੍ਰਿਣਨ ਮਹਿ ਸਰਬ ਨਿਰੰਜਨਿ ਜਾਨੇ॥ ਸਤ੍ਯ ਰੂਪ ਆਤਮ ਅਬਿਨਾਸੀ ਬ੍ਰਹਮਸਤਿ ਪਹਿਚਾਨੇ॥ ਏਕ
 ਬ੍ਰਹਮ ਸਭ ਘਟਿ ਘਟਿ ਪੂਰਨ ਆਦਿ ਪੁਰਖੁ ਭਗਵਾਨੇ॥**੧੦॥੩੨੨॥** ਬਿਸਨੁਪਦ ਕਲਯਾਨ ਦੂਜੀ ਤਰਹ॥ ਧਰਮ ਕੇਤੁ ਫਰਹਰਤ ਝਲਤਿ ਚਹੁ ਓਰ
 ਧੁਜਾ ਬਰ॥ ਕੈਲਾਸ ਬਾਸ ਪਬ ਕਨਕ ਰਤਨ ਚਹੁ ਓਰ ਸੁਧਾ ਸਰਿ॥ ਮਨਿ ਮਾਨਕ ਮੁਕਤਾ ਮਯੂਰ ਰਾਜਤਿ ਮਲਯਾਗਿਰਿ॥ ਹੰਸ ਹੰਸਨੀ ਚੁਗਤਿ
 ਤਰਤ ਮੁਕਤਾ ਕੰਚਨ ਪਰਿ॥**੧੧॥੩੨੩॥** ਕਰਤ ਕੇਲ ਬਹੁ ਭਾਂਤਿ ਚਰਤ ਮੋਤੀ ਪੰਕਜ ਤਰ॥ ਅਲਿ ਮਕਰੰਦ ਗੁੰਜਾਰਤ ਭ੍ਰਮਤ ਗੁੰਜਰਤ ਭ੍ਰਮੰਕਰ॥
 ਮਾਰੁਤ ਬਾਸ ਸੁਬਾਸ ਚਕ੍ਰ ਸਮ ਭਵਰ ਬਘੂਰਨਿ॥ ਮਧੁ ਸਰ ਸੁਰਾ ਸੁਗੰਧਿਤ ਰੰਗ ਲਲਿਤਿਨਿ ਪਰਿ ਪੂਰਨ॥**੧੨॥੩੨੪॥** ਗੰਧ ਸੁਗੰਧ ਸੁਬਾਸ ਪੁਹਪ
 ਚੰਦਨ ਮਲਯਾਗਿਰਿ॥ ਪਾਰਿਜਾਤ ਕਲਪਤਰੁ ਸੁਧਾਨਿਧਿ ਅੰਮ੍ਰਿਤ ਸਾਗਰਿ॥ ਘੋਰ ਘੋਰ ਮਨਿ ਦਿਪਤਿ ਜਤਿਤ ਬਹੁ ਬਿਧਿ ਰਤਨਾਗਿਰਿ॥ ਪੁਹਪ
 ਲਲਤਿ ਅਰੁ ਸ੍ਰੇਤ ਸੁਧਾਗਤਿ ਗੰਧ ਮਲਯਾਗਿਰਿ॥**੧੩॥੩੨੫॥** ਬਾਸ ਸੁਬਾਸ ਪੁਹਪ ਗੰਧ ਨ੍ਰਿਤਤਿ ਭਾਂਤਿ ਭਾਂਤਿ ਸੋਹੈ ਪਾਤ੍ਰ॥ ਅਨਲ ਪੱਛ ਪੰਛੀ ਸੁ
 ਕੁਲ ਬਿਚਰਤ ਪੰਛੀ ਬਰ॥ ਗਰੁੜ ਉਰਗਿ ਬਹੁ ਭਾਂਤਿ ਬਸਤ ਕਲਪਾਂਤਿ ਜੁਗਾਂਤਰ॥ ਚਹੁ ਓਰ ਗੂੰਜੈ ਭ੍ਰਮਰ ਕਮੋਦੀਨ ਚਕੋਰ ਮਯੰਕਰਿ॥ ਧਰਤ
 ਧ੍ਯਾਨ ਘੋਰਾਤ ਕਲਪ ਕੋਟ ਕੋਟ ਫਨਿ ਅਰਨੀ॥ ਅਰੁਣ ਕੇਤੁ ਫਰਹਰਤ ਮਰੀਚਿ ਕਨਕਾਗਿਰਿ ਤਰਨੀ॥**੧੪॥੩੨੬॥** ਆਦਿ ਜੁਗਾਦਿ ਕਲਪਾਦਿ
 ਸਦਾ ਅਬਿਨਾਸੀ ਪਦ ਕੰਜ ਚਰਨ॥ ਕਵਲ ਚੱਛੁ ਜਗ ਸਾਰ ਅਭਯ ਭਯਾ ਨਾਸਨ ਅਘ ਛਾਰ ਕਰਨਿ॥ ਸਰਬ ਪੂਰ ਸਤਿ ਰੂਪ ਸੁਤਹ ਸਿਧਿ ਜੋਤਿ
 ਬਿਰਾਜੈ॥ ਅਬਿਨਾਸੀ ਭਯ ਕੰਦ ਸਸਿ ਪ੍ਰਕਾਸਾ ਸਦਾ ਜੈ॥**੧੫॥੩੨੭॥** ਅਬਿਚਲ ਅਕਾਲ ਨਿਰਵੈਰੁ ਸਦਾ ਨਿਤ ਜੈ ਜੈ ਜੈ॥ ਮੰਗਲ ਹਰਖ ਬਿਨੋਦ
 ਚਿੰਤਾਮਨਿ ਰਾਮ ਬਿਜੈ ਜੈ॥ ਛਟਾ ਚਮਕਤਿ ਪੁਰ ਨੂਰ ਭਾਨੁ ਦੁਤਿ ਦੁਰਗਾ ਰਾਜੈ॥ ਸੰਖ ਭੇਰਿ ਗਜ ਸਿੰਧੁ ਸਮਨ ਧੁਨਿ ਕੇਹਰਿ ਲਾਜੈ॥**੧੬॥੩੨੮॥**
 ਅਸਿ ਤੁਫੰਗ ਸਹਿਥੀ ਸਿਪਰ ਬਾਂਕ ਗਦਾ ਗੋਫਨ ਤਰਵਾਰੀ॥ ਤੀਰ ਤੁਪਕ ਕੈਬਰ ਧਨੁਖ ਸੰਖ ਚਕ੍ਰ ਬਿਛੂਆ ਛਬਿਕਾਰੀ॥ ਗੋਫਨ ਗੁਰਜ ਬਾਨ ਨਾਨਾ
 ਬਿਧਿ ਸੋਭਤਿ ਅਤਿ ਜਗਮਾਤ ਉਜਾਰੀ॥ ਸਸਤ੍ਰ ਅਸਤ੍ਰ ਕੋਟਨ ਅਸੰਖ ਉਰ ਮਾਲ ਮਨੀ ਭੂਖਨ ਫਨਵਾਰੀ॥**੧੭॥੩੨੯॥** ਰਿਪੁ ਦਲ ਚੂਰ ਧੂਰਿ ਹੈ
 ਭੱਜਤ ਗੱਜਤ ਸਿੰਘ ਮਹਾ ਰਣ ਮੰਡਲ॥ ਜੁੱਗਣਿ ਬੀਰ ਪਿਸਾਚ ਡਾਕਣੀ ਅਚਤਿ ਸ਼੍ਰੇਣ ਬੁੰਦਨ ਰਨ ਖੰਡਲ॥ ਕੋਟ ਕੋਟ ਦਲ ਪਦਮ ਅਸੰਖਨ ਰਿਪੁ
 ਦਲ ਕਰਤਿ ਚੂਰ ਜਗਮਾਤਾ॥ ਇਕ ਹੈ ਸਾਮੁਹਿ ਭਿਰਤ ਰਣ ਤਰਤ ਸਿੰਧੁ ਭਵਜਲ ਬਿਖਯਾਤਾ॥**੧੮॥੩੩੦॥** ਰਿਪੁ ਦਲ ਸਕਲ ਜੀਤ ਜਗ ਮਾਤਾ
 ਭੂਮਿ ਕੋ ਭਾਰ ਉਤਾਰਜੋ॥ ਦੁਸ਼ੁ ਬਿਪ੍ਰਸਨਿ ਅਸੁਰ ਸੰਘਾਰਨਿ ਸੰਤਨ ਦੂਖ ਨਿਵਾਰਜੋ॥ ਅਬਿਚਲ ਰਾਜ ਦੀਯੋ ਸੁਰਪਤਿ ਕੋ ਨਿਜ ਕਰ ਤਿਸਹਿ
 ਉਬਾਰਜੋ॥ ਜੈ ਜੈਕਾਰ ਭਯੋ ਸੁਰਮੰਡਲ ਮੰਤ੍ਰ ਸੁ ਕਵਚ ਉਚਾਰਜੋ॥**੧੯॥੩੩੧॥** ਬਿਸਨੁਪਦ ਕਲਯਾਨ ਤਿਪਦਾ॥ ਧੂਪ ਦੀਪ ਤਿਲਕਾਦਿ ਸੁਗੰਧਾ
 ਪੁਹਪ ਲਲਿਤ ਕਰ ਲੀਏ॥ ਨਿਰਮਲ ਅੰਭ ਕਲਸ ਕੰਚਨ ਭਰ ਪਾਕ ਬਿਬਿਧ ਬਿਧਿ ਕੀਏ॥ ਸੁਰਪਤਿ ਆਦਿ ਦੇਵ ਗੰਧੂਬ ਮਿਲਿ ਆਰਤੀ ਕਰਤ
 ਬਿਧਾਨਾ॥ ਅਖਯ ਰਾਜ ਅੰਬੈ ਤਹਿ ਦੀਨਹੁ ਦਾਸ ਜਾਨ ਕੈ ਤਾਰਜੋ॥ ਸੰਕਟ ਭੀਰ ਬਿਪਤਿ ਅਉਸਰ ਮਹਿ ਜਹੈ ਤਹੈ ਕੀਨੁ ਉਧਾਰਜੋ॥**੨੦॥੩੩੨॥**
ਬਿਸਨੁਪਦ ਰਾਗੁ ਮਾਰੂ॥ ਗਰਜਤ ਸਿੰਘ ਲੰਕੁੜਾ ਕੂਦਤ ਭਭਕਤ ਭੀਮ ਅਪਾਰਾ॥ ਭੂਤ ਪ੍ਰੇਤ ਨਾਨਾ ਬਿਧਿ ਨਾਚਤ ਘਹਿਰਤ ਗਗਨ ਬੈਤਾਰਾ॥ ਭੈਰਵ
 ਭੀਮ ਪਿਸਾਚਿ ਡਾਕਣੀ ਕੂਕਤ ਕਠਿਨ ਮਸਾਨਾ॥ ਆਮਿਖ ਅਚਤ ਆਹਵ ਮੰਡਲ ਮਹਿ ਕਿਲਕਤ ਬੀਰ ਬਿਵਾਨਾ॥**੧॥੩੩੩॥** ਕਿਲਕਿਲ

ਕਰਤ ਨਾਨਾ ਬਿਧਿ ਨ੍ਰਿਤਿਤਿ ਕੁਹਕਤਿ ਫਿਰਤ ਪਿਸਾਚਨਿ॥ ਭੈਰਵ ਭੂਤ ਭੀਮ ਭਭਕਤ ਘਨ ਘਹਿਰਤ ਨਭ ਬਹੁ ਡਾਕਨਿ॥ ਗਹਿ ਗਹਿ ਹਾਥ ਖਪਰ
 ਰੁੰਡਨਿ ਕੀ ਝੁੰਡ ਝੁੰਡ ਕਈ ਨਾਚਤਿ॥ ਲਲਿਤ ਕਰਾਲ ਜਿਹਵ ਕਾਢੇ ਬਹੁ ਆਮਿਖ ਸ੍ਰੋਨਤਿ ਆਚਤਿ॥੨॥੩੩੪॥ ਸੰਖ ਭੇਰਿ ਮਾਰੂ ਮੁਰਲੀ ਡਫ ਤਾਲ
 ਮ੍ਰਿਦੰਗ ਬਜਾਵਤਿ॥ ਤੂਰ ਨਾਇ ਝਾਂਝਰ ਘੁੰਘਰੁ ਗਤਿ ਧਉਂਸਾ ਡੰਕ ਸੁਹਾਵਤਿ॥ ਬੀਨਾ ਬੇਨੁ ਰਬਾਬਿ ਪਖਾਵਜ ਸੰਖ ਘੰਟ ਧੁਨਿ ਸੋਹਤਿ॥ ਨੇਵਰ ਸਬਦ
 ਤਾਪ ਤ੍ਰਈ ਮੋਚਨਿ ਲੋਕ ਚਤੁਰਦਸ ਮੋਹਤਿ॥੩॥੩੩੫॥ ਭਾਂਤਿ ਭਾਂਤਿ ਮਾਰੂ ਰਨ ਬੱਜਤ ਕਟਕ ਦੇਵਤਾ ਸਾਜੈ॥ ਦੁੰਦਭਿ ਕੋਟਿ ਨਾਇ ਨਾਨਾ ਬਿਧਿ ਚਮੂ
 ਦੇਵਤਨ ਬਾਜੈ॥ ਅਸੂ ਨਾਗ ਕਰਹਲ ਆਰੂੜਤਿ ਕੋਟ ਤੇਤੀਸਾ ਗਾਜੈ॥ ਸਜਾਮ ਕਰਨਿ ਐਰਾਵਤ ਆਦਿਕ ਰਕਤ ਸ੍ਰੋਤ ਤਨ ਛਾਜੈ॥੪॥੩੩੬॥ ਮਨਿ
 ਹਿਮ ਗਿਰਿ ਰਾਜਤਿ ਧਉਲਾ ਤਨ ਸੋਭਤਿ ਮਨਹੁ ਮੁਨਾਰੇ॥ ਸਜੰਦਨਿ ਪਾਲ ਦੁਰਦਨਿ ਆਰੂੜੇ ਦੇਵਨ ਸਕਲ ਅਖਾਰੈ॥ ਚੜ ਬਿਵਾਨ ਸੁਮਨ ਬਰਸਾਵਤਿ
 ਗਜ ਮੁਕਤਾ ਗਲਿ ਹਾਰੇ॥ ਅਚਜੁਤ ਜਾਪ ਜਪਤ ਅੰਬੈ ਜਸ ਲਸਕਰ ਸ਼ਤੁ ਸੰਘਾਰੇ॥੫॥੩੩੭॥

*ਸ਼੍ਰੋਮਣੀ ਪੰਥ ਖਾਲਸਾ ਅਕਾਲੀ ਬੁਢਾ ਵਲ ਨਿਹੰਗ ਸਿੰਘ
 ਪੰਜਵਾਂ ਤਖਤ ਚਕ੍ਰਵਰਤੀ ਚਲਦਾ ਵਾਹੀਰ ਵਿਸ਼ਵ*

www.sarblohgranth.com